

வேதாந்த விசாரணைகள்

சௌராஷ்டிர பாஷையில்



ஆசிரியை

குட்டி. கு. காவேரியம்மாள்

மதுரை.



ஹரிஸமய திவாகரம் பிரஸ், மதுரை.

1954.

விலை ரூ. 1-4-0

உ

வேதாந்த விசாரணைகள்

சௌராஷ்டிர பாஷையில்



ஆசிரியை

குட்டி. கு. காவேரியம்மாள்

மதுரை.



ஹரிஸமய திவாகரம் பிரஸ், மதுரை.

1954.

விலை ரூ. 1-4-0



ஸ்ரீமதி குட்டி, கு. காவேரி அம்மாள்.

ஓம் நம: ஸத்

ஸ்ரீமத் அஸ்வத்தநாயக முத்துராமலிங்க சிரேஷ்ட தேசிகாய நம:

ஸ்ரீமத் குரு பிரஹ்மானந்த சுவாமிநே நம:

ஸ்ரீமத் அகண்டபரிபூர்ண சச்சிதானந்த பிரஹ்மா
னந்த அஸ்வத்தநாத முத்துராமலிங்க சிரேஷ்ட தேசிக
முத்தையா வரையிலுள்ள சுந்தரானந்த சுவாமிகளின்
சிஷ்யராகிய பிரஹ்மானந்த சரஸ்வதி சுவாமிகள் அத்வை
தானந்த சுவாமிகளின் குரு பரமகுரு பரமேஷ்டி குரு
பராபரகுரு மகாகுரு முதலான பெரியவாளுடைய பாதார
விந்தங்களில் சமர்ப்பணம் செய்து பெரியவாளுடைய
அனுக்கிரஹத்தால் கீழ்க்கண்ட தத்துவங்களை ஸௌ
ராஷ்ட்ர பாஷையில் எழுதியிருக்கின்றேன்.

- (1) தேர் விர்த்தி
- (2) சார் சாதனே
- (3) நாநா ஜீவவாத கட்டளை
- (4) சார் வேது மஹாவாக்யம்
- (5) ஷட் லிங்க தாத்பர்யம்
- (6) ராம மோந்தூர்
- (7) பஞ்ச கோஷ விலகணம்

மேல் கண்ட ஏழு தத்துவங்கள் ஸௌராஷ்ட்ர
பாஷையில் நிர்விக்னமாய் நிறைவேறவும் இவை உலகத்
தின்னகண் விருத்தியாய் முழுக்கூடுக்களெல்லோரும்
கிருதார்த்தர்களாய் ஜீவன் முக்தி விதேக முக்திவரை
அடையும் பொருட்டும் பிரார்த்திக்கிறேன். ஸௌராஷ்ட்ர
கனவான்களாகிய வேதாந்திகளான புளியடி. கிருஷ்ண
ஸ்வாமிகள், வி. எஸ். ராமய்யர், தப்பாளி. சு. உமாபதி
அய்யர், தொப்பே. ரா. பத்மநாபய்யர் முதலியோர்கள்
பார்வையிட்டதற்கு எனது நன்றி.

இப்படிக்கு,

குட்டி. கு. காவேரி அம்மாள்.

முதல் பதிப்பு 1953.

ஸௌராஷ்ட்ர விஜயாப்தம் 641.

“ ஓம் தத் ஸத் ”

கணபதி தோத்திரம்

கணநாதனையே கணவோடுஹுவோர்
கணமேதனையே யறிவார் குணமே
எனவே மொழிந்தே யெதிராடிடுமோர்
கணபா கணியோர் கரிமா முகனே.

கந்தன் தோத்திரம்

கந்தாகுகனே கலிமா முருகா
செந்தேதன் தினைமா தெவிட்டா துண்போம்
வந்தே நருகா மைலே வசதா
தந்தே நென்றே தருவாய் பதமே.

அமிர்தேசு வரி தோத்திரம்

அமிர்தேஸ் வரியாய் மணமா டமுதே
தமியே னிடர்தீர் தருவே தருவாய்
நமையாடிடுமோர் நகமாய்த் ததியே
நனைநா வதுகாண் நலமாம் பதமீ.

குருஸ்ஸுதி

சித்தியி னோடு முத்தியை யருளுஞ் சித்திமா முகன்றிரு வடியை
பத்தியி லுருகும் பாங்கிரியிறையைப் பாண்டியன் குமரியாய்ப் பாவுஞ்
சத்தியைக், கயற்கண் ணம்மைபைச் சுகத்தின் றந்தையாஞ் சுந்தானடி
சித்தாரு வானபிரமவா நந்தத் தேசிகன் றனைத்தினம்பணிவாம் [யைச்

தன்னைத்தா னறிகின்ற தவத்தைப்போல
தாணிதனி லேதுசுக மிருக்கு தென்று
பொன்னைத்தான் புடம்தோட்டுத் தங்க மாக்கும்
பொதுவான வழியதுபோல் பக்குவஞ் செய்
தென்னைத்தான் அகண்டத்தி னிலைநிறுத்தி
யின்பமுள்ள ஈசந்தன்னை யெளிதி லூட்டிப்
பின்னைத்தான் பிறப்பொழித்த பிரமானந்த
பெருமானே யெந்நாளும் பணிகின்றேனே.

தேர் விர்த்து

- | | | |
|-------------|----------------|----------------|
| (1) ராகம் | (6) மோகம் | (11) டம்பம் |
| (2) துவேஷம் | (7) மதம் | (12) டர்பம் |
| (3) காமம் | (8) மாச்சரியம் | (13) அதங்காரம் |
| (4) குரோதம் | (9) இருஷை | |
| (5) லோபம் | (10) அசுவை | |

1. ராகம்

1. ராகம் மெனஸ்தான் விர்த்தி காய்னா.மெனேதி:—

பரஸ்திரி கமனம் கென்னெ மெனி ஹவ்டத்தேஸி ராகம். தெ விர்த்தி அப்லானு ஹோனா. கொகஹால் ஹோனானுமெனதி தெ விர்த்தி தொ²வ்லி ஹோதி கோன் நாஸ்தி பொந்த்யாஸ் மெனேதி ரவண் நாஸ்தி பொந்தெஸ். தெக ப³ந்தூல் நாஸ்தி, தெக இகபரம்மு அபகீர்த்தி, தெக ராஜபூமி ஹாணி, தெக அர்த்து காய்னா மெனேதி:—

சீதொ, ரமஸ்வாமி, லெக்ஷ்மன் வனம்மு ஜீ ர:தொ, சூர்ப்பனகி அவிகின் மொகொ ஹாராட் கெல்லே மெனி சுவாமின் ஜோவள் மெனிஸ். மி ஹாராட் கெல்லிட் ரியோ மொரெபை¹ லெக்ஷ்மன் ஜோவள் ஜா மெனி ஜீபுர் லிக்கித⁴ட்³டியாஸ். சூர்ப்பனகி லெக்ஷ்மன் ஜோவள் ஜீஸ். மொகொ ஹாராட் கெல்லே மெனி ஜீப் தெ³க்கடிஸ். தெமாழு தீ²ன்பங்கம் கோர் மெனி லிக்கி ஹோத்யாஸ். திதா⁴னுக் தீன் பங்கம் கெரி சொடியாஸ். தேட் ரீ: அகோரங்கண் ரொள்ளேத் பை⁴ மெனஸ்தான் ரவண் ஜோவள் ஜீகின், சீதாரு தொகொமெனி சீஸி. மொகொ இசொ பங்கம் கெரி சொட்டியாஸ் மெனி மெனிஸ். ரவணு தொகொ இசொ பங்கம்கெரி சொட்டியாசா மெனி,மொ

மெனஸ்தான் மாரீசன் ஜோவள் ஜீகின் தூ மாணு வெஷம்
 க²ள்ளிஜா, யி சீதாக் பொ³ல்லி அவுஸ் மெனி மெனெஸ்.
 ஜேகத் பொ⁴ரெ ஸ்வாமி லோகமாதா தெங்கொ ஜீகினு
 பொ³ல்லி அவ்ஹொ மெனி மாரீசன் மெனெஸ். தூ
 ஜாஸ்கி ஒண்டே செக்கினி செக்கு மெனி மெனெஸ்.
 ஈ பாபி ஹதரொ மொரத்தெ ஸொம்மரு, சுவாமின்
 ஹதரோ மொரெத் மொகொ, மோக்தி ஸே மெனி, மாணு
 ரூப் க²ள்ளி தே வனமு ஜேடெஸ். சீத மாய் மாணு தெ³க்
 கிகின் ஸ்வாமினு ஜோவள் இ மான்தெ⁴ரி தெ³வொ
 மெனி மெனிஸ். இ மாய்மான் கைகி எல்லே அவ்ரெ
 ஹாதும் அப்³பு னமெனி மெனெஸ். மொகொ தெ⁴ரிதீஸ்
 ஹொஹெ மெனி மெனிஸ். லெக்தமன் ஜோவள் துரெ
 ப⁴விக் து சீலெ மெனி, ஸ்வாமின், மாணுக் தெ⁴ரத்தக்
 ஜேட்யாஸ். மான் லெகுத்தொ அவத்தெ, து³ து³ர்
 ஜாத்தெ ஹாதக் அப்பனி மெனி சுவாமின் ப³ணம் ஸொ
 ட்யாஸ். இ ப³ணம் லயெ மாத்ரம்மு ஸீதா, லெக்தமன,
 மெனி மெல்லேத் பிராண் சொட்டேஸ். தெ வத்²தொசீதா
 மாயிக் காணும் பொடி, “துரெ ததா³க் ஆபத்து அவட்
 ராய்²ஸொகன் சே மெனி லெக்தமன் ஜோவள் மெனிஸ்.”
 அவ்ரெ த³தாக் கொன்னி கலம்மு ஆபத்து அவத்தெ
 காம் நீ: சரிதுகு காய்தி ஹந்தார் அவி ஜகய்ஹா
 தெகசொகனி அவ்ரெ ததாக் கொன்னி காலம்மு ஆபத்து
 அவத்தெ காம் நீ: மெனி லெக்தமன் மெனத் தக்கின்,
 து காய் மொன்னும் தொவ்வி காய் மெனரியொ மெனி
 சீதாமாய் மெனிஸ். தெ வத்தொ லெக்தமன் சகிஞ்சல்லத்
 தக் முசுனத்தகனி, ஸாத் கி³தொ லிக்கி தீ³டி கி³தா தெங்
 குட் அவ்ஹொ மெனி சங்கிதி ஜேட்யாஸ். லெக்தமன்
 தெங்குட் ஜாத்த்தக்கின், ர²வண் சந்நியாசி ரூப் க²ள்ளி
 அவெஸ். சந்நியாசி அவட்ரேஸ்நா மெனி சீதாமாய்
 தந்து³ க⁴லத்தக் அவிஸ். கி³தா தெங்குட்ரீ: க⁴லனிளிஸ்,

கி³தா எங்குட் அவி கா⁴லிமெனி மெனெஸ். கி³தொ' த³ட ஹோலு மெனி மெனிஸ். ஒண்டெ கி³தொ த³டி- கா⁴லி மெனி மெனெஸ். ஒண்டெ கிதொ த³டி க⁴லத்தக் கின், இ மாய சந்நியாசி மெனஸ்தான் ரவண் பொயிஹ் வாசுர் பெளிஞ்சில்லி சீதாமாயிக் ரெத்தும் பி³சள்ளி அசோக வனம்மு பொ³ல்லேத் தொ²வ்விடேஸ். தெ விர்த்தி ஹாலி தெனெ கோனெக் நாஸ்தி பொந்தெஸ்கி, தெக ஸோகனி மோகதி பொந்துனெ மெனஸ்தான் முழுக்ஷு^௮டு தெ விர்த்தி விக்⁴கி⁴னு அவஸ்தெக ஹாலி தெ விர்த்தி அப்லானு ஹோலு.

2. துவேஷம்

2. துவேஷம் மெனஸ்தான் விர்த்தி காய்னா மெனெதி:—

உபகாருக் உபகார் கெர்னெ, அபகார் ஹவ்டத்தேஸ் துவேஷம். தெ விர்த்தி அப்லானுஹோலு. கொகஹால் ஹோனலு மெனெதி, தெ விர்த்தி தொ²வ்வி ஹோதி கோன் நாஸ்தி பொந்த்யாஸ் மெனெதி ஹிரண்யாக்ஷு^௮டு நாஸ்தி பொந்தெஸ். தெகபந்துல் நாஸ்தி, தெக இக பரம்மு அபகீர்த்தி, தெக ராஜபூமி ஹானி. தெக அர்த்து காய்னா மெனெதி:—

பிரஹலாதுடு தெகமாய் போடும் ரதொ, நாரத பக வான் அவிகின் மாய் ஜோவள் கெ²தொசங்க்யாஸ். மாயிக் ஹோங்கு அவ்டியொ. போடும் சேஸ்தான் நு : க்ரு ஐகிலேத் ஹோதெஸ் கெதொ முஜ்ஜெ. தெஸ்ஸ^௮ மடொ ஹோத்தக்கின் நு : க்ரு உஜேஸ். வியார்தி³ ப²ரா துரு, திச உஜேஸ்தான் நு : க்ருக் பிரஹலாதுடு மெனி நாவ் கல்யாஸ். பான்ச வொர்கு ஹோத்தக்கின், பிரஹ லாதுடுக் பொஸ்டம்மு பொஸ்லி ஜீகின் பி³சட்யாஸ்.

வத்தியாரு ஹிரண்யாய நம: மெனி சிக்கடாஸ். ஏனென
 ஓம் நமோ நாராயணாய நம: மெனிகின் மெனெஸ்.
 நன்ன து:க்ரு களானுத்தக் மெனராய் ஸொகன்ஸே
 மெனி கோ¹ ரி:டியாஸ். ரொவ்வதி² பராதுமு பிரஹலாதுதி
 பொள்டம்மு து: குன்னுக் அஸ்கி தெங்கொ ஜோவள்
 ஓம் நமோ நாராயணாய நம: மெனிகின் சிக்கடெஸ். தொ
 கொ கோன் சிக்கடெயொ மெனி பொள்டம்மு து:குன்
 னுன் அஸ்கிதெனு புஸ்யாஸ்." மொகொ அவ்ரொ
 அம்³ பா போடும் ர:தொ ப⁴கவான் அவிகின் சிக்கடெயொ
 மெனிமெனெஸ். எல்லெ வாக்கிய மூஸ்மென்⁵ ஜோஸொகன்
 ஸே மெனி பொள்டம்மு து: குன்னு அஸ்கிதெனு மென
 ராஸ். ஒண்டெதி மெந்தொ வத்⁶ தியார் ஐகிகின் துமி காய்
 மெனரியொ மெனி புஸ்யாஸ். பிரஹலாதுதி சிக்கடெ
 வாக்கிய மூஸ் அமி மெனரியொ மெனி மெனெஸ். பிரஹ
 லாதுதி⁷ பொ⁸விகின் தெகபா⁴ப் ஹிரண்யாக்ஷ⁹—¹⁰
 ஜோவள் பொ¹¹ல்ஜியாஸ். விவர்னு அஸ்கிசங்க்யாஸ்.
 ஹிரண்யாக்ஷ¹²—¹³ ஐகிதிகின் நன்னெ அஸொ ஹொல்
 லொ நாராயணாய நம: மெனி மெனரெஸ்னா, திசா
 தொரெ தே¹⁴வ் கோட்ஸே மெனி புசெஸ். மொரெ தே¹⁵வ்
 தானும்ஸே, துரும்பும்ஸே மெனி சங்கெஸ். மெகி எல்லெ
 கா¹⁶ம்பும் மொள்ளொ ஸேயா மெனி புசெஸ். "ஹாய்
 ஸே மெனி மெனெஸ் மெனத்தெக்கின் தெ காம்புக்
 ஒண்டெ கு¹⁷த்தொ¹⁸ கு¹⁹த்தெ²⁰ஸ். கு²¹த்²²தெ²³த் தெக்கினு
 ப²⁴கவான், நரசிம்மப் பெருமாள் அவ்தார்கன் ஹொயி
 அவ்டியாஸ். ஹிரண்யாக்ஷ²⁵—²⁶ முதுலும் தீ²⁷ன் வரம்க²⁸டி
 ஹொதெஸ். தீ²⁹ன் வரம் க³⁰டி ஹொதெனி. ஸொளொ
 பா³¹ரிம், து³²வல்லொ, ராதிமு மொரா ஹொனா மெனி
 திசொ வரம் கட்டி ஹொதெஸ். வீழ்செந்துலொ, தா³³ருமு,
 நெக்குரு மொரா ஹொனா மெனி திசொ வரம் கடி
 ஹொதெனி. வீழ்செந்துலொ தாருமு தைவி ஹிரண்
 யாக்ஷ³⁴—³⁵ நெக்குர் ஹொரும் நரசிம்மப் பெருமாள்

சம்ஹாரம் கெத்தியாஸ். தே விர்த்தி ஹாலி தெலே
கோனெக் நாஸ்தி பொந்தெஸ்கி தெக சொகனி மோக்ஷி
பொந்துலெ மெனஸ்தான் முமுகு¹டு தெ விர்த்தி
விக்¹கி¹னு அவஸ்தெக ஹாலி தெ விர்த்தி அப்லானு
ஹோலு.

3. காமம்

3. காமம் மெனஸ்தான் விர்த்தி காய்னா மெனெதி:—

ஜ¹க்கு பஜெ பஜெ மெனி கொரத்தேஸ் காமம்.
தெ விர்த்தி அப்லானு ஹோலு. கொகஹால் ஹோனலு
மெனெதி தெ விர்த்தி தொ²வ்லி ஹோதி கோன் நாஸ்தி
பொந்த்யாஸ் மெனெதி நரகாகுருடு நாஸ்தி பொந்தெஸ்.
தெக அர்த்து காய்னா மெனெதி:—

சோஹொல்லொஸாட் கோ⁴பிஸ்திரி பு²ன்னான் மெனி
நரகாகுருடு மஹாலெக்ஷயி ஹொல்லொ இச்செ பொந்
தெ³ஸ். ப⁴கவான் சியாஸ். இ நீச்சடுக் இ லோசுர்
தொவொ ஹோலு மெனிகின் ஹவ்ட்யாஸ். ப⁴கவான்
அவ்டன்ஜாசன் மெனி நரகாகுருடுக் களயி, நரக் துரு
தைலி ஹொத்யெஸ். ப⁴கவான் து⁴க்கர் அவ்தார் கள்ளி
கின் அவி, தெ நரக்அஸ்கி க²ய்தி நரகாகுருடுக் தீ²ன்
சுழி சுலாயுதம் ஹொல்லொ சம்ஹாரம் கெத்தியாஸ்.
தெக அர்த்து காய்னா மெனெதி: கிருஷ்ண ப⁴கவான்
ந:ன்ன நு:க்ருகன் ர:தொ, கோ³பிஸ்திரி பெ³ட்கின்
க²ள்ளெஸ்னா மெனெதி தெங்கொ ஆலங்கோலங்கண்
கெரி ஸொட்டத்தெ. ப⁴கவான் மொ²ட்டொ ஹொடெத்
தெகரு தெங்கபாடுக் தெனு ஜா ஹொத்யாஸ், எங்க³பாடுக்
எனு ஜா ஹொத்யாஸ். ப³ல்ராம் வெது³ர் தெ³க்கிகின்
“ து காய் பெ⁴ண்டுக்கிடெ தொ³வ்டில்லி ஜியெ ஸொகன்
து ஜாரெஸ்னா மெனி புஸ்யாஸ். கிருஷ்ண ப⁴கவானு

தெங்க தாபத்திரியம்ஹால் தெனு அவரா²ன் மெனி
மெனாஸ். தெ விர்த்தி ஹால் தெனு கோனெக் மென்னி
பொடெஸ்கி மோக்ஷி பொந்துனெ மெனஸ்தான்
முமுகு¹டு தெ விர்த்தி விக்கினு அவஸ்தெக ஹாலி,
தெ விர்த்தி அப்லானு ஹோனா.

4. குரோதம்

4. குரோதம் மெனஸ்தான் விர்த்தி காய்னா மெனதி:—

ஒண்டெனாக் நஸ்துனெ மெனி ஹவ்டத் தேஸ் குரோ
தம். தெ விர்த்தி அப்லானு ஹோனா. கொகஹால் ஹோ
னா மெனதி தெ விர்த்தி தொவ்லி ஹோதி கோன்
நாஸ்தி பொந்த்யாஸ்? பகாகுருடு நாஸ்தி பொந்தெஸ்.
தெக அர்த்து காய்னா மெனதி:—

பா³ர் பொ³ண்டி பா⁴த், பா³ர் பொ³ண்டி மதமாம்சு, பா³ர்
கு³த்தி செரொ, கே⁴ருக் ஒண்டெ நு:க்ருக் தே³த்தெ.
ஒண்டெதி³ மெந்தொ. ஒண்டெ ம²ரஜீன் அகாரங்கண்
ரொள்ளேத் ஹோதிஸ். குந்தமாதேவி அவிகின் துகாய்
அமா ரொடரித்தெ மெனிகின் புஸிஸ். பா³ர் பொ³ண்டி
பா⁴த், பா³ர் பொ³ண்டி மதமாம்சு, பா³ர் கு³த்தி செரொ,
கே⁴ருக் ஒண்டெ நு:க்ருக் தே³த்தெ. மொகொ சேத்தெ
ஒண்டெ நு:க்ரு மொரெ வடாவ் அவ்ரெஸ்னா மெனி மி
ரொடரித்தெ மெனி மெனிஸ். துகாய் அம து ரொன்னெ
கொ மொரெ பெ³டொ பீ⁴முகுத் த⁴ட்டிஸ் மெனி சங்கிதி
ஜேடிஸ் குந்தமா தேவி. பீ⁴ம் அவிகின் துரெ நு:க்ருக்
து தொவ்லெ மெனி சங்கிதி, பா³ர் பொ³ண்டி பா⁴த்,
பா³ர் பொ³ண்டி மதமாம்சு, பா³ர் கு³த்தி செரொ, அஸ்கி
களளிகின் ஒண்டெ பொ³யலும் ஜீ பொண்டின் அஸ்கி
சொவ்லி ஷதலி கா³யினுக் அஸ்கி கா³முகுத் த⁴ட்டிடேஸ்.
கா³யின் அஸ்கி கா³முகுத், பி²ரி அவத்தக்கின் கா³முகுத்

ஸேத்தெ ஜெனுஸ் அஸ்கி பகாகுருடு அவ்ட்ரா²ய் மெனி
 த⁴க்கிகின் குந்தமாதேவி ஜோவள் அவி சங்க்யாஸ்.
 “துமி கொந்நி த⁴க்குனெங்கொ மொரெ பெடாக் பீ⁴மு
 தட்டிரிஸ் மெனி.மெனிஸ். திசநா மெனி குந்தமாதேவி
 ஹோர் அநேக தூஷண வத்தான் கெர்யாஸ். ஏட் இச
 ரதொ, தேட் பா³ர் பொண்டி பா⁴த், பா³ர் பொண்டி
 மதமாம்சு, பா³ர் குத்தி செரொ அஸ்கி க²ய்தி, பீதி,
 தீ³ கா⁴ஸ் கா²ல்ஸே, ஒண்டெ கா⁴ஸ் க⁴டும் ஹொதெஸ்.
 பகாகுருடு அவெஸ். மொகொ மெனி அநெயொ அஸ்கி
 து க²ய்திரெஸ்னா மெனி பீமு பாடுர் ஒண்டெ கு³த்தொ³
 கு³த்தெ³ஸ். கு³த்³த³த்தக்கின் க⁴டும் பா⁴த் க²ல்லொ
 ஹுத்தில்லெஸ். ஸொச்சம் தீ² கா⁴ஸ் க²ய்திகின் பகா
 குருடுக் சம்ஹாரம் கெத்தியாஸ். தெ விர்த்தி ஹாலி
 தெனெ கோனெக் நாஸ்தி பொந்தெஸ்கி மோக்ஷி பொந்
 துனெ மெனஸ்தான் முமுகூடு தெ விர்த்தி விக்கினு
 அவஸ்தெக ஹாலி தெ விர்த்தி அப்லானு ஹோனா.

5. லோபம்.

5. லோபம் மெனஸ்தான் விர்த்தி காய்னா மெனதி:—

மி ஜோடுஞ்செஸ்தான் பொருளு அங்கு³ன்டெ
 னாக் தெவுஹா மெனி ஹவ்டத்தேஸி லோபம். தெ
 விர்த்தி அப்லானு ஹோனா, கொகஹால் ஹோனா
 மெனெதி தெ விர்த்தி தொ²வ்லி ஹொதி கோன் நாஸ்தி
 பொந்த்யாஸ் மெனெதி து³ரெத⁴ன்னு கு²டம் நாஸ்தி
 பொந்த்யாஸ். தெக அர்த்து காய்னா மெனெதி:-

பஞ்சபாண்டவானுகு து³ரெத⁴ன்னு குடம்
 வ்டொ தேத்தெ நீ : மெனி, வோரு பொட்டல், பு⁴ஞ்செ
 கெண்ணு, பு⁴ஞ்செ வித்து, பு⁴ஞ்செ சாளு, தெ க²ள்ளி

காலட்சேபம் கேர் மெனி சங்க்யாஸ். தெ க²ள்ளி தெனு
காலட்சேபம் கெல்லேத் ஹோத்யாஸ். ரொவ்விதி³ன்னு
ப²ல்சாதுமு கிருஷ்ண ப⁴கவானுக் து³ரெத⁴ன்னு கு²டம்
தெக்கிகின் பாண்டவாள் காலட்சேபம் கொனெக்
தி³ன்னு ஜாரெஸ் மெனி புஸ்யாஸ். ப⁴கவான் ஊமெனாணி.
ரொவதி³ ப²ல்சாதுகு து³ரெத⁴ன்னு ஜோவள் ப⁴கவான்
பாஞ்ச ஹன்னவ் தியாஸ். துமி கே⁴ர் பொ⁴ரிதம்கண்
ர²னெ. மி அவி சுகம் பொந்துனெ மெனி மெனாஸ்.
ப⁴கவான் பாண்டவாள் ஜோவள் ஜீகின் பாஞ்ச ஹன்னவ்
தி³யாஸ். துமி கே⁴ர் பொ⁴ரிதம்கண் ர²னெ மி அவி
சுகம் பொந்துனெ மெனி மெனாஸ். து³ரெத⁴ன்னு
கு²டம் பாஞ்ச ஹன்னவ் கள்ளிகின் ஹரக்கொ³வத்
க²டி கேர் போர் பொ⁴வ்ரி மிங்கி துரத்தக் தா²ம் நீ:னத்
தக் கே⁴ர் போ⁴ர் பொ⁴வ்ரி தொ²வ்தியாஸ். பாண்ட
வாள்ளு பாஞ்ச ஹன்னவ் க²ள்ளிகின் “ஸௌரி, லிக்கி,
ரமத்திகரம் க²டி, முக்³கு க⁴லி, திவான்காய், கு³லாபுன்
காய், லஸ்தர்னுகாய் பொ⁴வ்ரி தொவ்லி, பண்டு பலார்னு
காய், பொழ்ழொ கைலான்காய், தி³வினிஸ் வகொ பா⁴த்
ப⁴ஜ்ஜி பொ³சுலொ ஹந்தி தொ²வ்லி தேவுன் அவ்டன்
மெனி எது³ர் சிலேத் ஹோத்யாஸ். ப⁴கவான் அவ்யாஸ்.
து³ரெத⁴ன்னுதெமாம் தூர்யாஸ்”. காய் சுவாமின்
கே⁴ர் பொ⁴ரிதம்கண் ஸே ஹா மெனி புஸ்யாஸ்.
பகவான் ஸீதிகின் ஊமெந்நாத்தக் பி²ரி அவ்டியாஸ். பி²ரி
அவத்தக்கின் தெங்க பஸ்கட் தெனு மெள்ளொ அவ்டியா.
பாண்டவாள்ளு தே³வுன் அவ்டன் மெனி எது³ர் சிலேத்
ஹோதாத்தெனு எதுர் ஸேவா ஜீ, செ²லாவ்தி³ பொல்லி
அவி தெங்க பாதாரவிந்தம் து⁴வடி, பாத பூஜெ தெரி,
ஆசனம் தகி பிசடி, பண்டு ப²லார்னு ஸெரொ, பொழ்
ழொ கைலான் ஸெரொ, தி³வ்னிஸ் வகொ ப⁴ஜ்ஜி
பொ³சுலொ ஸெரொ, ஜோமன் கல்யாஸ், ஜோமன்

முசெத்தெகரு ஆசனம் தகி பிசடி தாம்பூலம் தி³யாஸ். தாம்பூலம் தி³ முசெத்தெகரு “காய் சுவாமினு கே⁴ர் பொ⁴ரிதம்கண் ஸே ஹா மெனி புஸ்யாஸ்”. பெ⁴ளி பொரிதம்கண் ஸே, பெ⁴ளி ஒளிவ்கண்ணே, பெ⁴ளி பிரகாசம்கண் ஸே மெனி சங்க்யாஸ். தெங்க -விர்த்தி ஹாலி தெனு நாஸ்தி பொந்த்யாஸ். துரெ கு³ண்ணு ஹால் துமி மோக்ஷி பொந்த்யாஸ். மோக்ஷி பொந்துனெ மெனஸ்தான் முமுகு³முகு தெ விர்த்தி விக்கி³னு அவஸ் தான் தெக ஹாலி தெ விர்த்தி அப்லானு ஹோனா.

6. மோகம்.

6. மோகம் மெனஸ்தான் விர்த்தி காய்னா மெனெதி:—

பைல் து:க்ருஸீ இச்செ பொந்த³த்தேஸ் மோகம். தெ விர்த்தி அப்லானு ஹோனா. கொகஹால் ஹோனா மெனெதி தெ விர்த்தி தொவ்லி ஹோதி கோன் நாஸ்தி பொந்த்யாஸ், தசரத மகாரஜோ நாஸ்தி பொந்தேஸ். தெக அர்த்து காய்னா மெனெதி:—

சம்பராசுரனு யுத்தமு வேளு ரெத்து சா²த் முட்ஜெஸ். கைகேயி கிளங்கி³லி தி³கின் ரெத்து சாரத்யம் கெரிஸ். ரெத்து சாரதி கெத்தி⁴ஸ் மெனி ஸொம்பு பொந்தில்லி தொகொ காய் வரம் பஜெ மெனி புஸ்யாஸ். மொகொ பஜெ ஹொயெ காலம்மு மி தி² வரம் மகி க²ள்ளுஸ் மெனி மெந்திஸ். ரொவ்வதி³ ஹொல்சாதுகு ஸ்ரீ ராமுடுகு பொட்டம் ப⁴ந்த³த்தெ மெனி தே³ஸி தே³ஸி ரஜானாக் அஸ்கி பொ³வந்த⁴தட்டியாஸ். கூனி மந்தரை ஐகிகினு கைகேயி ஜொவள் அவி “தொரெ து:க்ருக் பொட்டம் ப⁴ந்தே³தி³ஸ்நா தொகொ அர்த்த்க்யார் ஸே. ஸ்ரீ ராமுடுக் பொட்டம் ப⁴ந்தே³த் தொகொ காய் அர்த்த்க்யார் ஸே

மெனி மெனிஸ். 'தெனெ' ஹொயெத் மொந் நு:க்ரு நாஹா ஸ்ரீ ராமுடுக் பொட்டம் பந்தேத் காயி மெனி சங்கிஸ். திசு நா மெந்தி தெ³ஸ்ஸு வாஹும் சங்கி தெக்கடிஸ். சங்கி தெ³க்கடெ வத்தொ ஐகில்லி சவ்லொ மர்ச்சி பில்லி, ஸொம்மு அஸ்கி ஹெடி தைதி அலங்கோலங்கண் நிஞ்ஜில்லிடிஸ். தசரத மஹாரஜொ அவெஸ். ஸ்ரீ ராமுடுகு பொட்டம் பந்தத்தெ மெனி தே³ஸி தே³ஸி ரஜான் அஸ்கிதெனு அவ்ராஸ்னா து காய் இஸொ அலங்கோலங்கண் நிஞ்ஜிரித்தெ மெனி புஸ்யாஸ். மொகொ தே காலம்மு தி³யெ வரம் ஏ காலம்மு பஜெ மெனி மெனிஸ். தெகஹால்காய் க²ள்ளுவாய் மெனி சங்க்யாஸ். "ஒண்டெ வரம் ஸ்ரீ ராமுடுகு ராணுக் த⁴ட்டுனெ. தி³வ வரம் மொரெ நு:க்ருக் ப⁴ரது³டுகு பொட்டம் ப⁴ந்துனெ மெனி மெனிஸ். தெ வத்தொ தசரத மஹாரஜொ ஐகிதி பொ⁴ய்யிர் பொ⁴த்துகெரி பொடி பிராண் ஸொட்டியாஸ். தெ விர்த்தி ஹாலி தெனெ கோனெக் நாஸ்தி பொந்தெஸ்கி மோகிதி பொந் துனெ மெனஸ்தான் முழுக்ஷு³டு தெ விர்த்தி விக்கி³னு அவெஸ்தான் தெக ஹாலி தெ விர்த்தி அப்லானு ஹொனெ.

7. மதம்

7. மதம் மெனஸ்தான் விர்த்தி காய்னா மெனெதி:—

தெக்கெஸ்தான் பொருளுக் ஸீகின் இச்செ பொந் த³த்தேஸி மதம். தெ விர்த்தி அப்லானு ஹொனெ. கொகஹால் ஹொனெ மெனெதி தெ விர்த்தி தொவ்லி ஹொதி கோன் நாஸ்தி பொந்த்யாஸ். கார்த்தவீரியார்ஜு ஐ³னன் நாஸ்தி பொந்தெஸ். தெக அர்த்து காய்னா மெனெதி:—

ஜமதக்னி பை³ல் ரேணுகாதேவி தெனு புஜாக் நிச்ச
 வளுமு கொடும் கெரிகினு பனி அந்த³த்தெ. ஒண்டெதி
 மெந்தொ வளுமு கொடும் கெரி பனி வின்ஞ்சத்தெ வேளு,
 கார்த்தவீரியார்ஜ்ஜு¹னன் அகாஸ்வீத் வாட் ஜா ஹொ,
 தெஸ். தெக நீடொ பனிம் பொடெஸ். பனிம் நீடாக்
 ஸீதிகினு புருஷு¹டுக் சிங்கார் இக்க மாதிரி ரா²த்தேஸ்
 ஹா மெனி மொண் னும் ஹவ்டி ஆச்சரியம் பொந்தெ³மாத்
 ரம்மு தெக பதிவிரதா தெரும் தொப்பி வளுக் கொடும்மு
 பனி க²டானுத்தக் ஹொய்யேஸ். புஜாக் காலம்ஹொய்
 யேஸ் மெனி மொ²ட்டொ பெ³டாக் பொவிகின் “துரெ
 அம்பாக் ஜீ ஸீதி ஆவ் ஜா மெனி சங்கி த⁴ட்டியாஸ்.
 “அவ்ரெ அம்பொ வளுக் கொடும் கெரீஸ் மெனி அவி
 சங்கிதியெஸ். ந:ந்நொ பெடாக் பரசாராமுகு பொவிகின்
 துரெ அம்பாக் ஒண்டெ செ²க்கினி செ²க்கிதி ஆவ்
 ஜா மெனி சங்கி த⁴ட்டியாஸ். தே தானுக் மாயிக் செ²க்
 கிதி அவ்டியெஸ். சங்கெவத்தொ தொப்புனத்தகனி
 ச²ல்தொ கெரேஸ் மெனி தெ¹கொ காய் வரம் பஜெ
 மெனி புஸ்யாஸ். “மொகொ அவ்ரெ அம்பொ³ பஜெ”
 மெனி மெனெஸ். மெகி உத்தர்தேஸி பொக்கட்
 கோன் சிரஸ் தொ²வ்லி நிஞ்ஜிராஸ்கீ தெங்கொ சிரஸ்
 ஹெடி தொவ்லி பொல்லி ஆவ்ஜா மெனிகின் சங்கி
 த⁴ட்டியாஸ். தெ தா⁴னுக்கன் தொவ்லி பொ³ல்லி
 அவ்லேஸ். பொல்லி அவெத்தெகரு ஏனெ கா³மு
 ப⁴ராட் ர:நொ சேஸ்தெஸ் மெனி மெந்த்யாஸ்.
 மொகொ பொ³ல்லி அவ்டி கா³மு ப⁴ராட் ர:நொ
 மெனரியொ காய் மெனி மெனிஸ். தெட்டு, கஞ்ஜெ,
 தெ³வி நிளஸ்தான் தெனு புஜெ தே³னு, தெ புஜெ
 க²ள்ளி, து கா³மு ப⁴ராடு ர:நொ சேஸ்தேஸ் மெனி
 மெந்தியாஸ். மொ²ட்டொ பெ³டொ, கார்த்தவீரியார்ஜ்
 ஜு¹னன் ஹாலி அவ்ரெ அம்பொ³ நாஸ்தி பொந்தீ³ஸ்

மெனி கார்த்தவீரியார்ஜ்ஜுனன் செராபாடி ஜெ : டாக்
ஜியெஸ். ஜெ : டொ ஜெகுஞ்ஜத்தக் முஸநி. ந : ந்நொ
பெ³டொ தெ கார்த்தவீரியார்ஜ்ஜுனன் செராபாடி
ஜெ : டாக் ஜீகின் ஜெகிஞ்ஜிதி தெக ஸம்ஹாரம் கெத்தி
யேஸ். தெ விர்த்தி ஹாலி தெனொ கோனொக் நாஸ்தி
பொந்தெஸ்கி மோக்தி பொந்துனொ மெனஸ்தான்
முமுக்து³ தெ விர்த்தி விக்கி³னு அவஸ்தான் தெக
ஹாலி தெ விர்த்தி அப்லானு ஹோனா.

8. மாச்சரியம்

8. மாச்சரியம் மெனஸ்தான் விர்த்தி காய்னா மெனெதி:—

மொகொ தே³ன் அவெஸ்தான் பொருளு அங்
குன்டெனாக் தீடராஸ்னா மெனி மெல்லத்தேஸி மாச்சரியம்.
தெ விர்த்தி அப்லானு ஹோனா. கொகஹால் ஹோனா
மெனெதி தெ விர்த்தி தொ²வ்லி ஹோதி கோன் நாஸ்தி
பொந்த்யாஸ். த³ந்தசபாலுநா நாஸ்தி பொந்தெஸ்.
தெக அர்த்து காய்னா மெனெதி:—

த³ந்தசபா³லுநா தெக மாயிபோடும் உஜத்தவேனா சார்
ஹாத், சார்பாய் செராபாடி உஜெஸ். நு:க்ரு சார்ஹாத்
சார்பாய் செரொ உஜில்ரெஸ்னா மெனிகின் விசார்
பொந்தி³லேத் ஹோதிஸ் கிருஷ்ண ப⁴கவான் அவிகின்
தூ காய் அமா விசார் பொந்தரித்தெ மெனி மெல்லேது
நு:க்ருக் தெவ்டி சொட்யாஸ். தெவ்டி சொடெ மாத்ரம்மு
தெ நு:க்ருக் தீ³பாய், தீ³ஹாத் ஹோய்யேஸ். தெக மாய்
ஸொம்பு பொந்தில்லி மொரெ நு:க்ருகு ஆய்கு பரியந்
தம் தூஸ் கபட்நொ மெனி மெனிஸ். மொகொ ஒண்டெ
ஸோ வத்தொ லெந்துமுஸ் களாய், ஒண்டெ ஸோ

ஹொல்லொ ஒண்டெ வத்தொ ஹொயெதி மெள்ளொ
 மொகொ களானு மெனி மெந்த்யாஸ். ரொவ்வதி³ ஹொல்
 சாதுகு த⁴ர்மரஜொ யாகம் கெரத்தெ மெனி
 ஸபொ³ மினாஸ். ஸபாழு கொங்கொ தாம்பூலம் தேத்தெ
 மெனிகின் புஸ்யாஸ். ஸபாம் சேஸ்தெனு அஸ்கி ப⁴கவா
 னுகு தெ³நொ மெனி மென்யாஸ். தெ தா⁴னுக்கன்
 ப⁴கவானுக் தாம்பூலம் தீடியாஸ். இ தந்தசபாலுடு இ
 மடையனு, தெ இடையனுக் தே³ரெஸி மெனி அநேக
 தூஷண வத்தான் அஸ்கி கெரெஸ். ப⁴கவான் மொவ்
 ஜிலேத் ஹொத்யாஸ். ஒண்டொ ஸொ ஹொல்லொ
 ஒண்டெ வத்தொ ஹொத்தக்கினு தெ³ தாம்பூலமுஸி
 செக்குர் கெரி ஸொடி சம்ஹாரம் கெத்தியாஸ்.
 தெ விர்த்தி ஹாலி தெனொ கோனொக் நாஸ்தி பொந்
 தெஸ்கி, மோக்ஷி பொந்துனொ மெனஸ்தான் முமுக்ஷு³டு
 தெ விர்த்தி விக்கி³னு அவெஸ்தான் தெக ஹாலி தெ
 விர்த்தி அப்லானு ஹொனா.

9. இருஷை

9. இருஷை மெனஸ்தான் விர்த்தி காய்னா மெனெதி:—

மொகொ அவஸ்தான் துக்கு அங்கு³ண்டனாக்
 அவஹொநயா, மொகோஸ் அவ்னயா மெனி மெல்லத்
 தேஸ் இருஷை. தெ விர்த்தி அப்லானு ஹொனா. கொக
 ஹொல் ஹொனொ மெனெதி தெ விர்த்தி தொவ்லி ஹொதி
 கோன் நாஸ்தி பொந்த்யாஸ். நாபருவ மஹாராஜொ
 நாஸ்தி பொந்தெஸ். தெ விர்த்தி ஹாலி தெனொ
 கோனொக் நாஸ்தி பொந்தெஸ்கி, மோக்ஷி பொந்துனொ
 மெனஸ்தான் முமுக்ஷு³டு தெ விர்த்தி விக்கினு அவெஸ்
 தான் தெக ஹாலி தெ விர்த்தி அப்லானு ஹொனா.

10. அசுவை

10. அசுவை மெனஸ்தான் விர்த்தி காய்னா மெனேதி:—

மீஸ் மொ²ட்டொப்பன், கென்னொ, மொரெ ஸொம்
மர் மொ²ட்டொப்பன் கோன் கெரத்தெ மெனி ஹவ்டத்
தேஸ் அசுவை. தெ விர்த்தி அப்லானு ஹோனா. கொக
ஹால் ஹோனா மெனெதி தெ விர்த்தி தொவ்லி
ஹோதி கோன் நாஸ்தி பொந்த்யாஸ். வருணசுரன்
நாஸ்தி பொந்தெஸ். தெ விர்த்தி ஹாலி தெனொ
கோனொக் நாஸ்தி பொந்தெஸ்கி, மோக்ஷி பொந்துனொ
மெனஸ்தான் முமுகு²டு தெ விர்த்தி விக்கினு அவெஸ்
தான் தெக ஹாலி தெ விர்த்தி அப்லானு ஹோனா

11. டம்பம்

11. டம்பம் மெனஸ்தான் விர்த்தி காய்னா மெனேதி:—

முக்கால்டு வேஸ் கெர்த்தி தெ³ஸ்ஸா ருபாய் வேஸ்
கெரெஸ் மெனி மெல்லத்தேஸ் டம்பம். தெ விர்த்தி
அப்லானு ஹோனா. கொகஹால் ஹோனா மெனெதி
தெ விர்த்தி தொவ்லி ஹோதி கோன் நாஸ்தி பொந்த்
யாஸ். பாண்டல வசுதேவ் நாஸ்தி பொந்தெஸ். தெக
அர்த்து காய்னா மெனேதி:—

தெனொ யாகம் கெரத்த வேனா ஐஸ்து ஸொண்டிதே³ள்
தூப் ஸொடிகின் யாகம் கெரெஸ். யாகம் கெரி முசெத்
தெகரு, மொர்ஸொகன் ஐஸ்து ஸொண்டி தே³ள் தூப்
ஸொடி கோன் யாகம் கெரண் மெனி மெல்லேஸ். தேடு
தூர்வாஸமாமுனி தபஸ் கெல்லேத் ஹோத்யாஸ். இக்
கெகிதெனு இக்கெகி யாகம் கெர்ய்யாஸி. எனொ ஒண்டெ
யாகம் கெத்திகினு கிக்க மாதிரி மெல்லேரேஸ்னா மெனி

ராக் அவி தொ³னொ ஹு¹டி சியெ மாத்ரம்மு பஸ்மம்
ஹொயி பொள்ளேஸ். தெ விர்த்தி ஹாலி தெனெ
கோனெக் நாஸ்தி பொந்தெஸ்கி, மோக்ஷி பொந்துனெ
மெனஸ்தான் முமுகு¹டு தெ விர்த்தி விக்கினு அவெஸ்
தான் தெக ஹாலி தெ விர்த்தி அப்லானு ஹோனா.

12. டர்பம்

12. டர்பம் மெனஸ்தான் விர்த்தி காய்னா மெனெதி:—

மீஸ் ஜெ²டி, மீஸ் பொ³ாலிவான் மொரெ ஸொ
கன் கோன் ஜெகுஞ்சன் மெனி மெல்லத்தேஸ் டர்பம்.
தெ விர்த்தி அப்லானு ஹோனா. கொகஹால் ஹோனா
மெனெதி தெ விர்த்தி தொவ்லி ஹொதி கோன் நாஸ்தி
பொந்த்யாஸ். சத³கண்ட ரவண் நாஸ்தி பொந்தெ³ஸ்.
தெக அர்த்து காய்னா மெனெதி:—

தெனெ கொங்கி ஹதரொ மரணம் நீ:மெனி வரம் க²ட்டி
ஹொதேஸ். அம்மொ சியாஸ் எனெ பு⁴லோசூர் கெர
ரெஸ்தான் கிர்தம் லியெதி பு⁴லோக் தங்கு³லா ஸொகன்
ஸே. எனெ அஸ்கி தெங்கொ ஹதரொ வரம் க²ட்டி
ரேஸ். மொரெ ஹதரொ மொட்டும் வரம் க²ட்டிரெனி
மெனி தொ³னொ ஹு¹டி சியெ மாத்ரம்மு ப³ஸ்ம கெரி
தைதியாஸ். தெ விர்த்தி ஹாலி தெனெ கோனெக்
நாஸ்தி பொந்தெஸ்கி மோக்ஷி பொந்துனெ மெனஸ்
தான் முமுகு¹டு தெ விர்த்தி விக்கினு அவெஸ்தான்
தெக ஹாலி தெ விர்த்தி அப்லானு ஹோனா.

13. ஹங்கார்

13. ஹங்கார் மெனஸ்தான் விர்த்தி தொவ்லி ஹொதி கோன்
நாஸ்தி பொந்த்யாஸ். மதிகிடவன் நாஸ்தி பொந்தெஸ்.
தெக காணு மெய்ன் ஹெடி தகேஸ். தெமாம் ரீ: தீ³ ரக்ஷ

சுல்லு உற்பத்தி ஹோயாஸ். தெங்கா³ம் தெனு மல்லி
கின் பிரமதேவ் ஜோவள் ஜீ அவ்ரெ ஜெ²டொ திர்ச்சி
ஸோட் மெனி மெநாஸ். மீ ந:ந்நொ நு:க்ரு மொகொ
களானு. ப⁴கவான் பால்கடலும் சயனம் கெல்ராஸ்.
தெங்கொ ஜோவள் ஜியெதி தெனு திர்ச்சி ஸோடன்
மெனி மெநாஸ். தெனு தேட் ரீ: மல்லிலேத்கனு பால்
கடலும் அவ்யாஸ். ப⁴கவான் பால் கடலும் சயனம்
கெல்லி ஹோத்யாஸ். எங்கொ தொளாகு ந:ந்நொ
கீடொ மாதிரி தெக்கயெஸ். பகவானுக்களயி துங்கொ
காய் வரம் பஜெ மெனி புஸ்யாஸ். அவ்ரெ ஜெ²டொ
திர்ச்சி ஸோடத்தக் வரட் தெக்கானி, அம்கொ காய் வரம்
பஜெ மெனி புசரியஹா மெனி லெகுத்தமெள்ளி ஜானாத்
தகனி தெங்காம் தெனு மல்லி ரெகது கவ்லொ ஹோய்
யாஸ். தெக திஷ்டாந்துரு காய்னா மெனெதி:—

சுந்தோபசுந்தரான் மெனிகின் தீ³ ப⁴யின். தெனு, தெங்
காம் தெனு மல்லி மொரெதீஸ் தெங்கொ மரணம் ஸே.
து³சொ கொங்கி ஹதரொ மரணம் நீ:மெனி வரம் க²ட்டி
ஹோத்யாஸ். பிரமதேவ் ஸியாஸ். எனு பு⁴லோசூர்
கெரரெஸ்தான் ஒண்டெ அந்யம் சியெதி பு⁴லோக் தங்க
ரெனி மெனிகின், பு⁴லோசூர் சேஸ்தான் ஸ்திரின்
ஜோவள் தீள் தீள் சேரு சிங்கார் க²டி ஒண்டெ திலோத்
தமை கெரி பு⁴லோசூர் த⁴ட்டியாஸ். எனு பு⁴லோசூர்
அவி பனிக்கொடும் க²ள்ளிகின் அவத்தவேளு து³ தூ³ரும்
அவரதொ ந:ந்நொ ப⁴ய் தெக்கி, மொடொ ப⁴ய் ஜொ
வளு தாரெ பொ⁴ஜய் அவ்டரிசி மெனி மெனெஸ்.
லெகுத்தொ அவெத்தெகரு மொ²டொ ப⁴ய் தெக்கி
ந:ந்நொ ப²ய் ஜோவளு துரெ ப⁴வி அவ்டரிசி மெனி
சங்கெஸ். தெக ப³ல்சாதுகு தெனெ மொகொ ஹாராட்
கெல்லெ மெனி மெனெஸ். எனெ மொகொ ஹாராட்
கெல்லெ மெனி மெனெஸ். துராம்துமி ஜெ²டொ

தீர்ச்சில்லி அவொபா³ மீ ஹொராட் கெல்லலுஸ் மெனி
கின் மெனிஸ். தெனு தெங்கா³ம் தெனு மல்லி ரெகது
கவ்லொ ஹொயி மொஜ்யாஸ். தெ விர்த்தி ஹாலி
தெனு கோனொக் நாஸ்தி பொந்த்யாஸ்கி மோக்தி பொந்
துனொ மெனஸ்தான் முமுக்ஷு¹ம தெ விர்த்தி விக்கினு
அவெஸ்தான் தெக ஹாலி தெ விர்த்தி அப்லானு
ஹொனா.

“ பக்தி ”

பக்தி மெந்தொ காய்னா மெனேதி:— கு³ருவுன் கே⁴ர் ஜீலி
அவ்னொ மெனி ஹவ்டத்தேஸ் பக்தி.

“ சிரத்தா ”

சிரத்தா மெந்தொ காய்னா மெனேதி:— கு³ருவுன் சிக்கடெஸ்தான்
வாக்கியம் சிரத்தெகொ க²ட்டொவ்லி கபடத்தேஸ்
சிரத்தா.

“ இச்சே ”

இச்சே மெந்தொ காய்னா மெனேதி:— ஸொளொபா⁴ர் ஹ¹டி
மல மூத்திராதி விஸர்ஜ்ஜனம் கெல்லி தந்த சுத்தி கெல்லி
ஸ்தான்பா³ந் கெர்தி புஜான் அஜான் கெர்திகின் பிராண்
தே³த்தேஸ் இச்சே.

கொவ்த³யொ அஸ்கி கர்ம தானுக் அவய் ஜாய்
ஹவ்டி ஸாஸ்தக் மெள்ளி வேஸ் நீ :

“சார் சாதனெ”

1. நித்யா அநித்யா வஸ்து விவேகம்
2. இக முத்திரார்த்த பலபோகவிராகம்
3. சமாதி ஷட்க சம்பத்த
4. மூர்ச்சித்திவம்

நித்யா அநித்யா வஸ்து விவேகம்—மெந்தோ காய்னா மெனேதி:—

1. நித்யம் மெனஸ்தாங்கே³ ப²ல்லாம் க²டி சங்குஸ். அநித்யம் மெனஸ்தாங்கே அத்தொ க²டி சங்குஸ்.

சிருஷ்டி முதல் ஜெகத் நீ:; பிரளயம் ஹாராது ஜெகத் நீ:; மத்யாம் ஜெகத் ஸொகன் தெ³க்காரெஸ். ஜாகர்த்தாம் தெ³க்காரெஸ்தான் ஜெகது ஸொப்நாம் நீ:; ஸொப்நாம் தெக்காரெஸ்தான் ஜெகது ஜாகர்த்தாம் நீ:; தீ³ தெமாம் தெக்காரெஸ்தான் ஜெகது சுளித்திம் நீ: அங்குன் ஜெகத்யெ க²டி சங்கு³ஸ்.

சீபும் ரூப்பொ நீஸ்தகன் கோனெக் கல்பனா மாத்ரம்கண் தெக்கா ரெஸ்கி, தெக சொகன் பொழிதே³ம் சாப் நீஸ்தகன் கோனெக் கல்பனா மாத்ரம்கண் தெக்கா ரெஸ்கி, தெக சொகனி, ஏண்டேமாமுலும் பனி நீஸ்தகன் கோனெக் கல்பனா மாத்ரம்கண் தெக்காரெஸ்கி தெக சொகனி து⁴ண்டா²ம் சொ²ட்⁴டொ⁴ நீஸ்தகன் கோனெக் கல்பனா மாத்ரம்கண் தெக்காரெஸ்கி, தெக சொகனி, அகாஸும் கள நினொ நீஸ்தகன் கோனெக் கல்பனா மாத்ரம்கண் தெக்காரெஸ்கி தெக சொகனி இ பஞ்ச பு⁴தா³லு கூஸி பஞ்ச பவித்யம் ஹொயி தெக்காரெஸ்.

ஜெகத் அநித்யம்: பிரமமு நித்யம்:

பிரும்மம் நித்யம் மெந்தோ கோன்கு மெனேதி:—

தீ²ன் காலம்மு, தீ²ன் அவஸ்தாமு, தீ²ன் செரிருமு, நொவ்தெமாம் மத்யாமு லயி தெ³சத்தெனெ சொகன், லயி தெ³சுனத்தெனெ சொகன், சாட்சி மாத்ரம்கன் அறிவு மாத்ரம்கனி ஜல்லைத் சேஸ்தான் தெக ஹாலி மொரெ நாவுஸ் பிரும்மம் மெனி மெனன்.

2. ஒண்டெ சாதனெ பு²ர்னா, தி³வ சாதனெ பஜெ.

இக முத்திரார்த்த பலபோக விராகம் மெந்தோ காய்னா மெனேதி:—

இக லோகும் பை³ல், நு:க்ரு ஹொல்லொ ஆஸெ சேஸ்தான்கே காயி, சமஸ்த கே⁴ர் தா³ர் ஹொல்லொ ஆஸெ சேஸ்தான்கே காயி, சமஸ்த பெயிர், பண்டொ ஹொல்லொ ஆஸெ சேஸ்தான்கே காயி, சமஸ்த கொ³ரு கா³ய் ஹொல்லொ ஆஸெ சேஸ்தான்கே காயி, சமஸ்த ஸொம்மு ஸொமந்து ஆஸ்தி பா³ஸ்தி ஹொல்லொ ஆஸெ சேஸ்தான்கே காயி இக்க ஆஸெ சேஸ்தான்கே சுநொ வாந்தி கெரஸ்தான் பா⁴த் கோனெக் கெள்சி ஹெட்டகராஸ்கி தெக சொகன் வெறுப்பு உஜத்தேஸி இக முத்திரார்த்தம்.

பலபோக விராகம் மெந்தோ காய்னா மெனேதி:—

பரலோகுமு பரஸ்திரி கமனம் கென்னெ மெனஸ்தான் ஆஸ்தோ காயி, சமஸ்த தே³வுது³ல்லு செரோமிளி க⁴ள்ளெ மெனஸ்தான் ஆஸ்தோ காயி, சமஸ்த ருஷேஸ்புருலு, முனெஸ்புருலு ஹொர் மிளி க⁴ள்ளெ மெனஸ்தான் ஆஸ்தோ காயி, சொர்க்க லோகு ஜி சுக போகம் பொந்துனெ மெனஸ்தான் ஆஸ்தோ காயி இக்க ஆஸெ சேஸ்தான்கே மல மூத்திரர்ஸ் கொனெக்

கெள்சி ஹெட்டகராஸ்கி தெக சொகனி வெறுப்பு உஜத்
தேஸி பரபோக விராகம்.

3. தி³வ சாதனொ பு²ர்நா தி²ன்வ சாதனொ பஜெ.
சமம், தமம், உபரதி, திதிருட்சை, சமாதானம்,
சிரத்தா.

(1) சமம் மெந்தோ காய்னா மெனேதி:—மொந்து ப⁴ராடும்
ஜாநாஸ்தகன் தெக கொழுக்கம்மு அண்கல்லி ராத்தேஸி
சமம்.

(2) தமம் மெந்தோ காய்னா மெனேதி:—ஞானந்தி³ரியா லு
தெக தெக கொழுக்கம்மு அண்கல்லி பீ⁴தும் லிக்கெஸ்
தான் சித்துல்லு சொகனி ஹல்லுனாத்தக் பொல்லு
னாத்தக் குருவுன் காய் ஹொல்லொ ஹொல்லொ
சங்கு³தஸுன் மெனி ஸ்கஸ்தான்கேஸி தமம்.

(3) உபரதி மெந்தோ காய்னா மெனேதி:— சமஸ்த குடும்ப
விவகார் சொட்டி சமாதி பொள்கத்தேஸி உபரதி.
உபரதும் அங்குன் ஒண்டெ உபரதி மெந்தோ காய்னா
மெனேதி:— சமஸ்த குடும்ப விவகார் கெல்லேதூஸி
ஈஸ்புரு சிருஷ்டி, ஈஸ்புரு சமர்ப்பணம், குருவுனு சமர்ப்ப
பணம், பிரும்மமு சமர்ப்பணம், கிருஷ்ண சமர்ப்பணம்
மெனி காம்ய கரும் கெர்னாத்தகனி நிஷ்காம்யம் புண்ணிய
கரும் கெரஸ்தான்கேஸி உபரதும் உபரதி.

(4) திதிருட்சை மெந்தோ காய்னா மெனேதி:— மனம் காய்,
அவமான் காய், லாப்காய், நெஷ்டிகாய், சுகம் காய்,
து³க்கு காய் மொந்து அவஸ்தான்கே மொந்து பொந்
தஸ், செரிருக் அவஸ்தான்கே செரீர் பொந்தஸ்,
இந்திரியாலுக் அவஸ்தான்கே இந்திரியால் பொந்தஸ்,

பூ²லு மாலைகலெத்தெநொ ஸெர்கஸ், சிர்கநு பட்டெ
லவத்தெநொ ஸெர்கஸ் மெனி இக்கட தெகொ சகிஞ்சில்லி
அவெஸ்தான் கேஸி திதிருட்சை.

(5) சமாதானம் மெந்தோ காய்னா மெனதி:— மொந்து,
புத்தி, சித்து, இந்திரியால் ஏகாக்³கி³ரக சித்தம்கண்
கெல்லி சமாதானம்கன் ரீ:லி அவஸ்தான்கேஸி சமா
தானம்.

(6) சிரத்தா மெந்தோ காய்னா மெனதி:— கர்மேந்திரி
யாலு தெக தெக கொழுக்கம்மு அண்கல்லி பக்தி
சிரத்தெ செராபாடி சாஸ்தர் ஹொல்லொ கான் தி³லி
குருவுன் ஹொல்லொ தொ³னொ தொ²வ்லி பக்தி
சிரத்தொ செராபாடி குருவுன் காய்ஹொல்லொ ஹொல்
லொ சங்கஸுன் மெனி பக்தி சிரத்தொ செராபாடி
ஐகஸ்தான்கேஸி சிரத்தா.

4. இ செரீருகு தி²ன் தா³பம் ஸே. ஆதி³ அத்யாத்
மிக தா³பம், ஆதி³ பெள³திக தா³பம், ஆதி³ தேவிகா
தா³பம் மெனிகின் தி²ன் தாபம்.

ஆதி அத்யாத்மிக தாபம் மெந்தோ காய்னா மெனதி:—

ஒண்டெ ஆங்கு ஹு²ந்நொஹொத்தெ காய்,
ஒண்டெ சொ²கள் லெநாத்தக் ஹொத்தெ காய், ஒண்டெ
க²ஜ்ஜு² கெஸு²ர் ஹொஸ்தான் கேஸி ஆதி அத்யாத்
மிக தாபம்.

ஆதி பெளதீக தாபம் மெந்தோ காய்னா மெனதி:—

ஒண்டெ வின்ச மொண்டொகோப்பொ ச²வஸ்
தான்கேஸ் காய், ஒண்டெ ஸாப் ஸெரல் ச²வஸ்தான்
கேஸ் காய், ஒண்டெ கிருமி கிடொ ச²வஸ்தான் கேஸ்

காய், ஒண்டெ பொத்து பணி ராஸ்தான்கேஸி ஆதி
பௌதிக தாபம்.

ஆதி தேவிகா தாபம் மெந்தோ காய்னா மெனேதி:—

ஒண்டெ கே⁴ர் பொடத்தேஸ் காய், ஒண்டெ
ஜா²ட் பொடத்தேஸ் காய், ஒண்டெ கொ³புர் பொடத்
தேஸ் காய், ஒண்டெ பிடுக் பொடத்தேஸ் காய், ஒண்
டெநொ மென்னுஸ்தெ வத்தொ மெனிஸ் மெனி படங்
கால் லௌலி அவஸ்தான்கேஸி ஆதி தேவிகா தாபம்.

மூர்க்கித்துவம் மெந்தோ காய்னா மெனேதி:—

பை³ல், நு:க்ரு செரொ, குடும்ப விவகார் செரா
பாடி நிஞ்சி ர:தாமு தொ³ஸ்கர் விஸ்தவ் பொடி ஜெனெஸ்
தான் தெனொ காய்தி பை³ல், நு:க்ரு ஹோரு பி²ரி
சாய்ஹா? கோனெக் பை³ல், நு:க்ரு ஹொல்லொ பி²ரி
சானுத்தகு சிள்ள பணி கோட் ஸே மெனி வெக்கில்லி
ஜேடைகி தெக சொகனி கோன் ஒண்டெ தெனொ குரு
சந்நிதானம்மு ஜீ சாஷ்டாங்க நமஸ்கார் கெரஸ்கி
தெனொஸ் முமுகுத¹டு.

ஓம் தத் ஸத்

நாநாஜீவவாதக் கட்டளை

ஆணைமுகன், ஆறுமுகன், அம்பிகை, பொன்னம்பலவன்,

ஞானகுரு வாணியை, உள்நாடு.

அகண்டங்கன், பரிபூரணங்கன், சச்சிதானந்தங்
கன் சேஸ்திசான் பிரும்மமு அந்திலும் சீபும் ருப்பொ
நீஸ்தகன் கோனெக் கல்பனா மாத்திரம்கன் தெக்கா
ரெஸ்கீ தெக சொகன் பிரும்மமு அந்திலும் மூலப்பிர
கிருதி, மூலப்பிரகிருதி மெனி ஒண்டெ சக்தி தெக்கயெஸ்.
தெ சக்தி ஜோவள் தீ²ன் குண்ணு ஹோதெஸ். தெ சாத்
மீக குண்ணாஸ் ஹுஜாள் சுபா⁴வ். தெ ஹுஜாள்
சுபா⁴வ்கன் சேஸ்திசான் சாத்மீக குண்ணு மாயா அந்து
லும் பிரும்மமு சாயகன் சேஸ்திசான் பிரதிபிம்பமு கூஸி
நஸ்புரு மெனி மென்னி பொடய். இ நஸ்புருகு தெ மாய
கன் சேஸ்திசான்கே உபாதி மெனி, காரண செரீர்
மெனி மெனன். தெ சாத்மீக குண்ணு மாய ஜோவள்
சாத்மீகம்மு சாத்மீகம், சாத்மீகம்மு ராஜசம், சாத்
மீகம்மு தாமசம்.

சாத்மீகம்மு சாத்மீகம் பிரதான்கன் ரதொ தெ
சமயம்மு தெமாம் பொடெஸ்தான் பிரும்மமு சாயகன்
சேஸ்திசான் பிரதிபிம்பமு கூஸி ஜெகத் ரக்ஷகார்த்தம்
கெரத்தக்குர்ச்சி விஷ்ணு மெனி நாவ் அவெஸ்.

சாத்மீகம்மு ராஜசம் பிரதான்கன் ரதொ தெ
சமயம்மு தெமாம் பொடெஸ்தான் பிரும்மமு சாயகன்
சேஸ்திசான் பிரதி பிம்பமு கூஸி ஜெகத் சிருஷ்டி
கெரத்தக்குர்ச்சி பிரும்ம மெனி நாவ் அவெஸ்.

சாத்மீகம்மு தாமசம் பிரதான்கன் ரதொ தெ
சமயம்மு தெமாம் பொடெஸ்தான் பிரும்மமு சாயகன்
சேஸ்திசான் பிரதிபிம்பமு கூஸி ஜெகத் சம்ஹாரம்
கெரத்தக்குர்ச்சி ருத்ருமெனி நாவ் அவெஸ்.

சாத்மீக குண்ணு வடொ முஜ்ஜெ.

ரஜகுண்ணு லொவொ சுபா⁴வ். தெ லொவொ
சுபா⁴வ்கன் சேஸ்தான் ரஜகுண்ணாஸீ அநேக குட்கல்
ஹொயெஸ்திசான் ஒண்டெ ஒண்டெ குட்காகூஸிஒண்டெ
ஒண்டெ அவித்யா மெனி மெனன். தெ அவித்யா அந்து
லும் பிரும்மமு சாயகன் சேஸ்திசான் பிரதிபிம்பமு கூஸி
ஜீவுடு மெனி, ஜீவசிதாபாசடு மெனி, கிஞ்சிகுடு மெனி,
பிராக்குடு மெனி மெனன். இ ஜீவுடுகு தெ அவித்யகன்
சேஸ்திசான்கே உபாதி மெனி காரண சொர் மெனி
மெனன். தெ அவித்ய ஜோவன் மெள்ளி ராஜசம்மு
சாத்மீகம், ராஜசம்மு ராஜசம், ராஜசம்மு தாமசம்.

ராஜசம்மு சாத்மீகம் பிரதான்கன் ரதொ தெ சம
யம்மு தெமாம் பொடெஸ்திசான் பிரும்மமு சாயகன்
சேஸ்திசான் பிரதிபிம்பமு கூஸி குரு சந்நிதானம்மு ஜீ
பிரும்மக்ஞான் விசாரண கெரி மோக்தி பொந்துஹெ
மெனத்தெ ஹௌடன் செராபாடி உஜெஸ்திசான்
பிரும்ம நிஷ்டுடு ஹொயெஸ்.

ராஜசம்மு ராஜசம் பிரதான்கன் ரதொ தெ சம
யம்மு தெமாம் பொடெஸ்திசான் பிரும்மமு சாயகன்
சேஸ்திசான் பிரதிபிம்பமு கூஸி கரும் தரும் கெரி
கைலாஸ், வைகுண்டு, ஸ்வர்க்காதி போகம் பொந்துஹெ
மெனத்தெ ஹௌடன் செராபாடி உஜெஸ்திசான் கர்ம
நிஷ்டுடு ஹொயெஸ்.

ராஜசம்மு தாமசம் பிரதான்கன் ரதொ தெ சம
யம்மு தெமாம் பொடெஸ்திசான் பிரும்மமு சாயகன்
சேஸ்திசான் பிரதிபிம்பமு கூஸி ஹோங்கு, மெய்க்கம்
செரொ உஜெஸ்தான் சோம்பேரி ஹொயெஸ்.

ராஜகுண்ணு வடொ² முஜ்ஜெ.

தாம குண்ணும் ரீ: ஆவரண சக்தி மெனி, விக்ஷேப
சக்தி மெனி தீ³ சக்தி உஜெஸ். தெமாம் ஆவரண சக்தி
நஸ்புருக்கின் பிரும்மக்ஞானிக் ஜதொ கொவ்தாலீவுள்ளு,
தீ²ன் செரீரு, சிதாபாசுடு, சாக்கி ஒண்டெதெகொ, ஒண்டெ
தெகொ சேஸ்திசான் பேதா பேதுன் களானுத்தக் அவி
ஜ:ய்திரெஸ். இ தானுக் ஜ:ய்னி பொட்ரெஸ்தான் யோவன்
னதீஸ் தத்துவமுகு ஒண்டெகொ மீ மெனி, மொரெ மெனி
அபிமானிஞ்சி ரியெஸ். இ அபிமானு கூஸி ஹங்கார
கிரந்து மெனி சம்சார பந்தம் மெனி மெனன். இ பந்தம்
கோனெக் ஹிட்டத்தெ மெனெதி குரு சந்நிதானம்மு ஜீ
தீ²ன் செரீர் மெந்தொ காயொ, ஜீவுதி மெந்தொ காயொ,
சாக்கி சைதந்நியம் மெந்தொ காயொ மெனி விசாரண
கெரி தீ²ன் செரீருகு, ஜீவுடுகு, தீகின்ன தீஸ் தத்துவமுகு
இக்கடெகொ சேஸ்திசான் பேதா பேதுன் களள்ளி இக்
கூய்யொ மீ நா: மொரெ நா: மெனி இக்கடெகொ ஜன
ரெஸ்தான் சாக்கிஸி ஆவரணம் ஹிட்டி மோக்கி பொந்
தெஸ்தான் தெனெ ஹெ:யெஸ்.

விக்ஷேப சக்தி அந்துலும் சப்ததன் மாத்ர செரொ
அகாஸ் உஜெஸ். அகாசுமீ: சொர்செதன்மாத்ர செரொ
வர உஜெஸ் வராம் ரீ: ரூபதன் மாத்ர செராபாடி
அக்கினி உஜெஸ். அக்கினிம் ரீ: ருச்சிதன் மாத்ர
செராபாடி பனி உஜெஸ். பனிம் ரீ: கெந்ததன் மாத்ர
செராபாடி மத்தி உஜெஸ். இ தானுக் உஜெஸ்தான்

பஞ்ச பு⁴தாலுக் காரணங்கன் சேஸ்திசான் விகேஷப சக்தி ஜோவள் தீ²ன் குண்ணு செராபாடி உஜெஸ். தெமாரீ: உஜெஸ்தான் பஞ்சபு⁴தால் தீ²ன் தீ²ன் குண்ணு செராபாடி உஜெஸ். இ பஞ்ச பு⁴தாலு கூஸி தந்மாத்ர மெனி, அபஞ்சிகிருத பூ⁴தம் மெனி, சூக்ஷ்ம பு⁴தால் மெனி, தீ²ன் குண்ணு பு⁴தால் மெனி மெனன்.

இ பஞ்ச பு⁴தால் பாஞ்சு தெங்க ஜோவள் சேஸ்தி சான் சாத்மீக குண்ணு கடேஸ். ஒண்டெ தீ³ வடொ கெரேஸ். பாஞ்சு ஹத்து வடொ ஒண்டேகொ செர்ச்சி ஒண்டேஸ் தேட் தொவெயொ கோனெயீ எகோஸ் அந்தக்கரணம், அந்தக்கரணம் மெனி. மெனன். கொவ்தா பாஞ்சு ஹத்து வடொ வெகள வெகளகன் பாஞ்சு தேட் தொவெயொ கோனெயீ எகோஸ் ஞானேந்திரியால், ஞானேந்திரியால் மெனி மெனன்.

இ பஞ்ச பு⁴தால் பாஞ்சு தெங்க ஜோவள் சேஸ்தி சான் ரஜகுண்ணு கடேஸ். ஒண்டெ தீ³ வடொ கெரேஸ் பாஞ்சு ஹத்து வடொ ஒண்டேகொ செர்ச்சி ஒண்டேஸ் தேட் தொவெயொ கோனெயீ எகோஸ் பஞ்சப்பிராண், பஞ்சப்பிராண் மெனி மெனன். கொவ்தா பாஞ்சு ஹத்து வடொ வெகள வெகளகன் பாஞ்சு தேட் தொவெயொ கோனெயீ எகோஸ் கர்மேந்திரியால், கர்மேந்திரியால் மெனி மெனன். இ தானுக் அந்தக்கரணம் பாஞ்சு, ஞானேந்திரியால் பாஞ்சு, பஞ்சப்பிராண் பாஞ்சு, கர்மேந்திரியால் பாஞ்சு இ வீஸ் தத்துவமுகூஸி சூக்ஷ்ம செரீர் மெனி லிங்க செரீர் மெனி மெனன்.

அந்தக்கரணம்மு அகாஸம் ஹம்சொ காய் ஹொ யெஸ்னா மெனெதி தேஜஸ் மெனஸ்தான் உள்ளம் ஹொ யெஸ். ப⁴ராடுமு அகாஸகன் சேஸ்திசான்கே கோனெக்

சமஸ்தமு ராத்தக் தாம் தில்ரெஸ்கீ தெக சொகொன் பித்தரும் தேஜஸ் மெனஸ்தான் உள்ளம்மு சமஸ்த ஹவ்டன் உஜத்தக்கின் அண்கத்தக் தாம் தில்ரெஸ். தெக அதிஷ்டான தேவுதொ கூடஸ்துப்பிரும்மம் தெக ஸ்தானம் உச்சி.

அந்தக்கரணம்மு வரா ஹம்சொ காய் ஹொ யெஸ்னா மெனெதி மொன்னு ஹொயெஸ். ப⁴ராடுமு வரகன் சேஸ்திசான்கே கோனொக் ஹல்லிலேத் சேயீ தெக சொகொன் பித்தரும் மொன்னு மெனஸ்தான்கே சங்கல்பு, விகல்பு கெரரெஸ். தெக அதிஷ்டான தேவுதொ செந்துரு தெக ஸ்தானம் கண்டம்.

அந்தக்கரணம்மு அக்கினி ஹம்சொ காய் ஹொ யெஸ்னா மெனெதி புத்தி ஹொயெஸ். ப⁴ராடுமு அக்கினி கன் சேஸ்திசான்கே கோனொக் பிரகாஷுஞ்சரெஸ்கீ தெக சொகொன் பித்தரும் புத்திகன் சேஸ்திசான்கே ஏஸ் ஏஸ் மெனி நிச்சயம் கெரரெஸ் தெக அதிஷ்டான தேவுதொ சதுர்முகபிரும்மம். தெக ஸ்தானம் ஹ்ருதயம்.

அந்தக்கரணம்மு பனி ஹம்சொ காய் ஹொ யெஸ்னா மெனெதி சித்தம் ஹொயெஸ். ப⁴ராடுமு பனிகன் சேஸ்திசான்கே கோனொக் பொல்லம்மு ஜீ பொடத்தேஸ் சுபா⁴வ்கீ தெக சொகொன் பித்தரும் சித்தம் மெனஸ்தான்கே ஜுன்னயொ பன்னயொ ஹவ்டி துக்குன்பொந் தில்லி விஷயம்மு ஜீ பொடத்தேஸ் சுபா⁴வ். தெக அதிஷ்டான தேவுதொ விஷ்ணு. தெக ஸ்தானம் சித்தம்.

அந்தக்கரணம்மு மத்தி ஹம்சொ காய் ஹொ யெஸ்னா மெனெதி ஹங்கார் ஹொயெஸ். ப⁴ராடுமு மத்தி கன் சேஸ்திசான்கே கோனொக் கெடன்கன் சேயீ தெக சொகொன் பித்தரும் ஹங்கார் மெனஸ்தான்கே செரீர் மீ மெனி மொரெ மெனி கெடன்கன் ஸே. தெக அதிஷ்டான தேவுதொ ருத்ரு. தெக ஸ்தானம் சர்வாங்கம்.

ஞானேந்திரியாலும் அகாஸு ஹம்சொ காய் ஹோயெஸ்னா மெனெதி சுரோத்திர இந்திரியம் மெனஸ்தான் கான் ஹோயெஸ். ப⁴ராடுமு அகாஸ்கன் சேஸ்தி சான்கே கோனெக் சமஸ்த செத்து⁴ அதார்கன் சேயி தெக சொகொன் பித்தரும் சுரோத்திர இந்திரியம் மெனஸ்தான் கான் சமஸ்த செத்து⁴ ஐகரெஸ். தெக அதிஷ்டான தேவுதொ தெசெதிக்கு. தெக ஸ்தானம் சுரோத்திரம்.

ஞானேந்திரியாலும் வரா ஹம்சொ காய் ஹோயெஸ்னா மெனெதி சொர்செ இந்திரியம் ஹோயெஸ். ப⁴ராடுமு வரகன் சேஸ்திசான்கே கோனெக் சமஸ்த ஹுன்னெ சிள்ளொ செரி ரியெஸ்கீ தெக சொகொன் பித்தரும் சொர்செ இந்திரியம் மெனஸ்தான்கே சமஸ்த ஹுன்னெ சிள்ளொ ஜனரெஸ். தெக அதிஷ்டான தேவுதொ வாயு பகவான். தெக ஸ்தானம் சொர்செ.

ஞானேந்திரியாலும் அக்கினி ஹம்சொ காய் ஹோயெஸ்னா மெனெதி சட்சு இந்திரியம் மெனஸ்தான் தொளொ ஹோயெஸ். ப⁴ராடும் அக்கினிகன் சேஸ்தி சான்கே கோனெக் பிரகாஷுஞ்சரெஸ்கீ தெக சொகொன் பித்தரும் சட்சு இந்திரியம் மெனஸ்தான் தொளொ சமஸ்த ரூப் ஜனரெஸ். தெக அதிஷ்டான தேவுதொ சூரியபகவான். தெக ஸ்தானம் சட்சு.

ஞானேந்திரியாலும் பனி ஹம்ஸொ காய் ஹோயெஸ்னா மெனெதி ஜிக் இந்திரியம் மெனஸ்தான் ஜீப் ஹோயெஸ். ப⁴ராடுமு பனிகன் சேஸ்திசான்கே கோனெக் ருச்சிகன் சேயி தெக சொகொன் பித்தரும் ஜிக் இந்திரியம் மெனஸ்தான் ஜீப் சமஸ்த ருச்சி ஜனரெஸ். தெக அதிஷ்டான தேவுதொ வருணபகவான். தெக ஸ்தானம் ஜிக்கு.

ஞானேந்திரியாலும் மத்தி ஹம்ஸொ காய் ஹோயெஸ்ஸா மெனெதி கி⁴ராண இந்திரியம் மெனஸ்தான் நாக் ஹோயெஸ். ப⁴ராடும் மத்திகன் சேஸ்தி சான்கே கோனெக் வஸ்ஸாநாகன் சேயி தெக சொகன் பித்தரும் கி⁴ராண இந்திரியம் மெனஸ்தான் நாக் சமஸ்த வசனெ ஜனரெஸ். தெக அதிஷ்டான தேவுதொ அஸ் வனி தேவுதொ. தெக ஸ்தானம் கி⁴ராணம்

பஞ்சப்பிராணம் அகாஸா ஹம்ஸொ காய் ஹோயெஸ்ஸா மெனெதி வியான வாய்வு ஹோயெஸ். ப⁴ராடும் அகாஸ்கன் சேஸ்திசான்கே கோனெக் சமஸ்தமு பொரி ரியெஸ்கி தெக சொகன் பித்தரும் வியான வாய்வு மெனஸ்தான்கே செரீர் போ⁴ரும் பொ⁴ரி ரியெஸ். தெக அதிஷ்டான தேவுதொ விஸ்வன். தெக ஸ்தானம் வியான்.

பஞ்சப்பிராணம் வரா ஹம்ஸொ காய் ஹோயெஸ்ஸா மெனெதி பிராண வாய்வு ஹோயெஸ். ப⁴ராடும் வரகன் சேஸ்திசான்கே கோனெக் ஜிலேத் அவ்லேத் சேயி தெக சொகொன் பி⁴த்தரும் பிராண வாய்வு மெனஸ்தான்கே ஹ்ருதய ஸ்தானம்மு ரீ:லி நாதிக்காதி பரியந்தம் உஸ்வாசம், நிஸ்வாசம் கெல்லேத்சே. தெக அதிஷ்டான தேவுதொ இஸ்வயோனி. தெக ஸ்தானம் ஹ்ருதயம்.

பஞ்சப்பிராணம் அக்கினி ஹம்ஸொ காய் ஹோயெஸ்ஸா மெனெதி அபான வாய்வு ஹோயெஸ். ப⁴ராடும் அக்கினிகன் சேஸ்தான்கே கோனெக் சமஸ்தமு ஜ்ஸ்டு கரெஸ்கி தெக சொகொன் பித்தரும் அபான வாய்வு மெனஸ்தான்கே குதெ ஸ்தானம்மு ரீ:லி கயிஜோமெ

அன்னுசரம் அஸ்கி ஜெடாராக்கினி செராபாடி ஜீர்ணு தேரெஸ். தெக அதிஷ்டான தேவுதொ விஸ்வகர்த்தன். தெக ஸ்தானம் குதம்.

பஞ்சப்பிராணம் பனி ஹம்சொ காய் ஹொ யெஸ்னா மெனெதி சமான வாய்வு ஹொயெஸ். ப⁴ராடுமு பனிகன் சேஸ்தான்கே மிட்டமெனி நீத்தக் பொஸ்ஸம் மெனி நீத்தக் கோனெக் சமரஸங்கன் ஜாரெஸ்கீ தெக சொகன் பித்தரும் சமான வாய்வு மெனஸ்தான்கே நாபி ஸ்தானம்மு ரீ:லி கயி ஜொமெ அன்னுசரம் அஸ்கி சகல நாடி நெராலுகு உன்ன உபிர் நீத்தக் (72,000) எழுபத்தி இரண்டாயிரம் நெரமுனுகு ஜொயி வடகெரி தேரெஸ். தெக அதிஷ்டான தேவுதொ பிரும்ம. தெக ஸ்தானம் நாபி. (4448) நாலாயிரத்தி நானூத்தி நாற்பத் தெட்டு நெரம் வியாதி நெரம் ஸே.

பஞ்சப்பிராணம் மத்தி ஹம்ஸொ காய் ஹொ யெஸ்னா மெனெதி உதான வாய்வு ஹொயெஸ். ப⁴ராடுமு மத்திகன் சேஸ்தான்கே கோனெக் கெடன்கன் சேயி தெக சொகொன் பித்தரும் உதன வாய்வு மெனஸ்தான்கே கண்டஸ்தானம்மு ரீ:லி க²யி ஜொமெ அன்னுசரம் அஸ்கி ஒண்டெ க⁴டினி க⁴டி சொடரெஸ். தெக அதிஷ்டான தேவுதொ தச்சன். தெக ஸ்தானம் கண்டம்.

கர்மேந்திரியாலும் அகாஸு ஹம்சொ காய் ஹொயெஸ்னா மெனெதி வாக்கு இந்திரியம் ஹொயி தோணும் வத்த கெரத்தேஸ் சுபா⁴வ். தெக அதிஷ்டான தேவுதொ அக்கினி பகவான். தெக ஸ்தானம் வாக்கு.

கர்மேந்திரியாலும் வரா ஹம்சொ காய் ஹொ யெஸ்னா மெனெதி பாணி இந்திரியம் ஹொயி ஹாத் தீ³ கடத்தேஸ் சுபா⁴வ். தெக அதிஷ்டான தேவுதொ இந்திரன். தெக ஸ்தானம் பாணி.

கர்மேந்திரியாலும் அக்ஷிணி ஹம்சொ காய் ஹொ
யெஸ்னா மெனெதி பாத இந்திரியம் ஹொயி பாய்: சலி
தேத்தேஸ் சுபா¹வ். தெக அதிஷ்டான தேவுதொ
உபேந்திரன். தெக ஸ்தானம் பாதம்.

கர்மேந்திரியாலும் பணி ஹம்சொ காய் ஹொ
யெஸ்னா மெனெதி குதெ இந்திரியம் ஹொயி மல மூத்தி
ராதி விஸர்ஜ்ஜன கொத்தேஸ் சுபா¹வ் தெக அதிஷ்ட
டான தேவுதொ ம்ருத்தி. தெக ஸ்தானம் குதம்.

கர்மேந்திரியாலும் மத்தி ஹம்சொ காய் ஹொ
யெஸ்னா மெனெதி குய்ய இந்திரியம் ஹொயி சுக்கில
விஸர்ஜ்ஜன கொத்தேஸ் சுபா¹வ். தெக அதிஷ்டான
தேவுதொ பிரஜாபதி தேவுதொ தெக ஸ்தானம் குய்யம்.
(இ வீஸ் தத்துவமுகூஸி சூக்ஷ்ம செரீர் மெனி லிங்க
செரீர் மெனி மெனன்.)

சாத்மீக சமஷ்டி அந்தக்கரணம் ஹொயெஸ்.
சாத்மீக வியஷ்டி ஞானேந்திரியால் ஹொயெஸ். ராஜஸ
சமஷ்டி பஞ்சப்பிராண் ஹொயெஸ். ராஜஸ வியஷ்டி
கர்மேந்திரியால் ஹொயெஸ்.

இ மாயா பிரதிபிம்பெஸ்தான் ஈஸ்புரு தெ
அவித்யா பிரதிபிம்பெஸ்தான் ஜீவுடு ஒண்டெ ஒண்டெ
ஜீவுடுகு ஒண்டெ ஒண்டெ சூக்ஷ்ம செரீர் சிருஷ்டி கெரிதி
யேஸ். கள்ளெஸ்தான் ஜீவுள்ளு ஜதொ கொவ்தா
ஜீவுள்ளு மொகொ ஒண்டெ சூக்ஷ்ம செரீர் தே³மொகொ
ஒண்டெ சூக்ஷ்ம செரீர் தே³மெனி மயேஸ். சிருஷ்டி
கெரொ சூக்ஷ்ம செரீர் செஜ்ஜெ அங்குன் ஒண்டெ
சிருஷ்டி ஹொந்தக் மெனி மெந்தேஸ்.

இ பஞ்ச பு⁴தால் பாஞ்ச தெங்க ஜோவள் சேஸ் தான் தாம குண்ணு கடேஸ். ஒண்டெ தீ³ வடகெரேஸ். ஹத்து வட தெங்க சொந்தம்மு தொவ்விடேஸ். கொவ்தா ஹத்துவட சார் வடகெரி சார் பு⁴தமுனுசு சார் அர்க் கெல் வடதியேஸ். தியெ தானுக் கள்ளிடேஸ். பாஞ்ச வட செர்க்க ஹொய்யெஸ். எகோஸ் பஞ்சக்கரணம், பஞ்சக்கரணம் மெனி மெனன்.

அகாஸ் ஜோவள் இக்கொ குண்ணு அண்கிரெஸ்ல மெனெதி சார் குண்ணு அண்கிரெஸ். வராக் குண்ணு மெனஸ்தான் சொர்செ ஒண்டெ, அக்கினிக் குண்ணு மெனஸ்தான் ரூப் ஒண்டெ, பனிக் குண்ணு மெனஸ்தான் ருச்சி ஒண்டெ, மத்திக்குண்ணு மெனஸ்தான் வசுனெ ஒண்டெ அண்கிரெஸ். தெக காரண குண்ணு கன் சேஸ்தான்கே அகாஸ் ஜோவளு செத்து⁴ ஒண்டேஸ் தெக்கனி பொடரெஸ்.

வர ஜோவள் இக்கொ குண்ணு அண்கிரெஸ்ல மெனெதி அக்கினிகுண்ணு மெனஸ்தான் ரூப் ஒண்டெ, பனிக்குண்ணு மெனஸ்தான் ருச்சி ஒண்டெ, மத்திக் குண்ணு மெனஸ்தான் வசுனெ ஒண்டெ, தீ²ன் குண்ணு அண்கிரெஸ். தெக காரண குண்ணுகன் சேஸ்தான்கே அகாஸ் ஜோவளு செத்து⁴ ஒண்டெ, தெக சொந்தம் குண்ணுகன் சேஸ்தான்கே வராக் குண்ணு மெனஸ்தான் சொர்செ ஒண்டெ ஆக தீ³ குண்ணு தெக்கனி பொடரெஸ்.

அக்கினி ஜோவள் இக்கொ குண்ணு அண்கிரெஸ்ல மெனெதி பனிக் குண்ணு மெனஸ்தான் ருச்சி ஒண்டெ, மத்திக் குண்ணு மெனஸ்தான் வசுனெ ஒண்டெ, தீ³ குண்ணு அண்கிரெஸ். தெக காரண

குண்ணுகன் சேஸ்தான்கே அகாஸ் ஜோவளு செத்து¹ ஒண்டெ, வர ஜோவளு சொர்செ ஒண்டெ, தெக சொந்தம் குண்ணுகன் சேஸ்கிசான்கே அக்கினிக் குண்ணு மெனஸ்தான் ரூப் ஒண்டெ தீ²ன் குண்ணு தெக்கனி பொடரெஸ்.

பனி ஜோவள் இக்கொ குண்ணு அண்கிரெஸ்ஸு மெனெதி மத்திக்குண்ணு மெனஸ்தான் வசனெ ஒண்டெ அண்கிரெஸ். தெக காரண குண்ணுகன் சேஸ்தான்கே அகாஸ் ஜோவளு செத்து¹ ஒண்டெ, வர ஜோவளு சொர்செ ஒண்டெ, அக்கினி ஜோவளு ரூப் ஒண்டெ, தெக சொந்தம் குண்ணுகன் சேஸ்தான்கே பனிக் குண்ணு மெனஸ்தான் ருச்சி ஒண்டெ. சார் குண்ணு தெக்கனி பொடரெஸ்.

மத்தி ஜோவள் இக்கொ குண்ணு தெக்காரெஸ்ஸு மெனெதி, அகாஸ் ஜோவளு செத்து¹ ஒண்டெ, வர ஜோவளு சொர்செ ஒண்டெ, அக்கினி ஜோவளு ரூப் ஒண்டெ, பனி ஜோவளு ருச்சி ஒண்டெ, தெக சொந்தம் குண்ணுகன் சேஸ்தான்கே மத்தி ஜோவளு வசனெ ஒண்டெ ஆக பாஞ்சு குண்ணு தெக்கனி பொடரெஸ். இ பாஞ்சு குண்ணு கொங்கொ ஜோவள் தெக்காரெஸ்ஸு மெனெதி மத்தி ஜோவள் ரீ: தெக்கனி பொடரெஸ்.

இ பஞ்ச பு⁴தால் பஞ்சக்கரணம் கெர்னி பொட் ரெஸ்தான் தூல பு⁴தாலுமு சோ தத்வம் செராபாடி சார் வகா ஜெலும் மெனி தீ²ன் வகா செரீர் மெனி சமஸ்தமு தூல செரீர் சொகன் தெக்கனி பொடரெஸ்.

சோ தத்வம் மெந்தொ காய்னெ மெனெதி, கெட் சன், ரெகத், மாம்சு, ஹட்கொ, நெரம், மந்தொ எகோஸ் சோ தத்வம் மெனி மெனன்.

சார்வகா ஜெலும் மெந்தொ காய்னா மெனெதி
மெனிகு ஜெலுமு, மிருகஜாதி ஜெலுமு, கா⁴ய் கொ³ரு
ஆதிகன் சேஸ்தான்கே கொள்டிம் பந்தினி பொடி
உஜெஸ். சமஸ்த பக்ஷி ஆதிகன் சேஸ்தான்கே அண்
டாம் பந்தினி பொடி உஜெஸ். சமஸ்த தெய்³னே,
பிகளொ, ஜும் ஆதிகன் சேஸ்தான்கே செகாம் பந்
தினி பொடி உஜெஸ். சமஸ்த ஜாட் ஜட்கி கிருமி
கிடொ ஆதிகன் சேஸ்தான்கே மத்திம் பந்தினி பொடி
உஜெஸ். ஏகோஸ் சார் வகா ஜெலும் மெனி மெனன்.

தீ²ன் வகா செரீர் மெந்தொ காய்னா மெனெதி இக
லோக புத்தி, பரலோக புத்தி களயெஸ்தான் மெனிகு
ஜெலுமுகு-ஸி உத்தம செரீர், உத்தம செரீர் மெனி
மெனன்.

இகலோக புத்தி களயெஸ்தான் கா⁴ய் கொ³ரு
ஆதிகன் சேஸ்திசான்கே மத்தி³ம செரீர், மத்தி³ம
செரீர் மெனி மெனன்.

இகலோக புத்தி நீத்தக் பரலோக புத்தி நீத்தக்
தீ³ புத்தி களானஸ்தான் ஜாட் ஜட்கி, கிருமி கிடொ
ஆதிகன் சேஸ்தான்கே அத⁴ம செரீர், அத⁴ம செரீர்
மெனி மெனன்.

ஏகோஸ் சார்வகா ஜெலும் மெனி, தீ²ன் வகா
செரீர் மெனி மெனன்.

இ பஞ்ச பு⁴தால் பஞ்சக்கரணம் கெர்னி பொட்
ரெஸ்தான் தூல பு⁴தாலுமு மத்தி வட காய் ஹொயெஸ்னா
மெனெதி மத்திம் மத்தி ஹட்கொ, மத்திம் பனி மாம்சு,
மத்திம் அக்கினி மெது⁴ட், மத்திம் வர நெரால், மத்திம்

அகாஸ் ரொமால். பனிம் மத்தி உஷ்டொ, பனிம் பனி மூத், பனிம் அக்கினி செகொ, பனிம் வர ரெகத், பனிம் அகாஸ் சுக்கிலம்.

அக்கினிம் மத்தி பூ⁴க், அக்கினிம் பனி சோக், அக்கினிம் அக்கினி ஹோங்கு, அக்கினிம் வர சோம்பல், அக்கினிம் அகாஸ் சங்குமுகம்.

வராம் மத்தி பிஸினி, வராம் பனி சஸ்னி, வராம் அக்கினி பொட்னி, வராம் வர த⁴ம்னி, வராம் அகாஸ் உசிஸ்னி.

அகாஸும் மத்தி ராகம், அகாஸும் பனி துவேஷம், அகாஸும் அக்கினி தா⁴க், அகாஸும் வர லாஸ், அகாஸும் அகாஸ் மோகம்.

சோ தத்வம் செராபாடி செரெஸ்தான் தூல செரீருமு வீஸ் தத்வம்கன் சேஸ்தான் இ சூக்தம் செரீர் கோட் கோட் கடி தொவ்ரேஸ்னா மெனெதி கர்மேந்திரியாலும் வாக்கு, ஞானேந்திரியாலும் ஜிக்கு, தி³ய்யொ க²டி தோனும் தொவேஸ்.

அந்தக்கரணம்மு மொன்னு, பஞ்சப்பிராணம் உதான வாய்வு தி³ய்யொ கடி கண்டம்மு தொவேஸ்.

அந்தக்கரணம்மு புத்தி, பஞ்சப்பிராணம் பிராண வாய்வு தி³ய்யொ கடி ஹ்ருதயம்மு தொவேஸ்.

அந்தக்கரணம்மு சித்தம், பஞ்சப்பிராணம் சமான வாய்வு தி³ய்யொ கடி நாபி⁴ மெனஸ்தான் பொ⁴ம்பிம் தொவேஸ்.

கர்மேந்திரியாலும் பாயிறு, பஞ்சப்பிராணம் அபானவாய்வு தி³ய்யொ கடி குதெஸ்தானம்மு தொவேஸ்.

அந்தக்கரணம்மு ஹங்கார், ஞானேந்திரியாலும்
சொர்ச்செ, பஞ்சப்பிராணம் வியான வாய்வு தி²னாய்யொ
கடி சர்வாங்கம்கன் செரீர் போரும் தொவேஸ். உச்சி
மெனஸ்தான் தஞர் தே இந்திரியம் தொவேஸ். தொளொ
மெனஸ்தான் கள அண்டாம் சட்சு இந்திரியம் தொவேஸ்.
கா²ன் மெனத்தெமாகு சுரோத்திர இந்திரியம் தொவேஸ்.
நாக் மெனத்தெமாகு கிராண இந்திரியம் தொவேஸ்.
இ தானுக் கெ³ளாக் உஞ்சொ வெகள வெகளகன்
தொவேஸ். கெ³ளாக் காலுமு ஹாதும் பாணி இந்திரியம்,
பாயும் பாத இந்திரியம், குய்யம்மு குய்ய இந்திரியம்
தொவேஸ். இதானுக் கெ³ளாக்காலும் வெகள வெகள
கன் தொவேஸ்.

அந்தக்கரணம்மு அகாஸு ஹம்சொ உள்ளம்,
ஞானேந்திரியாலும் அகாஸு ஹம்சொ சுரோத்திர
இந்திரியம், பஞ்சப்பிராணம் அகாஸு ஹம்சொ வியான
வாய்வு, கர்மேந்திரியாலும் அகாஸு ஹம்சொ வாக்கு
இந்திரியம். இ சாரெ அகாஸும் உஜி அகாஸும் ஜீ
அண்கிய்யொ.

அந்தக்கரணம்மு வரா ஹம்சொ மொன்னு,
ஞானேந்திரியாலும் வரா ஹம்சொ சொர்ச்செ இந்திரியம்,
பஞ்சப்பிராணம் வரா ஹம்சொ பிராண வாய்வு, கர்மேந்
திரியாலும் வரா ஹம்சொ பாணி இந்திரியம். இ சாரெ
வராம் உஜி, வாரம் ஜீ அண்கிய்யொ.

அந்தக்கரணம்மு அக்கினி ஹம்சொ புத்தி,
ஞானேந்திரியாலும் அக்கினி ஹம்சொ சட்சு இந்திரியம்,
பஞ்சப்பிராணம் அக்கினி ஹம்சொ அபான வாய்வு,
கர்மேந்திரியாலும் அக்கினி ஹம்சொ பாத இந்திரியம்.
இ சாரெ அக்கினிம் உஜி, அக்கினிம் ஜீ அண்கிய்யொ.

அந்தக்கரணம்மு பனி ஹம்சொ சித்தம்,
 ஞானேந்திரியாலும் பனி ஹம்சொ ஜிக் இந்திரியம்,
 பஞ்சப்பிராணும் பனி ஹம்சொ சமான வாய்வு, கர்மேந்
 திரியாலும் பனி ஹம்சொ குதெ இந்திரியம். இ சாரெ
 பனிம் உஜீ, பனிம் ஜீ அண்கிய்யொ.

அந்தக்கரணம்மு மத்தி ஹம்சொ ஹங்கார்,
 ஞானேந்திரியாலும் மத்தி ஹம்சொ கிராண இந்திரியம்,
 பஞ்சப்பிராணும் மத்தி ஹம்சொ உதான வாய்வு,
 கர்மேந்திரியாலும் மத்தி ஹம்சொ குய்ய இந்திரியம்.
 இ சாரெ மத்திம் உஜீ, மத்திம் ஜீ அண்கிய்யொ.

சோ தத்வம்கன் சேஸ்தான் தூல செரீருமு வீஸ்
 தத்வம்கன் சேஸ்தான் சூக்ஷ்ம செரீரு இ பஞ்ச பு⁴தாலு
 காரணங்கன் சேத்தெகஹாலிமு காரிய செரீர், காரிய
 செரீர் மெனி மென்னிபொடெஸ். ஒண்டெ பு⁴தாலுக்
 ஒண்டெ பு⁴தாலுக் கலப்பெஹாயி கெட்டும் ப⁴ந்தினி
 பொட்ரெத்தெகஹாலிமு தூலம் மெனி நாவ் அவெஸ்.
 இ தூலம் கலப் ஹிட்டி கெட்டு சுட்டெத்தெகரு சூக்ஷ்மம்
 மெனி நாவ் அவெஸ்.

இ சூக்ஷ்மம்மு ரீ:மத்தி கொங்கொ ஜோவள்
 உஜெஸ்ஸொ மெனெதி பனி ஜோவள் உஜெஸ். ஜுக்கு
 பனி கள்ளி ரொவ்வொ மத்தி கவ்லெஸ்ஸொ மெனெதி
 கோனெக் பனி செராபாடி பனி ஹொயி ஜேடுகைகீ
 தெகசொகன் இ மத்திகன் சேஸ்தான்கே தெ பனிம் ஜீ
 அண்கிய்யொ.

பனி கொங்க ஜோவள் உஜெஸ்ஸொ மெனெதி
 அக்கினி ஜோவள் உஜெஸ். ஜுக்கு அக்கினி கள்ளி
 ரொவ்வொ பனி சிலிஞ்செஸ்ஸொ மெனெதி கோனெக்
 ஜுரி ஜேடய்யீ தெகசொர்கன் இ பனிகன் சேஸ்தான்கே
 தெ அக்கினிம் ஜீ அண்கிய்யொ.

அக்கினி கொங்க ஜோவள் உஜெஸ்ஸா மெனெதி
வர ஜோவள் உஜெஸ். ரொவ்வொ அக்கினி கள்ளி
ஜுக்கு வர ஹனெஸ்ஸா மெனெதி கோனெக் நீர்
ஹொயீ ஜேடய்யீ தெக சொகன் இ அக்கினிகன் சேஸ்
தான்கே தெ வராம் ஜீ அண்கிய்யொ.

வர கொங்கொ ஜோவள் உஜெஸ்ஸா மெனெதி
அகாஸும் ரீ: கா²ல் அவி ஹனி ஹனி சினி கோனெக்
அகாஸுமூஸ் ஜீ அண்கிய்யாய்யீ தெகசொகன் இ வர
கன் சேஸ்தான்கே தெ அகாஸும் ஜீ அண்கிய்யொ.

அகாஸ் கொங்கொ ஜோவள் உஜெஸ்ஸா மெனெதி
விகேஷப சக்தி அந்துலும் உஜி, விகேஷப சக்தி அந்து
லும் ஜீ அண்கிய்யொ.

விகேஷப சக்தி கொங்கொ ஜோவள் உஜெஸ்ஸா
மெனெதி தாம குண்ணு அந்துலும் உஜி, தாம குண்ணும்
ஜீ அண்கிய்யொ.

தாம குண்ணு கொங்கொ ஜோவள் உஜெஸ்ஸா
மெனெதி மாயா அந்துலும் உஜி, மாயா அந்துலும் ஜீ
அண்கிய்யொ.

மாய கொங்கொ ஜோவள் உஜெஸ்ஸா மெனெதி
மூலப்பிரகிருதி அந்துலும் உஜி, மூலப்பிரகிருதி அந்து
லும் ஜீ அண்கிய்யொ.

மூலப்பிரகிருதி கொங்கொ ஜோவள் உஜெஸ்ஸா
மெனெதி பிரும்மமு அந்துலும் உஜி, பிரும்மமு அந்து
லும் ஜீ அண்கிய்யொ.

அகண்டங்கன், பரிபூரணம்கன் ஜீவேஸ்வர ஜெக
தாதி பிரபஞ்சம் சமஸ்தமு அநித்யம், பிரம்மமு நித்யம்.

தூல தத்வம் சோயொ, சூக்தம் தத்வம் வீஸை, பஞ்ச
பூ⁴தம் பாஞ்செ, மாயா, ஈஸ்புரு, அவித்யா, ஜீவுடு, பிறும்
மம். இ வீசன் சொவ்வள் தத்வம்மு பிறும்மம் ஜதொ
உராவ் வீசன் பந்தர் தத்வம் அதத்வம், அதத்வம்
ஹொய்யொ. பிர்மம் நித்யம் ஜெகத் அநித்யம்.

பிறும்மமு அந்துலும் மூலப் பிருகிருதி உஜெஸ்,
மூலப்பிரகிருதி அந்துலும் மாய உஜெஸ், மாயா அந்து
லும் ஈஸ்புரு உஜெஸ். மாய ஜொவளு தீ²ன் குண்ணாஸ்.
திருமூர்த்துல் ரஜகுண்ணாஸ். அவித்யா, அவித்யா
அந்துலும் ஜீவுள்ளு.

தாம குண்ணும் ரீ: ஆவரண சக்தி, விக்ஷேப
சக்தி, தெமாம் ஆவரண சக்தி ஈஸ்புருக்கின், பிறும்மக்
ஞானி ஜதொ கொவ்தா ஜீவுள்ளு ஜ:ய்னி பொட்ரெஸ்.

விக்ஷேப சக்தி அந்துலும் சோ தத்வம் செரா
பாடி சார் வகா ஜெலும் மெனி, தீ²ன் வகா செரீர் மெனி
சமஸ்தமு தூல செரீர் சொகன் தெக்கனி பொட்ரெஸ்.

ஓம் குருவே நம:

ஓம் தத் ஸத்

ஆனைமுகன், ஆறுமுகன், அம்பிகை, பொன்னம்பலவன்,
ஞானகுரு வாணியை, உள்நாடு.

அகண்டம் ஆத்மா கண்டம் ஜெகத் பரிபூரணம்
மெந்தொ அகாஸ் அஸ்கி தேடும் பொ⁴ரி:ரியெ சொகன்
ஆத்மா வ்யாபகங்கன் பொரி சேஸ்தான் தெக ஹாலிமு
பரிபூரணம் மெனி நாவ் அவெஸ்.

சத்து சித்தானந்தம் மெந்தொ சே மெனரியோ
சத்து, தெக்கனி பொடரியோ சித்து, தெ பதாஸ்து
ஹோரும் பிரேவ் பொந்தரியோ ஆனந்தம். தெ சச்சிதா
னந்த பிரும்மமு அந்துலும் சீபும் ரூப்போ நீஸ்தக்கின்
கோனெக் கல்பனா மாத்ரம்கன் தெக்காரெஸ்கீ தெக
சொகன் பிரும்மமு அந்துலும் மூலப்பிரகிருத்தி, மூலப்
பிரகிருத்தி மெனிகின் ஒண்டெ சக்தி தெக்கயெஸ்.

சீபும் ரூப்போ நீ : மூலப்பிரகிருத்தி நீ : மூலப்பிர
கிருத்தி மெனி கொக ஹால் நாவ் அவெஸ்னா மெனெதி
மூல அக்ஞான் ஆத்மாக் ஜய்ஸ்ரிய ஹாலிமு மூலப்பிர
கிருத்தி மெனி நாவ் அவெஸ். தெ மூலப்பிரகிருத்தி
ஜோவள் தீ²ன் குண்ணு ஹோதெஸ். சாத்மீகம், ராஜசம்,
தாமசம். சாத்மீக குண்ணு மெனரியோ தெகோஸி,
ஹுஜாள் சுபாவ் மெனரியோ தெகோஸி, மாயா மென
ரியோ தெகோஸி. சாத்மீக குண்ணு நீ : ஹுஜாள்
சுபாவ் நீ : மாயா நீ : தெ ஹுஜாள் சுபாவ்கன் சேஸ்
தான் சாத்மீக குண்ணு மாயா அந்துலும் பிரும்மமு சாய
சுத்த பனிம் பிரதிபிம்பெஸ் தெகஹாலிமு ஈஸ்புரு மெனி
நாவ் அவெஸ். இ, ஈஸ்புருகு தெ மாயகன் சேஸ்தான்கே
உபாதி மெனி காரண செரீர் மெனி மெனன். இ ஈஸ்

புருகு தெ மாயா காரணங்கன் சேத்தெக ஹாலிமு
காரண செரீர் மெனி மென்னி பொடெஸ்.

தெ சாத்மீக குண்ணு மாய ஜோவள் சாத்மீகம்மு
சாத்மீகம், சாத்மீகம்மு ராஜசம், சாத்மீகம்மு தாமசம்
சாத்மீகம்மு சாத்மீகம் பிரதான்கன் ரதொ தெ சமயம்மு
தெமாம் பொடெஸ்தான் பிரும்மமு சாயகன் சேஸ்தான்
பிரதிபிம்பமுகூஸி ஜெகத் ரக்ஷகார்த்தம் கெரத்தக்
குர்ச்சி விஷ்ணு மெனி நாவ் அவெஸ்.

விஷ்ணு மெனி கொகஹால் நாவ் அவெஸ்னா
மெனெதி மிங்கி³ ரீ: ஐஸ்து லெந்தும் ரக்ஷகார்த்தம்
கெரஸ். மற்கெ³ ரீ: பிராஹ்மன் லெந்தும் ரக்ஷகார்த்தம்
கெரஸ். முப்பத்திமுக்கோடி தேவுதுல்லுகு, ருஷேஸ்
புல்லுகு, முனேஸ்புல்லுகு ரக்ஷகார்த்தம் கெரஸ்.

சமஸ்த ஜாட் ஜட்கி கிருமி கிடொ³ ஆதிகன்
சேஸ்தான்கே ரக்ஷகார்த்தம் கெரஸ்தான் தெக ஹாலிமு
விஷ்ணு மெனி நாவ் அவெஸ்.

சாத்மீகம்மு ராஜசம் பிரதான்கன் ரதொ தெ
சமயம்மு தெமாம் பொடெஸ்தான் பிரும்மமு சாயகன்
சேஸ்தான் பிரதிபிம்பமுகூஸி ஜெகத் கிருஷ்டி கெரத்
தக்குர்ச்சி பிரும்ம மெனி நாவ் அவெஸ்.

பிரும்ம மெனி கொகஹால் நாவ் அவெஸ்னா
மெனெதி மிங்கி³ ரீ: ஐஸ்து லெந்தும் கிருஷ்டி கெரஸ்.
மற்கெ³ ரீ: பிராஹ்மன் லெந்தும் கிருஷ்டி கெரஸ். முப்
பத்திமுக்கோடி தேவுதுல்லுகு, ருஷேஸ்புல்லுகு, முனேஸ்
புல்லுகு கிருஷ்டி கெரஸ். சமஸ்த ஜாட் ஜட்கி கிருமி
கிடொ³ ஆதிகன் சேஸ்தான்கே கிருஷ்டி கெரஸ்தான்
தெக ஹாலிமு பிரும்ம மெனி நாவ் அவெஸ். .

சாத்மீகம்மு தாமசம் பிரதான்கன் ரதொ தெ
சமயம்மு தெமாம் பொடெஸ்தான் பிரும்மமு சாயகன்
சேஸ்தான் பிரதிபிம்பமுகூஸி ஜெகத் சம்ஹாரம் கெரத்
தக்குர்ச்சி ருத்³ரு மெனி நாவ் அவெஸ்.

ருத்³ரு மெனி கொகஹால் நாவ் அவெஸ்னா
மெனெதி. மிங்கி ரீ: ஐஸ்து லெந்தும் சம்ஹாரம் கெரஸ்
மற்கெ³ ரீ: பிராஹ்மன் லெந்தும் சம்ஹாரம் கெரஸ்,
முப்பத்திமுக்கோடி தேவு துல் லுகு ருஷேஸ்புல்லுகு
முனேஸ்புல்லுகு சம்ஹாரம் கெரஸ், சமஸ்த ஜாட் ஜட்கி
கிருமி கிடொ³ ஆதி³கன் சேஸ்தான்கே சம்ஹாரம்
கெரஸ்தான் தெக ஹாலிமு ருத்ருமெனி நாவ் அவெஸ்.
ஒண்டெ சிஷ்யகன் சேஸ்தான் தெனு கு³ருவுன்
ஜோவன் அவி ஜெகத் கோனெக் ஹொயெயோ? செரீர்
கோனெக் ஹொயெயோ? மொரெ லெட்சன் கோனெக்
சேத்தெ மெனி புசேஸ்.

ஜெகத் ஹொயெ லெட்சன் மாயா ஜோவனா,
பவர் க:ள்ளெதி மொள்ளொ ஜீவேஸ்வர ஜெகத் கெரத்
தகு மாயாக் பவர் நீ: ஜீவேஸ்வர ஜெகத் கெரத்தகு
ஈஸ்புரு ஹாலீஸ் ஹொனெ. மாயாக் பவர் நீ: கொக
சொகன்னா மெனெதி ஒண்டெ புருஷு³ஹு³ஜான்படி²
கடி³ லொவ ரெங்கெஸ்னா மெனெதி, லொவ ரெங்கெஸ்
தான் தெனெ மெனசன், தெ படஸ் கள ரெங்கெஸ்னா
மெனெதி கள ரெங்கெஸ்தான் தெனெ மெனசன்,
தெ படஸ் அங்கி³டி³ம் தொவ்வி விக்கெஸ்னா மெனெதி
அங்கி³டி³ கெரி மெனசன். கோனெக் ஒண்டெ புரு
ஷு³டி³க் தீ²ன் நாவ் அவெஸ்கீ தெக ஸொகன் ஜெகத்
ஹொயி திருமூர்த்துல் ஹொயெ லெட்சன் சங்கினி
பொடெஸ்.

செரீர் ஹொயெ லெட்சன் கோனெக்னெ மெனெதி
அந்தக்கரணமு மொன்னு புத்தி, சித்து ஹங்கார்
கெரஸ்தான் கிரியொ. அந்தக்கரணமு தெரும் மெனி
சொண்ணுத்தக்கன், மி கெரரியொ, மி கடரியொ மெனி
ஜீவுடு கர்த்தவ்யம் கள்ளி அவரியோஸி ஜெனெ மரண
துக்கு ஹேது ஹொயி முஸஸ்.

ஞானேந்திரியாலும் சுரோத்திர இந்திரியம்
செத்து⁴ ஐய்கெதி மி ஐய்கெஸ் ஐகெனி மெனஸ், சொர்
செ இந்திரியம் ஹுன்னெசின்னொ ஜெனெதி மொகொ
ஹுன்னெ சின்னொ லயெஸ் லயெனி மெனஸ், சட்சு இந்
திரியம் ரூப்சியெதி மி சியெஸ் சியெனி மெனஸ். ஜிக் இந்
திரியம் ரூச்சி ஜெனெதி மொகொ ரூச்சி லயெஸ் லயெனி
மெனஸ். கிராண இந்திரியம் வசனெ ஜெனெதி மொகொ
வசனெ அவெஸ் அவெனி மெனஸ். இக்கூய்யொ
ஞானேந்திரியாலு தெரும் மெனி சொண்ணுத்தக்கன்,
மி கெரரியொ, மி கடரியொ மெனி ஜீவுடு கர்த்தவ்யம்
கள்ளி அவரியோஸி ஜெனெ மரண துக்கு ஹேது
ஹொயி முஸஸ்.

பஞ்சப்பிராணம் ஒண்டெ வாய்வுஸி செரீர்
போ⁴ரும் பொ⁴ரி ர:தொ வியான வாய்வு மெனசன், தெ
வாய்வுஸி வாசி ஜிலேத் அவ்லேத் ரதொ பிராணவாய்வு
மெனசன், தெ வாய்வுஸி கா²ல் துவாரமு வாட் ஜாத்தெ
வேளு அபான வாய்வு மெனசன். தெ வாய்வுஸி கயி
ஜொமெ அன்னு சாரம் அஸ்கி சமரஸங்கன் வட கெரி
தி³யெதி சமான வாய்வு மெனசன். தெ வாய்வுஸி கண்ட
ஸ்தானம்மு ரீ:லி ஒண்டெ கடினி கடி சொடெ³தி
உதா³ன வாய்வு மெனசன். தெ வாய்வுஸி நிஞ்ஜிரதொ
கொ⁴ற்குல் க⁴லரெஸ் மெனி மெனசன். தெ வாய்வுஸி

பிராண அவஸ்தாக் காலம்மு கொரட்டு அவட்ரெஸ், ரஜ அவட்ரெஸ், சேட்வ அவட்ரெஸ் மெனி மெனசன். தெ வாய்லுஸி நாகம், கூர்மம், கிரிகரன், தேவதத்தன், தனஞ்ஜயன் மெனி உபய பஞ்ச வாய்வு ஹோயெஸ். தெ வாய்லுஸி மி பூ⁴க் கெரஸ்தான் தெனோ, மி பூ⁴க் கொர் னஸ்தான் தெனோ, மி தெள்க பொடெ³ஸ்தான் தெனோ, மி தெள்க பொண்ணுஸ்தான் தெனோ, மி சி²க்கயெஸ்தான் தெனோ, மி சி²க்கானுஸ்தான் தெனோ, மொகொ பொலம் லயெஸ் லயெனி மெனெஸ். இக்கூய்யொ ஒண்டெ வாய்வு தெரும் மெனி சொண்ணுத்தக்கன் மி கெரரியொ மி கட³ரியொ மெனி ஜீவுடு³ கர்த்தவ்யம் கள்ளி அவரியோஸி ஜெனன மரண துக்கு ஹேது ஹோயி முஸஸ்.

கர்மேந்திரியாலும் வாக்கு இந்தி³ரியம் வத்த கெரெதி மி வத்த கெரெஸ் கெரெனி மெனஸ். பாணி இந்திரியம் ஹாத் தி³ கடெ³தி மி தியெஸ் தியெனி மெனஸ். பாத இந்திரியம் சலி ஜியெதி மி சலெஸ் சலெனி மெனஸ். குத³ இந்தி³ரியம் மல மூத்திராதி விஸர்ஜ்ஜன கெரெதி மி மல மூத்திராதி விஸர்ஜ்ஜன கெரெஸ் கெரெனி மெனஸ். குய்ய இந்திரியம் சுக்கில விஸர்ஜ்ஜன கெரெதி மி சுக்கில விஸர்ஜ்ஜன கெரெஸ் கெரெனி மெனஸ். இக்கூய்யொ கர்மேந்திரியாலும் தெரும் மெனி சொண்ணுத்தக்கன் மி கெரரியொ மி கடரியொ மெனி ஜீவுடு³ கர்த்தவ்யம் கள்ளி அவரியோஸி ஜெனன மரண து³க்கு ஹேது ஹோயி முஸஸ். செரீர் ஹோயெ லெட்சன் சங்கி³னி பொடெ³ஸ்.

தொரெ லெட்சன் கேகாநோக் சேத்தென மெனெதி பஞ்சகோசவிலகூணங்கன் சேஸ்தான் அறிவு

சொருபுஸ். து கோனெக்ன மெனெதி, ஒண்டெ புருஷு^{டு} பாஞ்சு சொக்காய் கல்லிரியெஸ்ன மெனெதி பாஞ்சு சொக்காய் வெகளகன் சேஸ்தான் புருஷு^{டு} கோனெக்கீ தெக சொகன் பஞ்சகோச விலகூணங்கன் சேஸ்தான் அறிவு சொருபுஸ் து தெ சொருபுக் கு³ர்த்து கோனெக் களள்ளத்தென மெனெதி தீன் தாபமுக் த³க்கெஸ்தான் தெனெ ஹொனெ.

தீன் தாபம் மெந்தொ காய்ன மெனெதி ஆதி³ அத்³யாத்மீக தாப³ம், ஆதி³ பெளதீக தாப³ம், ஆதி³ தே³விகதாப³ம் மெனி தீன் தாபம்.

ஆதி அத்³யாத்மீக தாப³ம். மெந்தொ காய்ன மெனெதி:—மாய் பா³பு சுக்கில சுரோணிதம் ஹாலி கெ³ர்பு³ த³ரிஞ்சி கெ³ர்ப³ வாசம்முரீ: ஒண்டெ போகும் நரகு, ஒண்டெ போகும் அக்கி³னி, ஒண்டெ போகும் நாக்ஞப்பூச்சி, கா²ல்பனி, உஞ்சொ உத³ர அக்கினி, ஆச னாம் மாவு, ஜெபமு தெ³ண்டா கொடி³ காய்மெனி ஜெபம் கெரரேஸ்ன மெனெதி கே³வாள் ஜெலும்மு கு³ரு சந்நி தானம்மு ஜீ குருவுனு பணிவிடை கெர்ரியெதி இ கெர்ப வாசம்மு அவ்னத்த ரீ: ரவ்வாய். கேவாள் ஜெலும்மு கு³ரு சந்நிதா³னம்மு ஜீ குரு வாக்கியம் நொம்மீ ரியெஸ்ன மெனெதி இ கெர்ப வாசம்மு அவ்னத்த ரீ: ரவ்வாய். கேவாள் ஜெலும்மு கு³ரு சந்நிதா³னம்மு ஜீ கு³ருவுனு சேவசுருஷ்ய கெரி கு³ருவுனு தொண்டு³ ஊழியம் கெர்ரி யெஸ்ன மெனெதி இ கெ³ர்ப³ வாசம்மு அவ்னத்த ரீ: ரவ்வாய் அத்த பராதம் இ கெ³ர்ப³ வாசம்மு அவத்தெக் காம் நீ: ஸ்ரீமத் சங்கராச்சாரிய சுவாமின் பாதார³விந் த³ம்மு ஜீ பொடி விசாரண கெரி மோகூழீஸ் பொந் த³த்தெ மெனி ஜெபம் கெரரேஸ். இசரதோஸ் ப³க வான் வெது³ர் தெக்கய்யெஸ். சுவாமி இக்கதி³ன்னு

தொகன்றீ : ஜெபம் கெல்லேத் ரீ:ரெஸி ப³கவானுக்
தெ³க்காரெனி மெனெஸ், தெக ஹால் காய்ப்பா³ தொ³ஸ்
கொ கா²ல்கெரி பா²ய்: உஞ்சொ துக்கி: தே³வு தெ³க்கய்
யாய்ப்பா³ மெனெஸ். தொ³ஸ்கொ கா²ல்கெரி பா²ய்
உஞ்சொ துக்கெத்தக்கின் தொ³ங்கர் ரீ:லி கா²ல் பொ
டெ³சொகன் லயி மெல்லேத் ஹொதெ வாக்கியம் ஹொ
டன் விசரய்யொ. ஏஸ் ஆதி³ அத்³யாத்மீக தாப³ம்.

ஆதி பெ³தீக தாபம் மெந்தொ காய்னா மெனெதி:-
அந்நிய செரீர் ஹால் ப³ராட் அவஸ்தான் தெக ஹாலிமு
ஆதி பெ³ளதீக தாபம். தெ³ள்கொ கெம்பி³ நா:ண் து³வா
ரம்மு வாட் தயி உட்செஸ்னா மெனெதி திக்கொ கெஷ்
டம் செராபாடி ப³ராட் அவய்கீ திக்கொ கெஷ்டம் செரா
பாடி மாய்:நு:ரு வெகள ஹொசன். திச வெகள
ஹொயி, கெணம் மந்த³மு தங்கி³ தொ³ஸ்கொ து³க்காரி
யெதி போட், து³க்காராய் மெனி ஹொகத் க³லசன்.
போட் து³க்காரியெதி தொஸ்கொ துக்காராய் மெனி
பத்து தகசன். பா³ப் கள்ளி கொஞ்செதி முஸுங்கு³ருக்
கேஸ் லயி ரொட³சன். ஏஸ் ஆதி பெள³தீக தாப³ம்.

ஆதி தே³விகாதாப³ம் மெந்தொ காய்னா மெனெதி
பிராண அவஸ்தாக் காலம்மு முரி சேருக் கடொ³
ரெகுட³யெதிமெள்ளொ தொ³ங்க³ர் அவி பொடெ³ சொ
கன் லகஸ். தெங்கொ பயாஸ்கோப் தெக்கடெ சொகன்
தெக்கடரான். ஏடு காய் மெல்லரான்னா மெனெதி,
கோன் பை³ல்து:ரு ஹொல்லொ ஆஸ்தசேயீ, கோன்
கே⁴ர்தா³ர் ஹொல்லொ ஆஸ்தசேயீ, கோன் சொத்து
சொமந்து³ ஹொல்லொ ஆஸ்தசேயீ மெனி மெல்லரான்.
எங்கொ ஆதி அத்³யாத்மீக தாப³ம், ஆதி பெள³தீக
தாபம் சொம்மர் தெஸ்ஸு இக்கவட வேன் கெஷ்டம்
செராபாடி பிராண பிரிஞ்ஜிஜாஸ். இச பிராண பிரிஞ்ஜி

ஜியெஸ்தான் தெனெ ஹொயி கோனெக் களள்ளத்தெனெ
 மெனெதி, பெய்லெட் து:ருகன் ரீ: சொக்கட் பி³யார்சார்
 கெரராஸ். செடக்கெரி மொஜ்ஜெஸ்னெ மெனெதி கிக்க
 தாபம் உஜ்யகீ திக்க தாப³ம் உஜ்¹னெ. எல்லெ தீன்
 தாபம் ஹொர், புருஷ¹கென் சேஸ்தான் தெனெ ஸ்திரீ
 ஜொவள் சொக்கட் பத³ாஸ்து சொக்கட் பக்குவம்கன்
 ஹந்தி கா⁴லி மெனி அனி தி³யெஸ்னெ மெனெதி கிக்க
 தா⁴க் த⁴க்கி ஹந்தி கலய்⁴கீ திக்க தா⁴க் த⁴க்குனெ
 எல்லெ தீன் தாபம் ஹொர்? இச, எல்லெ தீன் தாபமு
 தக்கெஸ்தான் தெனெ ஹொயி கோனெக் களள்ளத்
 தெனெ மெனெதி, கு³ரு சந்நிதா³னம்மு ஜீ கு³ருவுனு
 சேவசிசுருஷ்யகெரி, கு³ருவுனு பணிவிடைகெரி, குருவுனு
 தொண்டு³ ஹழியம் கெரி, கு³ரு வாக்கியம் நொம்மி, ஸ்ரவ
 ணம் ஐய்கி, மனனம் கெரி, நிவித்யாசனம்மு ரீ:,
 சமாதி³ பொள்கி³, சாக்ஷாஸ்காரம் பொந்தேஸ்தான்
 தெனு ஹொயேஸ் வேதவ்யாஸ¹ல் மெனஸ்தான்
 பிரஹ்மன்.

சாத்மீக கு³ண்ணு வடமுஜ்ஜெ.

ரஜ கு³ண்ணு லொவொ சுபா³வ், தெ லொவ சுபா⁴வ்கன்
 சேஸ்தான் ரஜ கு³ண்ணாஸ் அநேக குட்கல் ஹொயெஸ்.
 திசான் ஒண்டெ ஒண்டெ குட்கா கூஸி ஒண்டெ
 ஒண்டெ அவித்யா³மெனி மெனன்., தெ அவித்³யா அந்
 து³லும் பி³ரும்மு சாய்கன் சேஸ்தான் பிரதி³ பி⁴ம்ப³மு
 கூஸி ஜீவுடு³ மெனி, ஜீவசிதாபாகடு³ மெனி, கிஞ்சி
 குடு³ மெனி, பிராக்குடு³ மெனி மெனன். யே வியஸ்டி
 செரீர் மெனஸ்தான் தூல செரீருக் அபி³மானி ஹால்
 விஸ்வன் மெனி நாவ் அவெஸ். யே வியஸ்டி செரீர்
 மெனஸ்தான் சூக்ஷ்ம செரீரிருக் அபி³மானி ஹால்

தைஜசன் மெனி நாவ் அவெஸ். யே வியஸ்டி செரீர்
மெனஸ்தான் காரண செரீருக் அபிமானி ஹால் பிராக்
ருன் மெனி நாவ் அவெஸ். யே வியஸ்டி செரீர் மெனஸ்
தான் கிஞ்ஜித்வம் கள்ளி அவ்ரெஸ்தான் தெக ஹாலிம்
கிஞ்சிகுடு³ மெனி நாவ் அவெஸ்.

ஜாகர்தா அவஸ்தாம் வீசன்வியார் தத்வம் செரா
பாடி விவகார் கெரஸ்தான் தெக ஹாலிம் விவகார
ஜீவன் மெனி நாவ் அவெஸ், சொப்னா அவஸ்தாம்
பொஞ்சிஸ் தத்வம் செராபாடி கிரிய கெரஸ்தான். தெக
ஹாலிம் பிரதி பாஸிக ஜீவன் மெனி நாவ் அவெஸ்,
சுளித்திம் பாஞ்சு தத்வம் செராபாடி ராஸ்தான் தெக
ஹாலிம் பரமாத்மா ஜீவன் மெனி நாவ் அவெஸ், அந்தர்
யாமி மெனி கொகஹால் நாவ் அவெஸ்னா மெனெதி
அந்தர் பா⁴கம்மு ஹ்ருதயம்மு ரீ: பிரேரபண கெரஸ்
தான் தெக ஹாலிம் அந்தர்யாமி மெனி நாவ் அவெஸ்.

ஜாகர்த்தா அவஸ்தாம் நாவ்ருப் செராபாடி தெ³க்
கனி பொட³ ரெஸ்தான் தெக ஹாலிம் விராட் புருஷன்
மெனி நாவ் அவெஸ். ஜாகர்த்தாம் தெக்கனி பொட³
ரெஸ்தான் நாவ் ரூபு சொப்னாம் கல்பிதங்கன் தெ³க்கனி
பொடரெஸ்தான் தெக ஹாலிம் இரண்ணியக³ர்ப்பன்
மெனி நாவ் அவெஸ். ஈஸ்வரன் மெனி கொகஹால்
நாவ் அவெஸ்னா மெனெதி அந்தர் பா⁴கம்மு ஹ்ருதயம்மு
ரீ: பிரேரபண கெரஸ்தான் தெக ஹாலிம் ஈஸ்வரன்
மெனி நாவ் அவெஸ். சர்வ அந்தர்யாமி மெனி கொக
ஹால் நாவ் அவெஸ்னா மெனெதி சமஸ்த ஜீவுள்ளு
சர்வ வ்யாப³கங்கன் அந்தர் பா⁴கம்மு ஹ்ருதயம்மு ரீ:
பிரேரபண கெரஸ்தான் தெக ஹாலிம் சர்வ அந்தர்யாமி
மெனி நாவ் அவெஸ்.

தெ அவித்யா அந்துலும் பிரும்மமு சாயமு பீ:பனீம்
பிரதி³ பி⁴ம்ப³ம் சொகன் பிரதி பிம்பெஸ் தெக ஹாலிம்
ஜீவுடு³ மெனி நாவ் அவெஸ். இ ஜீவுடு³கு தெ அவித்ய
கன் சேஸ்தான்கே உபா³தி மெனி காரண சேஜீ
மெனி மெனன்.

தெ அவித்ய ஜோவன் மென்னொ ராஜசம்மு சாத்
மீகம், ராஜசம்மு ராஜசம், ராஜசம்மு தாமசம் மெனி
தி²ன் கு³ண்ணு ஹோதெஸ், ராஜசம்மு சாத்மீகம்
பிரதா⁴ன்கன் ர:த தெ சமயம்மு தெமாம் பொடெ³ஸ்
தான் பி³ரும்மு சாயகன் சேஸ்திசான் பிரதிபிம்பமு
கூஸி கு³ரு சந்திதானம்மு ஜீ பி³ரும்மக்³ஞான் விசாரண
கெரி மோக்ஷி பொந்து³னெ மெனி ஹௌடன் செரா
பாடி உஜெஸ்தான் பீர்ம்ம நிஷ்டுடு³ ஹோயெஸ்.

மாய் பா³ப் மினி களெஸ்தான் காலம்மு சொக்கட்
விஷயம்மு ஜீ களன்னுனெ, கு³ரு சந்திதானம்மு ஜீ
விசாரண கெர்னெ மெனத்தெ ஹௌடன் செராபாடி.
தெ ஈஸ்புரு தெ காலம்மு தெங்க ஹ்ருதயம்மு அவி பிர
ரேபண கெரஸ், தெ காலம்மு பிண்டு த⁴ரிஞ்சி உற்பத்தி
ஹோயெஸ்தான் து:ருவி பீர்ம்ஞானுக் அதிகாரி ஹோயி
முஸஸ்.

ராஜசம்மு ராஜசம் பிரதா³ன்கன் ர:த தெ சமயம்மு
தெமாம் பொடெ³ஸ்தான் பி³ரும்மு சாயகன் சேஸ்
தான் பிரதி³ பி⁴ம்ப³முகூஸி கரும் த⁴ரும் கெரி கைலாஸ்
வைகு³ண்டு ஸ்வர்க்காதி போ⁴கம் பொந்து³னெ மெனி
ஹௌடன் செராபாடி உஜெஸ்தான் கர்ம நிஷ்டுடு³
ஹோயெஸ்.

மாய் பா³ப் மினிகளெஸ்தான் காலம்மு அநேக கரும்
த⁴ரும் கெர்னெ, அநேக யாகயக்கும் கெர்னெ, அநேக

தீர்த்தயாத்ர கொர்னெ, அநேக தா³ன் தெ⁴ரும் கொர்னெ, அநேக பி⁴யார்சார் கொர்னெ மெனத்தெ ஹொளடன் செராபாடி தெ ஈஸ்புரு தெ காலம்மு; தெங்க ஹ்ருதயம்மு பிரரேபண கெரெஸ். தெ காலம்மு பிண்டு³ த⁴ரிஞ்சி உற்பத்தி ஹொயெஸ்தான் நு:ருஸி கர்ம அனுஷ்டானமுக் அதிகாரி ஹொயி முஸஸ்.

ராக்ஷசம்மு தாமசம் பிரதான்கன் ரதொ, தெ சமயம்மு தெமாம் பொடெ³ஸ்தான் பி³ரும்மு சாயகன் சேஸ்தான் பிரதி³ பி⁴ம்ப³முகூஸி ஹொங்கு³ மெய்க்கம் செர உஜெஸ்தான் சோம்பேரி ஹொயெஸ்.

மாய் பர³ப் மிளி களெஸ்தான் காலம்மு, தெக ஹொங்கு³ எக ஹொங்கு³ ராத் தெ. தெ காலம்மு தெ ஈஸ்புரு, தெங்க ஹ்ருதயம்மு பிரரேபண கெரெஸ். தி காலம்மு பிண்டு³ த⁴ரிஞ்சி உற்பத்தி ஹொயெஸ்தான் நு:ருஸி குட்டெ³, மொண்டி³, ஊமெ, செவுடு³. பிசொ, பேடி³, இக்கூ தெக அதி³காரி ஹொயி முஸஸ்.

ரஜான்கன் சேஸ்தான் தெனு, பட்டஸ்தீரினு கு அரண்மனை சொடி³ ப⁴ராட் அவன் தே³த் தெநீ:; தெங்க செராபாடி மிளி களெஸ்தான் காலம்மு சொக்கட்டின்னு, சொக்கட்டவேள், சொக்கட் நக்ஷத்தூரு, பூர்ண செந்தா³ம், அமிர்தயோகம் தெ காலம்மு தெ ஈஸ்புரு, தெங்க ஹ்ருத³யம்மு, அவி பிரரேபண கெரெஸ். தெ காலம்மு பிண்டு³ த⁴ரிஞ்சி உற்பத்தி ஹொயெஸ்தான் நு:ருஸி ராஜாங்க³முக் பொட்டமுக் அதி³காரி ஹொயி முஸஸ், திச கோன் ரா:ன்னு மெனெதி விவேகினாஸ்ரா:ன். முடா³ன்கன் சேஸ்தான் தெனு ரா:னன்.

ஒண்டெ ஜாட் ஜட்கி தி பூல் கைலொ லகஸ்தான் காலம் மெனி ஒண்டெ நியமகம்ஸே, ஒண்டெ கொ³ரு

கா³ய், தி சூலுக் காலம் மெனி ஒண்டெ நியமகம்ஸே,
ஒண்டெ ஜாட்ஜுட்கி சொம்மர் ஒண்டெ கா³ய் கொ²ரு
சொம்மர், கேவலமுஸ்.

திச கோனெக் கள்ளத்தென மெனெதி ஒண்டெ
தா²ம் கடி, செத்தர் ப⁴ந்தி³, சுல்லொ பெ⁴ளனஸ் தயி,
திவ பொ⁴வ்ரி தொவி, தெ செத்தரும் பந்தி³ போ⁴ஜனம்
ஹொயெதீஸ், தெ செத்தருக் பிரயோஜனம் பொந்தஸ்.
திச தெ செத்தரும் பந்தி³ போ⁴ஜனம் ஹொன ஜியெத்
கோனெக் தெ செத்தர் பிரயோஜனம் பொந்த³னியி
தெக சொகன் இ மானிட ஜெலும் க²டி விசாரணகெரி
கள்ளனாஸ்தான் தெனெ, ஒண்டெ மீடுக் க²டா³ மெள்ளி
ஒர்க்கு³ல.

ரஜகுண்ணு வட முஜ்ஜெ.

தமகுண்ணும் ரீ: ஆவரணசக்திமெனி, விகேஷப
சக்தி ரொரி தீ³ சக்தி உஜேஸ். கெமாம் ஆவரணசக்தி
ஸ்புருக்கின் பிரும³க்ஞானி ஜத கொவ்த ஜீவுள்ளு
தீன் செரீர் ஜீவ சிதாபாசு³ சாஷி மெனத்திஸான்
ஒண்டெ தெக, ஒண்டெ தெக சேஸ்தான் பே⁴துன்
களானாத்தக் அவி ஜய்திரெஸ். இ தானுக் ஜய்னி பொட்
ரேஸ்தான் தெனெ யோவன்னதீஸ் தத்துவமுக
ஒண்டேக மீ மெனி மொரெ மெனி அபிமானிஞ்சி
ரியெஸ். அக்ஞான் பிருமம் நீ:மெனஸ். ஆவரணம்
ரியெத் தெக்கானாஹா மெனஸ், விகேஷபம் ரியெத் விளங்
குனஹாமெனியின் கொங்க கொங்க அவி ஜய்லிரெஸ்னா
மெனெதி தீன் செரீருகு, ஜீவுடுகு, ஜீவசிதாபாசுடுகு
ஒண்டெ தெக ஒண்டெ தெக சேஸ்தான் பே⁴துன்
களானாத்தக் அவி ஜய்திரெஸ். இ தானுக் ஜய்னி பொட்
ரேஸ்தான் ஏவன்னதீஸ் தத்துவமு ஒண்டேக மீ மெனி

மொரெ மெனி அபிமானிஞ்சி ரியெஸ். இ அபிமானு
கூஸி அஹங்கார கிரந்திமெனி சம்சார ப³ந்தம் மெனி
மெனன். இ ப³ந்தம் ப³ந்தம் நா: இ குடும்ப சம்சார்
சம்சார்நா: ஜெனன மரண து³க்கூஸ் சம்சார். மி
மெனரிய ஹகம் விருத்தி; மொரெ மெனரிய ஹித³ம்
விருத்தி; அசத்து ஆவரணம், அபான ஆவரணம்,
நாஸ்திநவாதி மெனஸ்தான் சக்தி அனி ஜய்திரெஸ்.
இ ப³ந்த⁴ம் கோனெக் ஹிட்டத்தெ மெனெதி கு³ரு
சந்நிதிதா³னம்மு ஜீ தின் செரீர் மெந்த காயோ?
ஜீவுடு³ மெந்த காயோ? சாக்ஷி சைதந்நியம் மெந்த
காயோ மெனி விசாரண கெரி தின் செரீருகு ஜீவுடு³கு
திகின்னதீஸ் தத்துவமுகு இக்கூ தெக சேஸ்தான்
பே⁴துன் களள்ளி இக்கூயோ மி நா:, மொரெ நா:
மெனி இக்கூ தெக ஜனரெஸ்தான் சாக்ஷிஸி மீ மெனி
களள்ளெஸ்தான் தெனெ ஆவரணம் ஹிட்டி, மோக்ஷி
பொந்தெஸ்தான் தெனெ ஹோயெஸ். ஏகன்னதீஸ் (29)
தத்துவமு ஒண்டேகா கெரி சியெ யோஸி ஜெனன
மரணமுகு ஹேது ஹோயி முசெஸ். ஏடு திகின்னதீஸ்
தத்துவமுகு வெகளகெரி சியெயோஸி மோக்ஷி பொந்
தத்தகு ஹேது ஹோயி முசெஸ்.

விக்ஷேப சக்தி அந்து³லும் சப்ததன்மாத்ர
செர அகாஸ் உஜெஸ். அகாஸும் ரீ: சொர்செதன்
மாத்ர செர வர உஜெஸ் வராம் ரீ: ரூபதன் மாத்ர
செராபாடி அக்கினி உஜெஸ்: அக்கினிம் ரீ: குச்சி
தன் மாத்ர செராபாடி பனி உஜெஸ்: பனிம் ரீ:
கெ³ந்ததன் மாத்ர செராபாடி மத்தி உஜெஸ்.
இ தா³னுக் உஜெஸ்தான் பஞ்ச பு⁴தாலுக் காரணகன்
சேஸ்தான் விக்ஷேபசக்தி ஜோவள் தின் கு³ண்ணு
ஹோதெஸ். தெமாம்: உஜெஸ்தான் யே பஞ்சபு⁴தால்

தின் தின் குண்ணு செராபாடி உஜெஸ். தன்மாத்ர
மெனி, அபஞ்சகிருதபூ⁴தம் மெனி, சூக்ஷ்ம பு⁴தால்
மெனி தின் கு³ண்ணு பு⁴தால் மெனி மெனன்.

தன் மாத்ர மெனி கொகொ மென்னி பொடெ³ஸ்
மெனெதி தெகொ தெகொ சொந்தம் கு³ண்ணு ஹால்
தன்மாத்ர மெனி மென்னி பொடெஸ்.

அபஞ்சகிருத பூதம்⁴ மெனி கொக மென்னி
பொடெ³ஸ் மெனெதி பஞ்சக்கரணம் கென்னி பொண்
ணுஸ்தான் தெக ஹாலிம் அபஞ்சகிருத பூ⁴தம் மெனி
மென்னி பொடெஸ்.

சூக்ஷ்ம பு⁴தால் மெனி கொகொ மென்னி
பொடெ³ஸ் மெனெதி இந்திரியம் ஹால் ஜய்:னி
பொண்ணுத் தெக ஹால் சூக்ஷ்ம பு⁴தால் மெனி
மென்னி பொடெஸ்.

தின் குண்ணு பு⁴தால் மெனி கொகொ மென்னி
பொடெஸ் மெனெதி ஒண்டெ ஒண்டெ பு⁴தால் ஜோவள்
தின் தின் குண்ணு சேஸ்தெகஹால் தின் குண்ணு
பு⁴தால் மெனி மென்னி பொடெ³ஸ்.

பஞ்சகிருத பரன் மெனி கொகஹால் நாவ்
அவெஸ்ஸு மெனெதி பாஞ்சு தொழில் சேஸ்தான் தெக
ஹாலிம் பஞ்சக்கிருத பரன் மெனி நாவ் அவெஸ்.
பாஞ்சு தொழில் மெந்த காய்னா மெனெதி சிருஷ்டி,
ஸ்திதி, சம்ஹாரம், திரோத³னம், அனுக்கிரஹம் மெனி
பாஞ்சு தொழில். சிருஷ்டி மெந்த காய்னா மெனெதி:—
ஜீவுள்ளுக் உற்பத்தி கெரரியோஸ் சிருஷ்டி.

ஸ்திதி மெந்த காய்னா மெனெதி:— ஜீவுள்ளுக்
கப³ள்ளி அவரியோஸ்ஸ்திதி. சம்ஹாரம் மெந்த காய்னா

மெனெதி:—ஜீவுள்ளு மொரரியோஸ் சம்ஹாரம். திரோ
த³னம் மெந்த காய்னா மெனதி:— பாபுக் கொத்தி³ பாபு,
புண்ணுக் கொத்தி³ புண்ணு அனுபவிஞ்சுட³ரியோஸ்
திரோத³னம்.

அனுக்கிரஹம் மெந்த காய்னா மெனெதி:— பாபுக்
கொத்தி பாபு, புண்ணுக் கொத்தி புண்ணு அனுபஞ்சடி³
கெட்டா பொல்லி அனி செர்ச்சரியோஸ் அனுக்கி³ரஹம்.

ஈஸ்புரு பே³த். ஜீவுதி³ பேத், மெந்த காய்னா
மெனெதி ஈஸ்புரு பஞ்சகிருதபரன் ஈஸ்புரு பாஞ்சு
தொழில் கெரரெஸ்தான் தெக ஹாலிமு பஞ்சகிருத
பரன் மெனி நாவ் அவெஸ்.

சர்வெக்குதி³ மெனி கொகஹால் நாவ் அவெஸ்னா
மெனெதி சமஸ்த ஜீவுள்ளு கபள்ளி அவெரஸ்தான்
தெக ஹாலிமு சர்வெக்குதி³ மெனி நாவ் அவெஸ்.

சர்வ அந்தர்யாமி மெனி கொகஹால் நாவ்
அவெஸ்னா மெனெதி சமஸ்த ஜீவுள்ளு சர்வ வ்யா
ப³கங்கன் அந்தர் பா⁴கம்மு ஹ்ருதயம்மு ரீ: பிரேபண
கெரரெஸ்தான் தெக ஹாலிமு சர்வ அந்தர்யாமி மெனி
நாவ் அவெஸ்.

சமஸ்டி மெனி கொகஹால் நாவ் அவெஸ்னா
மெனெதி சமஸ்த ஜீவுள்ளு சமபாவண சீலி அவெரஸ்
தான் தெகஹாலிம் சமஸ்டி மெனி நாவ் அவெஸ்.
ஈஸ்புரு சுதந்தி³ரம் ரியெதிமெள்ள விசாரண கெரத்
தக் செளகாஸ் ரீ: கொகஹால்னா மெனெதி தொழில்
பாஞ்செ. தெ: ஹாலி ஈஸ்புரு சுதந்தி³ரம் ரியெதி
மெள்ள விசாரண கெரி களடத்தக் செளகாஸ் ரீ:,
ஜீவுள்ளு அசுவத³ந்தி²ரம் ரியெதிமெள்ள விசாரண

கெரி களள்ளத்தக் செளகாஸ்ஸே. மி மெனரிய கிஞ்சி குடு³, மொரெ மெனரிய கிஞ்சித்வன், மொரெ குடும்ப முக்கொத்தி³ மி கப³ள்ளி அவரியோஸி கிஞ்சித்வபரன். மொரெ ஜீவுக் கொத்தி மி கபள்ளி அவரியோஸ்வியஷ்டி; தெகஹாலி ஜீவுள்ளுரு அசுவதந்திரம் ரியெதிமெள்ள விசாரண கெரத்தக் செளகாஸ்ஸே, கொகஹால்ன மெனெதி ஜாகர்த்தா அவஸ்த, சொப்ன அவஸ்த, சுளித்தி அவஸ்த மெனி தீன் அவஸ்த சேஸ்தான் தெக ஹாலிம் ஜீவுள்ளுரு அசுவதந்தி³ரம் ரியெதிமெள்ள விசாரண கெரத்தக் செளகாஸ்ஸே. பசு பக்ஷியாதி மிருக பிராணிணுகு சொப்ன அவஸ்தயின் சுளித்தி அவஸ்த தீ³ அவஸ்தோஸ்; ஈஸ்புரு தள சொகன் ஸே. ஜீவுடு கொடும்மு பனி சொகன் ஸே.

தளாம் பனி கா³ம் அஸ்காக் ஒத்தக்க³ய் கொடும்மு பனி குடு³ம்ப³முக் கொத்தி³ ஒத்தக்க³ய்.

ஈஸ்புரு சுந்து³ர் சொகன் ஸே. ஜீவுடு³ தளொ சொகன் ஸே. சுந்து³ரும் காய் பிக்கய்ன மெனெதி ரெத்தன் பிக்கய். தளாம் காய் பிக்கய்ன மெனெதி கிடொ³ பிக்கய்.

ரெத்தன் காய் கெரத்தக் ஒர்க்க³ய்ன மெனெதி அப்புரஞ்ஜிம் தொவி பதிஞ்செதி பிரகாஷுஞ்சய். கிடொ³ காய் கெரத்தக் ஒர்க்க³ய்ன மெனெதி கொன்னி கெரத்தக் ஒர்க்கு³ன. ஈஸ்புரு சுரித் சொகன் ஸே. ஜீவுடு கொ³ம்மா தி³வ சொகன் ஸே. பிரகாஷமுக் பே³த் நீ :

ஈஸ்புரு சர்வகி³த்வாதி. ஜீவுடு கிஞ்சித்தி³த்வாதி; ஜெகத் மெனஸ்தான் கொட்டாமு, ஈஸ்புரு மெனஸ்

தான் தா³ஸி, ஜீவுள்ளு மெனஸ்தான் பிள்டினு, கரும்
மெனஸ்தான் காஸ் கள்ளி, ஜெகத்து மெனஸ்தான்
கொட்டாழு, சுத்துர் மெனஸ்தான் தொ³ரி தெ³ல்லி,
பஞ்ச விஷயம். மெனஸ்தான் நட்கம், நொவ் து³வாரமு
வாட் தொங்கி³ சவடரேஸ்.

இச ரதோஸ் ஈஸ்புரு ஜோவன் பிரம்மக்ஞானி
அவெஸ். பிரம்மக்³ஞானி அவத்தக்கின் ஈஸ்புரு
தெங்க ஸீ த³க்கேஸ். காய்மெனி த³க்கேஸ்லு மெனெதி
மொக சேஸ்தான் தீர்க்க வியாதி லெட்சண் பொடா
ரோகு லெட்சண் எங்கோஸ்லு களாயி மெனி ஈஸ்புரு
பிரம்மக்³ஞானி ஸீ த³க்கேஸ்தீர்க்க வியாதி³ லெட்சண்
மெந்த காய்லு மெனெதி மொரி மொரி உஜரியோஸ்
தீர்க்க வியாதி³ லெட்சண்.

பொடா³ரோகு லெட்சண் மெந்த காய்லு
மெனெதி சம்சாரும் ரீ து³க்கு பொந்தரியோஸ் பொடா
ரோகு லெட்சண்?

தெக ஹாலி ஈஸ்புரு ஜெகத்து மெனஸ்தான்
கொட்டொ நீலத்தக் ஹொய்யாய். ஜீவுள்ளு மெனஸ்
தான் பிள்டின் நீலத்தக் ஹொய்யாய் மெனி ஈஸ்புருகு
பிரம்மக்³ஞானிக் ஸீ த³க்கேஸ்.

ஈஸ்புருகு அக்ஞானின் த³க்கஸுன். ரஜாகு
மந்திரி த³க்கஸ். மந்திரிக் செவ்கன் தக்கஸ். செவ்
கனுக் பிஸ்ஸல் த³க்கஸுன். பிஸ்ஸல் சாபுக் த³க்க
ஸுன். சாபு கெருடுக் த³க்கஸ். ஐஸ்து சிம்மமுக்
த³க்கஸ். இதானுக் ஒஜலு தா³க் ஒஜலுக் ஸே.

நட்கம் நஸுனாத்தெ முது³ லும் தி³வொ சாகுதிகன்
ஸே. நட்கம் நஸிலேத் ரதொ தி³வொ சாகுதிகன் ஸே,

நட்கம் நஸி முசெத்தெகரு தி³வொ சாகுதிகன் னே. தீன் காலம்மு தி³வொ சாகுதிகன் னே. தெக சொகன் ஜாகர்த்த அவஸ்தாழு கிரியொ கெரஸ்தான் காலம்மு அறில் சாகுதிகன் னே. சொப்பன அவஸ்தாழு அறில் சாகுதிகன் னே. சுழுத்தி அவஸ்தாழு அறில் சாகுதிகன் னே. அறில், அறில் மயங்கன் னே. அறிவுக் சொடி³ தி³வயொ நீ :

“ எக திஷ்டாந்தரு ” காய்னு மெனெதி.

இடைக்காட்டார் மெனஸ்தான் ஒள்ட்யானு தத்து வப் பிரபந்து மெனஸ்தான் சாஸ்தரு பாண்டியராஜா ரவ்ளும் ஜீ தெ சாஸ்தர் பிரசார் கெர்யாஸ். தேடு நக்கிராள் மெனஸ்தான் ஒள்ட்யானு, சங்க வித்வால்லு மெனஸ்தான் ஒள்ட்யானு ஹொத்த்யாஸ். தெனு அஸ்கி பெ⁴ளி பிரேவ் பொந்த்யாஸ் ஈசாஸ்தரு ஆத்மக் ஞான் கன் னே. ஆத்ம ரெஸ்ஸுகன்னே மெனி பிரேவ் பொந்த்யாஸ். ஈ ரஜாகு தெ சாஸ்தருக் அர்த்து பிடி பொந்தனி. தெக் ஹாலி ஈ சாஸ்தருமு சப்தரஸம், அர்த்தரஸம், அனுபவரஸம் கொன்னி நீ: மெனி அவ மான் கெர்யாஸ். பொஹுமான் தியானி. ஏ இடைக்காட்டார் மெனஸ்தான் ஒள்ட்யானு மீனாகுதி சுந்தரேஸ்வரர் ஜொவள் ஜீகினு ஏ தத்துவப் பிரபந்து மெனஸ்தான் சாஸ்தரும் சேஸ்தான் சப்த ரஸம் அம்மாக் செரெ யகன் னே. அர்த்த ரஸம் பகவானுக் செரெயகன் னே. ஏ அவமான் கெரெய துங்கோஸ் மெனெயொ, மொக நா: மென்தி பி²ரி அவஸ்தெவேளும், பகவான் சுந்த ரேஸ்வரர் பிரஸன்னு ஹொயி அவி ஹாத்தெ³ல்வி, மீ அத்தொ காய் கென்னெ சேஸ்தெ மெனி புஸ்யாஸ். துமி ஈ கோட்டெ சொடி அம்மொ துரெ பரிவாரம் செராடி ப⁴ராட் ஜேட்டுனெ சேஸ்தெ மெனி மென்யாஸ்.

தெந்துஸ்ராதியுஸி அஸ்கிதெனு கோட்டெ சொடி
 பராட் ஜேட்யாஸ். சொளோ பாரிமு பட்டரு புஜாக்
 அவ்யாஸ். அய்யொ, அம்மொ, பரிவாரம் தெக்கானி
 மெனி ஏ ரஜா அனுமதி யீ: ந்ஹாமெனி ரஜ ஜோவள்ளி
 இசனி ஸே மெனி சங்க்யாஸ். ரஜோஅவி செய்தி, அவ்ரெ
 ஒள்ட்யானுக் கலம்மு பதிஷ்ட கெரஸ்தான் லிங்கு,
 மொரெ காலம்மு தெக்கானுத்தக் ஹொய்யிரேஸ்னா
 மெனி ரொள்ளேத் ஜார்யாஸ். இச ரதொ சொளோ
 பா⁴ரிமு ஸ்நானுக் ஜீவி அவ்ரெஸ்தான் பிரஹ்மன்னு,
 ரஜோ காய் ரொள்ளேத் ஜாரியொ மெனி புஸ்யாஸ்.
 த⁴வ்ராமு அம்மொ, அய்யொ, பரிவாரம் அஸ்கி கொன்னி
 தெக்கானி மெனி சங்க்யாஸ். தெ கெட்டரு அம்மொ,
 அய்யொ, பரிவாரம் செராபாடி ஸே மெனி பிரஹ்மன்னு
 சங்க்யாஸ். தேட்ஜெய்கினு ரஜோ, பகவானுக் ஸ்தோத்ரு
 கெரி, துரெ யதாஸ்தானமுக் அவ்டுவொ மெனி
 பொவ்யாஸ். தெவருமு அசரீரி வாக்கு அவ்யெஸ்.
 “இடைக்காட்டார் மெனஸ்தான் ஒள்ட்யானு பிரசார்
 கெரெஸ்தான் தத்துவப்பிரபந்து மெனஸ்தான் சாஸ்
 தருக் அவமான் கெரெஹால் தெனு அவ்ன்ஜோவள் அவி
 சங்கெ ஹாலிமு தெனு சங்கெதானுக் அயி அவி
 ரீ:ரியோ. தெக ஹால் தெ ஒள்ட்யான் சேஸ்தாம் ஜெய்
 தெங்க பொ³ல்வி அவெதி தெனு சங்கெதானுக் அய்கத்
 தக் முஸ்ய்மெனி அசரீரி வாக்கு அவெஸ்”. தெக
 ப²ல்லொ ரஜோ, இடைக்காட்டார் மெனஸ்தான் ஒளட்
 யான் ஜோவள்ளி தெங்க சாஷ்டாங்க நமஸ்கார் கெரி,
 மீ சாஸ்தருக் அவமான் கெரெயொ மொரெ ஆங்கும்
 தப்பூஸ் மெனி மெல்லியெஸ். தெ ஒள்ட்யானு ஜீவ
 காருண்யம் செராபாடி சேஸ்தான் தெனு ஹாலி எநொ
 களானத்தக் கெரெஸ்தான் அவமானு கதமை கெல்லி
 மீனுகதி சுந்தரேஸ்வரர் சேஸ்தாம் அவி துமி துரெ

யதாஸ்தானமுகக் கொப்பிஸோன் ஜெய் செரோமெனி
சங்க்யாஸ். தெ தானுக மீனாகதி சந்தரேஸ்வரான் தெங்க
யதாஸ்தானமுகக் ஜெய் சார்யாஸ். ஏஸி ஈஸ்புரு பிரம்
மக்ஞானிகு தக்யாஸ் மெனஸ்தெக திஷ்டாந்தரு.

இச ரதோஸ் தே³வுதுல்லுகின் ராகுசுல்லுகு
ஜெட³ அவ்ஹெஸ். ராகுசுல்லுகு ஜெயம் ஹெய்யான்
ஜாஸ், தேவுதுல்லுகு அபஜெயம் ஹெய்யான் ஜாஸ்
மெனி; ஈஸ்புரு தே³வுதுல்லுகு ஜெயம் ஹெய்யான்
கெரேஸ். தேவுதுல்லுகு ஜெயம், ஜெயம் ஹெய்யான்
கின் மொரெ ஹால் ஜெயம் ஹெய்யான் தொரெ
ஹால் ஜெயம் ஹெய்யான் மெனி மெல்லசன். இந்
துரு மி தேவுதுல்லுகு அஸ்கி காம் கடரெத்தெனா³ன
மெனி மெனஸ்.

இந்து³ருகு ஹகம்பா⁴கம் கெ³ருவ் கெ³ருவாந்தி,
மமத ஒளட்ரெஸ் மெனி ஈஸ்புரு எச்சேஸ்புரு ரூப் கள்ளி
அவேஸ்.

எச்சேஸ்புரு அவ்ஹெஸ் மெனி இந்து³ரு அக்
கினி ப³கவானுக த³ட்³ஹெ³ஸ். அக்கினி ப⁴கவான்
எச்சேஸ் ஜோவன் அனி, கோன்தெனா மெனி
மெனெஸ், எச்சேஸ் து கோன்பா³ மெனி மெனெஸ்.
மி அக்கி³னி ப⁴கவான் மெனி மெனெஸ். மெகி தொரெ
சக்தி காயி மெனி புஸியாஸ், மி கா³ம் அஸ்கி ஜன்முகு
மெனி மெனெஸ். மெகி ஏலா ஒண்டெ சுக்கெ
துரும்பு³ தகரெஸி ஜாஸி மெனெஸ், தெக சக்தி அஸ்கி
தெ³க்கஹெ³தி மெள்ளி ஜளத்தக் முசனி; கோன்

மஹாத்முள்ளு அவ்ரியொயீ களானி மெந்தி ஜேடெ³ஸ்.
இந்து³ரு ஜோவள் ஜீ மொரெ ஹால் முசனி மெனி
மெந்தெஸ்.

இந்து³ரு வாயு ப⁴கவானுக் த³ட்டெ³ஸ். வாயு
பகவான் எச்சேஸ் ஜோவள் அவி கோந்தெனா மெனி
மெனெஸ், து கோன்பா³ மெனி மெனெஸ், மி வாயு
ப⁴கவான் மெனி மெனெஸ்; மெகி தொரெ சக்தி காயீ
மெனி புசெஸ். மி கா³ம் அஸ்கி ரொவ்வொ கெ⁴டி-ம்
பெரிட்டி-தைதுரு மெனி மெனெஸ்; ஏலா ஜு³ன்ன
துருப்பு³ பொட்ரெனி பெரிட்டி-தாயீ மெனி மெனெஸ்.
தெக சக்தி அஸ்கி தெக்கடெ³தி மெள்ளி பெரிட்டி-
தகத்தக்முஸனி, கோன் மஹாத்முள்ளு அவ்ரியொயீ
களானி மெனி ஜேடெ³ஸ். இந்து³ரு ஜோவள் ஜீ
மொரெஹால்முசனி மெனி மெந்தெஸ், இந்து³ரு மி
தே³வுதுல்லுக் அஸ்கி காம் கட³ரெத்தெனாயினா மீஸ்
ஜவுஸு³ மெந்தி அவ்டெ³ஸ். இந்து³ரு அவத்தக்கின்
எச்சேஸ் இ பாபினா அவ்ட்³ரெனி இ பாபி³ ஹாலினா மி
எச்சேஸ்புரு ரூப் கட³னெ பொடெ³யொ! இ பாபி³
வெது³ர் மி பொட³த்தெ காம் நீ: மெந்தி அந்தர்த்⁴யா
னம் ஹெய்யேஸ். இந்து³ரு அவி சாதத்தக்கின் கோன்
மஹாத்முள்ளு அவ்ரியொயீ மொரெ தொளா வெதுர்
மெள்ளி பொடெ³ன்னா மெனி அம்பா³ளுக் உபாசனா
கெரேஸ். அம்பாள் அவினின் து மெனிக்கி மு:டொ,
மு:டா ஜெனும் சொகன்னா ஸே, ப⁴கவான் அவ்ரியொ
மெனி களானுத்தக்கின் தெங்கஜோவளு வல்லப³முஸ்
கள்ளி தெங்க ஜோவளுஸ் தெக்கடெ³தி முனைஹா?
தே⁴ர் பஞ்சாக்ஷர மொந்தூர், எல்லேஸ் ஜெபம் கெரி
உபாசனா கெரி தெங்க பாதா³ரவிந்த³ம்மு ஜீ சேரி
மெனி அம்பாள் அந்தர் த்யானம் ஹெய்யிஸ்.

தெக சொகனி மோக்ஷி பொந்து³னெ மெனஸ்
தான் முழுக்ஷு¹டு³ ஹகம்பா⁴கம், கெருவ் கெருவாந்தி
மமத நீத்தக்கின் கோனெ கெரெதி ஈஸ்வரா ஆக்னெ,
ஈஸ்வரன் செயல், ஈஸ்வராதினம் யி கர்த்தநா:யி
அகர்த்த மெனி சாத்தேஸி மோக்ஷி பொந்தத்தகு
ஹேது ஹொயி முஸஸ்.

இ பஞ்சபு⁴தால் பாஞ்ச தெங்க ஜொவள் ஜேஸ்
தான் சாத்மீக குண்ணுகடே³ஸ். ஒண்டெ தீ³ வடகெ
ரெஸ், பாஞ்ச ஹத்து³ வட ஒண்டேக செர்ச்சி ஒண்
டேஸ் தேட் தொவெயொ கோனெயி எகோஸ் அந்தக்
கரணம், அந்தக்கரணம் மெனி மெனன். கோவ்தா³
பாஞ்ச ஹத்து³ வட வெகள வெகள கெரி பாஞ்சதேட்
தொவெயொ கோனெயி எகோஸ் ஞானேந்திரியால்,
ஞானேந்திரியால் மெனி மெனன்.

இ பஞ்ச பு⁴தால் பாஞ்ச தெங்க ஜொவள் சேஸ்
தான் ரஜ கு³ண்ணுகடே³ஸ். ஒண்டெ தீ³ வடகெரெஸ்.
பாஞ்ச ஹத்து³ வட ஒண்டேக செர்ச்சி ஒண்டேஸ் தேட்
தொவெயொ கோனெயி எகோஸ் பஞ்சப்பிராண்,
பஞ்சப்பிராண் மெனி மெனன், கோவ்தா³ பாஞ்ச
ஹத்து வட வெகள வெகள கெரி பாஞ்ச தேட்
தொவெயொ கோனெயி எகோஸ் கர்மேந்திரியால்,
கர்மேந்திரியால் மெனி மெனன்.

அந்தக்கரணம்மு அகாஸு¹ ஹம்சொ காய் ஹொ
யெஸ்னெ மெனெதி தேஜஸு¹ மெனஸ்தான் உள்ளம்
ஹொயெஸ். பராடு³மு அகாஸ்கன் சேஸ்தான்கே
கோனெக் சமஸ்தமு ராத்தக் தா²ம் தீ³ல்ரெஸ்தீ தெக
சொகன் பி³த்தரும் தேஜஸு¹ மெனஸ்தான் உள்ளம்மு
சமஸ்த ஹொடன் உஜத்தக்கின் அண்கத்தக் தா²ம்

தீ³ல்ரேஸ் தெக அதிஷ்டான தேவுதோ கூடஸ்தப்
பிரும்மம். தெக ஸ்தானம் உச்சி. உள்ளம் மெனி கொக
ஹால் நாவ் அவெஸ்னா மெனெதி சமஸ்த ஹௌடன்
உஜத்தக்கின் அண்கத்தக் தா²ம் தீ³ல் ரேஸ்தான் தெக
ஹாலிம் உள்ளம் மெனி நாவ் அவெஸ். கூடஸ்தப்
பிரும்மம் மெனி கொகஹால் நாவ் அவெஸ்னா மெனெதி
செரீர் செர செரி சேஸ்தான் தெக ஹாலிம் கூடஸ்துப்
பிரும்மம் மெனி நாவ் அவெஸ்.

அந்தக்கரணம்மு அகாஸு ஹம்சொ உள்ளமுக்
தொழில் காய்னா மெனெதி சமஸ்த ஹௌடன் உஜத்தக்
கின் அண்கத்தக் தா²ம் தீலத்தேஸ் தொழில். தெக
அதி³ஷ்டான தேவுதொ கூடஸ்துப் பிரும்மம் தே கூடஸ்
துப் பிரும்மமுக் தெரும், தெக மி சாக்ஷி.

அந்தக் கரணம்மு வராஹம்ச காய்ஹொயெஸ்னா
மெனெதி மொன்னு ஹொயெஸ். ப⁴ராடு³மு வரகன்
சேஸ்தான்கே கோனெக் ஹல்லீலேத் சேயீ தெக
சொகன் பி⁴த்தரும் மொன்னுகன் சேஸ்தான்கே
சங்கல்பு, விகல்பு கெரரேஸ் தெக அதி³ஷ்டான
தேவுதொ செ²ந்து³ரு. தெகஸ்தானம் க⁴ண்டம். மொன்னு
மெனி கொகஹால் நாவ் அவெஸ்னா மெனெதி சங்கல்பு,
விகல்பு கெரரேஸ்தான் தெக ஹாலிம் மொன்னு மெனி
நாவ் அவெஸ். செ²ந்து³ரு மெனி கொகஹால் நாவ்
அவெஸ்னா மெனெதி தெக சுபா⁴வ் சிள்ளகன் சேஸ
தான் தெக ஹாலிம் செ²ந்துரு மெனி நாவ் அவெஸ்.
அந்தக்கரணம்மு வராஹம்ச மொன்னு தொழில் காய்னா
மெனெதி சங்கல்பு, விகல்பு கெரத்தேஸ் தெக தொழில்.
தெக அதி³ஷ்டான தேவுதொ செ²ந்து³ரு. செ²ந்து³ரு
தெ³ரும், தெக மி சாக்ஷி: தெ மொன்னு கொக வட?
அந்தக்கரணம்மு வரா வட, தெ மொன்னு மி ஹொகுரீ

தெக வெகளகன் சேஸ்தான் அறிலுஸ் மீ.

அந்தக்கரணம்மு அக்கி³னி ஹம்சொகாய் ஹொ
யெஸ்னா மெனெதி பு³த்தி ஹொயெஸ். ப⁴ராடு³மு அக்
கினிகன் சேஸ்தான்கே கோனெக் பிரகாஷுஞ்ச
ரெஸ்கீ தெக சொகன் பி³த்தரும் புத்தி³கன் சேஸ்
தான்கே ஏஸ் ஏஸ் மெனி நிச்சயம் கெரரெஸ். தெக
அதி³ஷ்டான தே³வுதொ சதூர்முக பி³ர்ம்ம. தெக ஸ்தா
னம் ஹ்ருத³யம். புத்தி மெனி கொகஹால் நாவ்
அவெஸ்னா மெனெதி நிச்சயம் கெரரெஸ்தான் தெக
ஹாலிம் புத்தி³ மெனி நாவ் அவெஸ். சதூர்முக பி³ர்ம்ம
மெனி கொகஹால் நாவ் அவெஸ்னா மெனெதி சருனிதமு
யோசனகெரி நிச்சயம் கெரத்தக் ஹேதுகன் சேஸ்தான்
தெக ஹாலிம் சதூர்முக பிர்ம்ம மெனி நாவ் அவெஸ்.
அந்தக்கரணமு அக்கினி ஹம்சொ புத்தி தொழில் காய்னா
மெனெதி நிச்சயம் கெரத்தேஸ் தெக தொழில். தெக
அதி³ஷ்டான தே³வுதொ சதூர்முக பி³ரும்ம. சதூர்
முக பி³ர்ம்மா தெ³ரும் தெக மி சாக்ஷி தெ புத்தி
கொகவடொ? அந்தக்கரணமு அக்கி³னி வடொ. தெ புத்தி
மி ஹொகுயீ, தெக வெகளகன் சேஸ்தான் அறிலுஸ் மீ.
அந்தக்கரணம்மு பனி ஹம்சொகாய் ஹொயெஸ்னா
மெனெதி சித்தம் ஹொயெஸ். ப⁴ராடு³மு பனிகன்
சேஸ்தான்கே கோனெக் பொல்லம்மு ஜீ பெ⁴ட³த்தேஸ்
சுபா⁴வ்கீ தெக சொகன் பி³த்தரும் சித்தம் மெனஸ்
தான்கே ஜுன்னயொ பன்னயொ ஹௌடி து³க்குன்
பொந்தில்லி விஷயம்மு ஜீ பொடத்தேஸ் சுபா⁴வ். தெக
அதிஷ்டான தேவுதொ விஷ்ணு தெக ஸ்தானம் சித்தம்.
சித்தம் மெனி கொகஹால் நாவ் அவெஸ்னா மெனெதி
பிராண் சலனம் பொந்த³ரெஸ்தான் தெக ஹாலிம்
சித்தம் மெனி நாவ் அவெஸ். விஷ்ணு மெனி கொக
ஹால் நாவ் அவெஸ்னா மெனெதி பிராண் சலனம்

பொந்த³த்தகு ஹேதுகன் சேஸ்தான் தெக ஹாலிம் விஷ்ணு மெனி நாவ் அவெஸ்.

அந்தக்கரணமு பனி ஹம்சொ சித்தமு, தொழில் காய்னா மெனெதி பிராண் சலனம் பொந்த³த்தேஸ் தெக தொழில். தெக அதி³ஷ்டான தே³வுதொ விஷ்ணு, தெ விஷ்ணு தெ³ரும், தெக மி சாக்ஷி. தெ சித்தம் கொக வடொ? அந்தக்கரணமு பனி வடொ; தெ சித்தம் மி ஹொ குயீ தெக வெகளகன் சேஸ்தான் அறியுஸ் மீ. அந்தக் கரணம்மு மத்தி ஹம்சொ காய் ஹொயெஸ்னா மெனெதி ஹங்கார் ஹொயெஸ். ப⁴ராடுமு மத்திகன் சேஸ்தான்கே கோனெக் கெடன்கன் சேயீ தெக சொகன் பி³த்தரும் ஹங்கார் மெனஸ்தான்கே செரீர் மீ மெனி மொரெ மெனி கெடன்கன் ஸே. தெக அதி³ஷ்டான தே³வுதொ ருத்³ரு. தெக ஸ்தானம் சர்வாங்க³ம். ஹங்கார் மெனி கொக ஹால் நாவ் அவெஸ்னா மெனெதி செரீர் மி மெனி மொரெ மெனி அபிமானஞ்ச ரெஸ்தான் தெக ஹாலிம் ஹங்கார் மெனி நாவ் அவெஸ். ருத்³ரு மெனி கொக ஹால் நாவ் அவெஸ்னா மெனெதி செரீர் மி மெனி மொரெ மெனி அபி³மானஞ்சத்தகு ஹேதுகன் சேஸ்தான் தெக ஹாலிம் ருத்³ரு மெனி நாவ் அவெஸ். அந்தக் கரணம்மு மத்தி ஹம்சொ ஹங்காரு தொழில் காய்னா மெனெதி செரீர் மி மெனி மொரெ மெனி அபி³மானஞ்சத்தேஸ் தெக தொழில். தெக அதி³ஷ்டான தே³வுதொ ருத்³ரு, தெ ருத்³ரு தெ³ரும்; தெக மி சாக்ஷி தெ ஹங்கார் கொக வடொ? அந்தக்கரணமு மத்தி வடொ. தெ ஹங்கார் மி ஹொகுயீ, தெக வெகளகன் சேஸ்தான் அறியுஸ் மீ.

க்ஞானேந்திரியாலும் அகாஸ³ ஹம்சொ காய் ஹொயெஸ்னா மெனெதி சுரோத்திர இந்தி³ரியம் மெனஸ்

தான் கான் ஹொயெஸ், ப³ராடு³மு அகாஸ்கன் சேஸ்
தான் கே கோனெக் சமஸ்த செத்து³ அதா⁴ர்கன் சேயி,
தெக சொகன் பி³த்தரும் சுரோத்திர இந்தி³ரியம்
மெனஸ்தான்கான் சமஸ்த செத்து³ ஐகரெஸ். தெக
அதி³ஷ்டான தேவுதோ தெசெதி³க்கு, தெக ஸ்தானம்
சுரோத்திரம், சுரோத்திர இந்திரியம் மெனி கொக ஹால்
நாவ் அவெஸ்னா மெனெதி சமஸ்த செத்து³ ஐகரெஸ்
தான் தெக ஹாலிம் சுரோத்திர இந்தி³ரியம் மெனி நாவ்
அவெஸ். தெசதி³க்கு மெனி கொக ஹால் நாவ்
அவெஸ்னா மெனெதி சமஸ்த செத்து³ ஐகத்தகு
ஹேது³கன் சேஸ்தான் தெக ஹாலிம் தெசெதி³க்கு
மெனி நாவ் அவெஸ். க்ஞானேந்திரியாலும் அகாஸு
ஹம்சொ சுரோத்திர இந்திரியமுக் தொழில் காய்னா
மெனெதி சமஸ்த செத்து³ ஐகத்தேஸ் தெக தொழில்.
தெக அதி³ஷ்டான தே³வுதோ தெசெதி³க்கு. தெ
தெசெதிக்கு தெ³ரும் தெக மி சாக்ஷி. தெ சுரோத்திர
இந்திரியம் கொக வடொ? க்ஞானேந்திரியாலும்
அகாஸு வடொ. தெ சுரோத்திர இந்தி³ரியம் மி
ஹொகுயி, தெக வெகளகன் சேஸ்தான் அறிவூஸ் மி.

க்ஞானேந்திரியாலும் வரா ஹம்சொ காய் ஹொ
யெஸ்னா மெனெதி சொர்செ இந்தி³ரியம் ஹொயெஸ்.
ப³ராடு³மு வரகன் சேஸ்தான்கே கோனெக் சமஸ்த
ஹுன்னொ சிள்ளொ செரிரியெஸ்கீ தெக சொகன்
பி³த்தரும் சொர்செ இந்திரியம் மெனஸ்தான்கே சமஸ்த
ஹுன்னொ சிள்ளொ ஜனரெஸ். தெக அதி³ஷ்டான
தே³வுதோ வாயு பகவான். தெக ஸ்தானம் சொர்செ.
சொர்செ இந்திரியம் மெனி கொக ஹால் நாவ் அவெஸ்னா
மெனெதி ஹுன்னொ சிள்ளொ ஜனரெஸ்தான் தெக
ஹாலிம் சொர்செ இந்திரியம் மெனி நாவ் அவெஸ்.

வாயு ப⁴கவான் மெனி கொக ஹால் நாவ் அவெஸ்னா
 மெனெதி சமஸ்த ஹுன்னொ சிள்ளொ ஜனத்தகு
 ஹேது³கன் சேஸ்தான் தெக ஹாலிம் வாயு பகவான்
 மெனி நாவ் அவெஸ். க்ஞானேந்திரியாலும் வரா
 ஹம்சொ சொர்செ இந்திரியமுக் தொழில் காய்னா
 மெனெதி சமஸ்த ஹுன்னொ சிள்ளொ ஜனத்தேஸ்
 தெக தொழில். தெக அதி³ஷ்டான தே³வுதோ வாயு
 ப⁴கவான். தெ வாயு ப⁴கவானுக் தெ³ரும், தெக மி
 சாகுதி. தெ சொர்செ இந்திரியம் கொக வடொ?
 க்ஞானேந்திரியாலும் வரா வடொ. தெ சொர்செ இந்
 திரியம் மி ஹொசுயீ, தெக வெகளகன் சேஸ்தான்
 அறிவுஸ் மீ.

க்ஞானேந்திரியாலும் அக்கி³னி ஹம்சொ காய்
 ஹொயெஸ்னா மெனெதி சட்கு இந்திரியம் மெனஸ்தான்
 தொ³ளொ ஹொயெஸ். ப⁴ராடு³மு அக்கினிகன் சேஸ்
 தான்கே கோனெக் பிரகாஷுஞ்சரெஸ்கீ தெக
 சொகன் பி⁴த்தரும் சட்கு இந்திரியம் மெனஸ்தான்
 தொ³ளொ சமஸ்த ரூப் ஜனரெஸ். தெக அதி³ஷ்டான
 தே³வுதோ சூரிய பகவான். தெக ஸ்தானம் சட்கு.
 தெ சட்கு இந்திரியம் மெனி கொக ஹால் நாவ் அவெஸ்னா
 மெனெதி ரூப் ஜனரெஸ்தான் தெக ஹாலிம் சட்கு
 இந்திரியம் மெனி நாவ் அவெஸ். சூரிய ப⁴கவான்
 மெனி கொக ஹால் நாவ் அவெஸ்னா மெனெதி சமஸ்த
 ரூப் ஜனத்தகு ஹேது³கன் சேஸ்தான் தெக ஹாலிம்
 சூரிய பக⁴வான் மெனி நாவ் அவெஸ். க்ஞானேந்திரி
 யாலும் அக்கினி ஹம்சொ சட்கு இந்திரியமுக் தொழில்
 காய்னா மெனெதி சமஸ்தரூப் ஜனத்தேஸ் தெக தொழில்.
 தெக அதி³ஷ்டான தே³வுதொ சூரிய ப⁴கவான்.
 தெ சூரிய ப⁴கவானு தெ³ரும், தெக மி சாகுதி. தெ சட்கு

இந்தி³ரியம் கொக வடொ? க்ஞானேந்திரியாலும் அக்கினி வடொ. தெ சட்சு இந்திரியம் மி ஹோசுயீ, தெக வெகளகன் சேஸ்தான் அறிலுஸ் மீ.

க்ஞானேந்திரியாலும் பனி ஹம்சொ காய் ஹொ யெஸ்னா மெனெதி ஜிக் இந்தி³ரியம் மெனஸ்தான் ஜீப் ஹொயெஸ். ப⁴ராடு³மு பனிகள் சேஸ்தான்கே கோ னொக் ருச்சிகன் சேயீ தெக சொகன் பி⁴த்தரும் ஜிக் இந்தி³ரியம் மெனஸ்தான் ஜீப் சமஸ்த ருச்சி ஜனரெஸ். தெக அதி³ஷ்டான தே³வுதொ வருண ப⁴கவான். தெக ஸ்தானம் ஜிக். ஜிக் இந்தி³ரியம் மெனி கொக ஹால் நாவ் அவெஸ்னா மெனெதி ருச்சி ஜனரெஸ்தான் தெக ஹாலிம் ஜிக் இந்தி³ரியம் மெனி நாவ் அவெஸ் வருண ப⁴கவான் மெனி கொக ஹால் நாவ் அவெஸ்னா மெனெதி சோவிதமு ருச்சி ஜனத்தகு ஹேது³கன் சேஸ்தான் தெக ஹாலிம் வருண ப⁴கவான் மெனி நாவ் அவெஸ்.

க்ஞானேந்தி³ரியாலும் பனி ஹம்சொ ஜிக் இத் தி³ரியமுக் தொழில் காய்னா மெனெதி சமஸ்த ருச்சி ஜனத்தேஸ் தெக தொழில். தெக அதி³ஷ்டான தே³வுதொ வருண ப⁴கவான். தெ வருண ப⁴கவானுக் தெ³ரும் தெக மி சாக்ஷி. தெ ஜிக் இந்திரியம் கொக வடொ? க்ஞானேந்திரியாலும் பனி வடொ. தெ ஜிக் இந்தி³ரியம் மி ஹோசுயீ, தெக வெகளகன் சேஸ்தான் அறிலுஸ் மீ.

க்ஞானேந்தி³ரியாலும் மத்தி ஹம்சொ காய் ஹொயெஸ்னா மெனெதி கி³ராண இந்தி³ரியம் மெனஸ்தான் நாக் ஹொயெஸ். ப⁴ராடு³மு மத்திகன் சேஸ்தான்கே கோனொக் வஸ்ஸுனாகன் சேயீ தெக சொகன் பி⁴த்தரும் கி³ராண இந்தி³ரியம் மெனஸ்தான் நாக்

சமஸ்த வஸுனெ ஜனரெஸ். தெக அதிஷ்டான தே³வுதொ அஷ்வணி தேவுதொ. தெக ஸ்தானம் கி³ராணம். கி³ராண இந்திரியம் மெனி கொக ஹால் நாவ் அவெஸ்னெ மெனெதி வஸுனெ ஜனரெஸ்தான் தெ ஹாலிம் கி³ராண இந்திரியம் மெனி நாவ் அவெஸ். அஷ்வணி தே³வுதொ மெனி கொக ஹால் நாவ் அவெஸ்னெ மெனெதி சமஸ்த வஸுனெ ஜனத்தகு ஹேது³கன் சேஸ்தான் தெக ஹாலிம் அஷ்வணி தே³வுதொ மெனி நாவ் அவெஸ். க்ஞானேந்திரியாலும் மத்தி ஹம்சொ கி³ராண இந்திரியமு தொழில் காய்னெ மெனெதி சமஸ்த வஸுனெ ஜனத்தேஸ் தெக தொழில். தெக அதி³ஷ்டான தே³வுதொ அஷ்வணி தேவுதொ. தெ அஷ்வணி தே³வுதொ தெ³ரும், தெக மி சாக்ஷி. தெ கி⁴ராண இந்திரியம் கொக வடொ? க்ஞானேந்தி³ரியாலும் மத்தி வடொ. தெ கி⁴ராண இந்தி³ரியம் மி ஹொகுயீ, தெக வெகளகன் சேஸ்தான் அறிவுஸ் மீ.

பஞ்சப்பிராணம் அகாஸு ஹம்சொ காய் ஹொ யெஸ்னெ மெனெதி வியான வாய்வு ஹொயெஸ். ப⁴ராடு³மு அகாஸ்கன் சேஸ்தான்கே கோனெக் சமஸ்தமு பொ⁴ரி ரியெஸ்கீ தெக சொகன் பி⁴த்தரும் வியான வாய்வு மெனஸ்தான்கே செரீர் போ⁴ரும் பொ⁴ரி ரியெஸ். தெக அதி³ஷ்டான தே³வுதொ விஸ்வன். தெக ஸ்தானம் வியான். வியான வாய்வு மெனி கொக ஹால் நாவ் அவெஸ்னெ மெனெதி செரீர் போ⁴ரும் பொ⁴ரி ராத்தகு ஹேதுகன் சேஸ்தான் தெக ஹாலிம் விஸ்வன் மெனி நாவ் அவெஸ். பஞ்சப்பிராணம் அகாஸு ஹம்சொ வியான வாய்வு, தொழில் காய்னெ மெனெதி செரீர் போ⁴ரும் பொ⁴ரி ராத்தேஸ் தெக தொழில். தெக அதி³ஷ்டான தே³வுதொ விஸ்வன்.

தெ விஸ்வனு தெ³ரும் தெக மி சாக்ஷி. தெ வியான வாய்வு
கொக வடொ? பஞ்சப்பிராணும் அகாஸு வடொ.
தெ வியான வாய்வு மி ஹே குயீ, தெக வெகளகன் சேஸ்
தான் அறிவூஸ் மீ.

பஞ்சப்பிராணும் வரா ஹம்சொகாய் ஹொயெஸ்னா
மெனெதி பிராண வாய்வு ஹொயெஸ். ப⁴ராடு³மு
வரகன் சேஸ்தான்கே கோனெக் ஜிலேத் அவ்லேத்
சேயீ தெக சொகன் பி⁴த்தரும் பிராண வாய்வு மெனஸ்
தான்கே ஹ்ருத³ய ஸ்தானம்மு ரீலி நாஸி காதி பரியந்தம்
உஸ்வாசம் நிஸ்வாசம் கெல்லேத் ரீ: ரெஸ. தெக
அதி³ஷ்டான தே³வுதொ விஸ்வயோனி. தெக ஸ்தா
னம் ஹ்ருத³யம். பிராண வாய்வு மெனி கொக ஹால்
நாவ் அவெஸ்னா மெனெதி வாசி ஜிலேத் அவ்லேத்
ராஸ்தான் தெக ஹாலிம் பிராண வாய்வு மெனி நாவ்
அவெஸ். விஸ்வயோனி மெனி கொக ஹால் நாவ்
அவெஸ்னா மெனெதி பிராண வாய்வு ஹ்ருதய ஸ்தானம்மு
ரீலி நாஸிகாதி பரியந்தம் உஸ்வாசம் நிஸ்வாசம் கெரத்
தகு ஹேதுகன் சேஸ்தான் தெக ஹாலிம் விஸ்வயோனி
மெனி நாவ் அவெஸ். பஞ்சப்பிராணும் வரா ஹம்சொ
பிராண வாய்வு தொழில் காய்னா மெனெதி வாசி ஜிலேத்
அவ்லேத் ராத் தேஸ் தெக தொழில். தெக அதி³ஷ்டான
தே³வுதொ விஸ்வயோனி தெ விஸ்வயோனி தெ⁴ரும்
தெக மி சாக்ஷி. தெ பிராண வாய்வு கொக வடொ?
பஞ்சப்பிராணும் வரா வடொ. தெ பிராண வாய்வு மி
ஹொகுயீ, தெக வெகளகன் சேஸ்தான் அறிவூஸ் மீ.

பஞ்சப்பிராணும் அக்கி³னி ஹம்சொ காய் ஹொ
யெஸ்னா மெனெதி அபான வாய்வு ஹொயெஸ்.
ப⁴ராடு³மு அக்கி³னிகன் சேஸ்தான்கே கோனெக்

சமஸ்தமு ஜஸ்கெரெஸ்கி தெக சொகன் பி⁴த்தரும்
 அபான வாய்வு மெனஸ்தான்கே குத ஸ்தானம்மு ரீலி
 க²யி ஜோமெ அன்னுசாரம் அஸ்கி ஜட³ராக்கி³னி
 செராபாடி ஜீர்ணு தேரெஸ். தெக அதி³ஷ்டான
 தேவு³தொ விஸ்வகர்த்தன். தெக ஸ்தானம் கு³தம்.
 அபான வாய்வு மெனி கொக ஹால் நாவ் அவெஸ்னா
 மெனெதி க²யி ஜோமெ அன்னுசாரம் அஸ்கி ஜட³ராக்கி³னி
 செராபாடி ஜீர்ணு கெரெஸ்தான் தெக ஹாலிம்
 அபான வாய்வு மெனி நாவ் அவெஸ். விஸ்வகர்த்தன்
 மெனி கொக ஹால் நாவ் அவெஸ்னா மெனெதி கு³தஸ்
 தானம்மு ரீலி க²யி ஜோமெ அன்னுசாரம் அஸ்கி
 ஜட³ராக்கி³னி செராபாடி ஜீர்ணு கெரி செக்கெ தொ³ப்
 பத்தகு ஹேதுகன் சேஸ்தான் தெக ஹாலிம் விஸ்வ
 கர்த்தன் மெனி நாவ் அவெஸ். பஞ்சப்பிராணும்
 அக்கி³னி ஹம்சொ அபான வாய்வு தொழில் காய்னா
 மெனெதி க²யி ஜோமெ அன்னுசாரம் அஸ்கி ஜீர்ணு
 கெரத்தேஸ் தெக தொழில். தெக அதி³ஷ்டான
 தே³வுதொ விஸ்வகர்த்தன். தெ விஸ்வகர்த்தனு தெ⁴ரும்
 தெக மி சாக்ஷி. தெ அபான வாய்வு கொக வடொ?
 பஞ்சப்பிராணும் அக்³கி³னி வடொ. தெ அபான வாய்வு
 மி ஹொகுயீ, தெக வெகளகன் சேஸ்தான் அறிவூஸ் மீ.

பஞ்சப்பிராணும் பனி ஹம்சொ காய் ஹொ
 யெஸ்னா மெனெதி சமான வாய்வு ஹொயெஸ். ப⁴ராடு³மு
 பனிகன் சேஸ்தான்கே மிட்ட மெனி நீத்தக் பொஸ்ஸம்
 மெனி நீத்தக் கோனெக் சமரஷங்கன் ஜாரெஸ்கி தெக
 சொகன் பி⁴த்தரும் சமான வாய்வு மெனஸ்தான்கே
 நாபி³ ஸ்தானம்மு ரீலி க²யி ஜோமெ அன்னுசாரம்
 அஸ்கி உன்னெ உபிர் நீத்தக் சகல நாடி³ நெராஸுகு
 ஜோகி வடொ கெரி தேரெஸ். (72000) ஏழுபத்தி இரண்

டாயிரம் நெரமுனுகு ஜோகி வடகெரி தேரெஸ். தெக அதிஷ்டான தே³வுதொ பி³ரும்ம. தெக ஸ்தானம் நாபி. (4448) நாலாயிரத்து நானூற்றி நாற்பத்தெட்டு நெரம் வியாதி நெரம் ஸே. சமான வாய்வு மெனி கொக ஹால் நாவ் அவெஸ்னா மெனெதி சமரஷங்கன் வடகெரி தே³ரெஸ்தான் தெக ஹாலிம் சமான வாய்வு மெனி நாவ் அவெஸ். பி³ரும்ம மெனி கொக ஹால் நாவ் அவெஸ்னா மெனெதி நாபி³ ஸ்தானம்மு ரீலி கயி ஜோமெ அன்னுசாரம் அஸ்கி உன்னெ உபிர் நீத்தக் சகல நாடி நெராலுகு (72000) எழுபத்தி இரண்டாயிரம் நெரமுனுகு ஜோயி வடகெரி தேத்தகு ஹேது³கன் சேஸ்தான் தெக ஹாலிம் பி³ரும்ம மெனி நாவ் அவெஸ். பஞ்சப்பிராணும் பனி ஹம்சொ சமான வாய்வு தொழில் காய்னா மெனெதி சமரஷங்கன் வடகெரி தே³த்தேஸ் தெக தொழில். தெக அதிஷ்டான தே³வுதொ பி³ரும்ம. தெ பி³ரும்ம தெரும் தெக மி சாக்கி. தெ சமான வாய்வு கொக வடொ? பஞ்சப் பிராணும் பனி வடொ. தெ சமான வாய்வு மி ஹொகுயீ, தெக வெகளகன் சேஸ்தான் அறிவூஸ் மீ.

பஞ்சப்பிராணும் மத்தி ஹம்சொ காய் ஹொ யெஸ்னா மெனெதி உதா³ன வாய்வு ஹொயெஸ். ப⁴ராடு³மு மத்திகன் சேஸ்தான்கே கோனெக் கெடின்கன் சேரீ தெக சொகன் பி⁴த்தரும் உதா³ன வாய்வு மெனஸ்தான்கே க²ண்ட ஸ்தானம்மு ரீலி கயி ஜோமெ அன்னுசாரம் அஸ்கி ஒண்டெ க⁴டினி க⁴டி சொட³ரெஸ். தெக அதி³ஷ்டான தேவு³தொ தச்சன். தெக ஸ்தானம் க²ண்டம். உதான வாய்வு மெனி கொக ஹால் நாவ் அவெஸ்னா மெனெதி கயி ஜோமெ அன்னுசாரம் அஸ்கி ஒண்டெ க⁴டினி க⁴டி சொட³ரெஸ்தான் தெக ஹாலிம்

உதா³ன வாய்வு மெனி நாவ் அவெஸ். தச்சன் மெனி கொக ஹால் நாவ் அவெஸ்னா மெனெதி ஒண்டெ க⁴டினி க⁴டி சொட³த்தகு ஹேது³கன் சேஸ்தான் தெக ஹாலிம் தச்சன் மெனி நாவ் அவெஸ். பஞ்சப்பிராணும் மத்தி ஹம்சொ உதான வாய்வு தொழில் காய்னா மெனெதி கயி ஜொமெ அன்னுசாரம் அஸ்கி ஒண்டெ க⁴டினி க⁴டி சொட³த்தேஸ் தெக தொழில். தெக அதி³ஷ்டான தே³வுதொ தச்சன். தெ தச்சனு தெ⁴ரும், தெக மி சாக்ஷி. தெ உ³தான வாய்வு கொக வடொ? பஞ்சப்பிராணும் மத்தி வடொ. தெ உதான வாய்வு மி ஹொகுயீ, தெக வெகளகன் சேஸ்தான் அறியுஸ் மீ.

கர்மேந்திரியாலும் அகாஸு ஹம்சொ காய் ஹொயெஸ்னா மெனெதி வாக்கு இந்தி³ரியம் ஹொயி தோ³ணும் வத்த கெரத்தேஸ் சுபா⁴வ். தெக அதி³ஷ்டான தே³வுதொ அக்கி³னி ப⁴கவான். தெக ஸ்தானம் வாக்கு. வாக்கு இந்தி³ரியம் மெனி கொக ஹால் நாவ் அவெஸ்னா மெனெதி வத்த கெரஸ்தான் தெக ஹாலிம் வாக்கு இந்தி³ரியம் மெனி நாவ் அவெஸ். அக்கி³னி ப⁴கவான் மெனி கொக ஹால் நாவ் அவெஸ்னா மெனெதி வத்த கெரத்தகு ஹேதுகன் சேஸ்தான் தெக ஹாலிம் அக்கி³னி ப⁴கவான் மெனி நாவ் அவெஸ். கர்மேந்திரியாலும் அகாஸு ஹம்சொ வாக்கு இந்தி³ரியம் தொழில் காய்னா மெனெதி வத்த கெரத்தேஸ் தெக தொழில். தெக அதி³ஷ்டான தே³வுதொ அக்கி³னி ப⁴கவான். தெ அக்கி³னி ப⁴கவானு தெ⁴ரும் தெக மி சாக்ஷி. தெ வாக்கு இந்தி³ரியம் கொக வடொ? கர்மேந்திரியாலும் அகாஸு வடொ. தெ வாக்கு இந்தி³ரியம் மி ஹொகுயீ, தெக வெகளகன் சேஸ்தான் அறியுஸ் மீ.

கர்மேந்திரியாலும் வரா ஹம்சொ காய் ஹொ
யெஸ்னா மெனெதி பாணி இந்திரியம் ஹொயி ஹாத்
தீ³ கட³த்தேஸ் சுபா⁴வ். தெக அதி³ஷ்டான தே³வுதொ
இந்திரன். தெக ஸ்தானம் பாணி. பாணி இந்திரியம்
மெனி கொக ஹால் நாவ் அவெஸ்னா மெனெதி ஹாத்
தீ³ கட³ரேஸ்தான் தெக ஹாலிம் பாணி இந்திரியம்
மெனி நாவ் அவெஸ். இந்திரன் மெனி கொக ஹால்
நாவ் அவெஸ்னா மெனெதி ஹாத் தீ³ க³டத்தகு
ஹேதுகன் சேஸ்தான் தெக ஹாலிம் இந்திரன் மெனி
நாவ் அவெஸ். கர்மேந்திரியாலும் வரா ஹம்சொ
பாணி இந்திரியமு தொழில் காய்னா மெனெதி ஹாத்
தீ³ கட³த்தேஸ் தெக தொழில். தெக அதி³ஷ்டான
தே³வுதொ இந்திரன். தெ இந்திரனு தெ⁴ரும் தெக
யி சாக்ஷி. தெ பாண் இந்திரியம் கொக வடொ? கர்மேந்
திரியாலும் வரா வடொ. தெ பாணி இந்திரியம் யி
ஹொகுயி, தெக வெகளகன் சேஸ்தான் அறிவுஸ் மீ.

கர்மேந்திரியாலும் அக்கி³னி ஹம்சொ காய்
ஹொயெஸ்னா மெனெதி பாத்³ இந்திரியம் ஹொயி
பாய்சலி தே³த்தேஸ் தெக சுபாவ். தெக அதி³ஷ்டான
தே³வுதொ உபேந்திரன். தெக ஸ்தானம் பாத்³ம்.
பாத்³ இந்திரியம் மெனி கொக ஹால் நாவ் அவெஸ்னா
மெனெதி பாய்சலி தே³ரேஸ்தான் தெக ஹாலிம்
பாத்³ இந்திரியம் மெனி நாவ் அவெஸ். உபேந்திரன்
மெனி கொக ஹால் நாவ் அவெஸ்னா மெனெதி பாய்சலி
தே³த்தகு ஹேது³கன் சேஸ்தான் தெக ஹாலிம்
உபேந்திரன் மெனி நாவ் அவெஸ். கர்மேந்திரியா
லும் அக்கி³னி ஹம்சொ பாத்³ இந்திரியமு தொழில்
காய்னா மெனெதி பாய்சலி தே³த்தேஸ் தெக தொழில்.
தெக அதி³ஷ்டான தே³வுதொ உபேந்திரன். தெ

உபே³ந்தி³ரனு தெ⁴ரும் தெக மி சாகுதி. தெ பாத³ இந்
தி³ரியம் கொகவடொ? கர்மேந்தி³ரியாலும் அக்கி³னி
வடொ. தெ பாத³ இந்தி³ரியம் மி ஹொகுயீ, தெக
வெகளகன் சேஸ்தான் அறிவூஸ் மீ.

கர்மேந்தி³ரியாலும் பணி ஹம்சொ காய் ஹொ
யெஸ்னா மெனெதி கு³த இந்திரியம் ஹொயி மல மூத்
திராதி விஸர்ஜ்ஜனா கெரத்தேஸ் தெக சுபா⁴வ் தெக
அதி³ஷ்டான தே³வுதொ மிருத்யு. தெக ஸ்தானம்
கு³தம். கு³த இந்தி³ரியம் மெனி கொக ஹால் நாவ்
அவெஸ்னா மெனெதி மல மூத்திராதி விஸர்ஜ்ஜனா
கெரரேஸ்தான் தெக ஹாலிம் கு³த³ இந்தி³ரியம் மெனி
நாவ் அவெஸ். மிருத்யு மெனி கொக ஹால் நாவ்
அவெஸ்னா மெனெதி மல மூத்திராதி விஸர்ஜ்ஜனா
கெரத்தகு ஹேது³சன் சேஸ்தான் தெக ஹாலிம்
மிருத்யு மெனி நாவ் அவெஸ். கர்மேந்தி³ரியாலும் பணி
ஹம்சொ கு³த³ இந்திரியமு தொழில் காய்னா மெனெதி
மல மூத்திராதி விஸர்ஜ்ஜனா கெரத்தேஸ் தெக தொழில்.
தெக அதி³ஷ்டான தே³வுதொ மிருத்யு. தெ மிருத்யு
தெ⁴ரும் தெக மி சாகுதி. தெ கு³த இந்தி³ரியம்
கொக வடொ? கர்மேந்தி³ரியாலும் பணி வடொ. தெ கு³த
இந்தி³ரியம் மி ஹொகுயீ, தெக வெகளகன் சேஸ்தான்
அறிவூஸ் மீ.

கர்மேந்தி³ரியாலும் மத்தி ஹம்சொ காய் ஹொ
யெஸ்னா மெனெதி குய்ய இந்திரியம் ஹொயி சுக்கில
விஸர்ஜ்ஜனா கெரத்தேஸ் தெக சுபா⁴வ். தெக அதி³ஷ்
டான தே³வுதொ பிரஜாபதி தே³வுதொ. தெக ஸ்தா
னம் குய்யம். குய்ய இந்தி³ரியம் மெனி கொக ஹால்
நாவ் அவெஸ்னா மெனெதி சுக்கில விஸர்ஜ்ஜனா கெர
ரேஸ்தான் தெக ஹாலிம் குய்ய இந்தி³ரியம் மெனி நாவ்

அவெஸ். பிரஜாபதி தே³வுதொ மெனி கொக ஹால் நாவ் அவெஸ்னா மெனெதி சுக்கில விஸர்ஜ்ஜனா கெரத் தகு ஹேது³கன் சேஸ்தான் தெக ஹாலிம் பிரஜாபதி தே³வுதொ மெனி நாவ் அவெஸ். கர்மேந்தி³ரியாலும் மத்தி ஹம்சொ சூய்ய இந்தி³ரியமு தொழில் காய்னா மெனெதி சுக்கில விஸர்ஜ்ஜனா கெரத்தேஸ் தெக தொழில். தெக அதி³ஷ்டான தே³வுதொ பிரஜாபதி தே³வுதொ. தெ பிரஜாபதி தேவுதா தெ⁴ரும் தெக மி சாஹி. தெ சூய்ய இந்தி³ரியம் கொக வடொ? கர்மேந்திரியாலும் மத்தி வடொ. தெ சூய்ய இந்தி³ரியம் மி ஹோசூயி, தெக வெகளகன் சேஸ்தான் அறிவூஸ் மீ.

இதா⁴னுக் அந்தக்கரணம் பாஞ்சு, க்ஞானேந்திரியால் பாஞ்சு, பஞ்சப்பிராண் பாஞ்சு, கர்மேந்திரியால் பாஞ்சு. இ வீஸ் தத்துவமுகூஸீ சூக்ஷ்ம செரீர் மெனி லிங்க³ செரீர் மெனி மெனன்.

சாத்மீக சமஷ்டி அந்தக்கரணம் ஹொயெஸ், சாத்மீக வியஷ்டி க்ஞானேந்திரியால் ஹொயெஸ், ராஜஸ சமஷ்டி பஞ்சப்பிராண் ஹொயெஸ், ராஜஸ வியஷ்டி கர்மேந்திரியால் ஹொயெஸ்.

சாத்மீக சமஷ்டி மெனி கொக ஹால் நாவ் அவெஸ்னா மெனெதி அந்தர் பா⁴கம்மு ஒண்டெகன் ஜய்னி பொட்ரெஸ்தான் தெக ஹாலிம் சாத்மீக சமஷ்டி மெனி நாவ் அவெஸ்; சாத்மீக வியஷ்டி. மெனி கொக ஹால் நாவ் அவெஸ்னா மெனெதி பகி⁴ர் முகம்மு வெகள வெகளகன் தெ³க்கனி பொட்³ரெஸ்தான் தெக ஹாலிம் சாத்மீக வியஷ்டி மெனி நாவ் அவெஸ்.

ராஜஸ சமஷ்டி மெனி கொக ஹால் நாவ் அவெஸ்னா மெனெதி அந்தர் பா⁴கம்மு ஒண்டெகன்

ஐய்னி பொட்ரெஸ்தான் தெக ஹாலிம் ராஜஸ சமஷ்டி-
மெனி நாவ் அவெஸ். ராஜஸ வியஷ்டி மெனி கொக
ஹால் நாவ் அவெஸ்னா மெனெதி பகிர் முகம்மு வெகள
வெகளகன் தெ³க³னி பொட்³ரெஸ்தான் தெக ஹாலிம்
ராஜஸ வியஷ்டி மெனி நாவ் அவெஸ்.

“ எக திருஷ்டாந்துரு ”

ஒண்டெ மொது³ரளி குட்³ம் தைவி கொல்லம்
பொட்டெட் சத்தொ கெரரெஸ். தேட் குட்³ம் சொகன்
ஏட் செரீர். தேட் மொதுரளி சொகன் ஏட் கூடஸ்தப்
பிரு³ம்மம். தேட் சொம்புளயிதுன் சொகன் ஏட்
அதி³ஷ்டான தே³வுதான். தேட் ஐய்து³ சொகன்
ஏட் இந்திரியால். தேட் துர்த்தி சொகன் ஏட் வாஸி,
தேட் துர்த்திப் பிரகாஸம் கள்ளி கோனோக்
லம்ப³கெரத்தெ லம்ப³கெரரேஸ், குட்கொ கெரத்தெ
குட்கொ கெரரேஸ், மொண்சத்தெ மொண்சரெஸ்கீ தெக
சொகன் ஏட் கோன் இந்திரியால் காய் கெர்ணயீ,
கோட் ஜனயீ, கோட் அவ்னயீ, லம்ப³ கெர்ணயீ,
அக்குர கெர்ணயீ, மொண்சல்லுனயீ இக்கூய வாசிப்
பிரகாஸம் கள்ளி இக்கூய கெரரேஸ்.

இ மாயா பிரதி³பி⁴ம்பெ³ஸ்தான் ஈஸ்புரு தெ
அவித்யா பிரதி³பி⁴ம்பெ³ஸ்தான் ஜீவு³ ஒண்டெ
ஒண்டெ ஜீவுள்ளுரு ஒண்டெ ஒண்டெ சூக்தம செரீர்
சிருஷ்டி கெரி தி³யேஸ். கள்ளெஸ்தான் ஜீவுள்ளு
ஜுதொ கொவ்தா ஜீவுள்ளு மொக ஒண்டெ சூக்தம
செரீர், மொக ஒண்டெ சூக்தம செரீர் தே³ மெனி
மயெஸ். சிருஷ்டி கெரெ சூக்தம செரீர் செஜ்ஜெ.
அங்குன்³ ஒண்டெ சூக்தம செரீர் சிருஷ்டி ஹோந்த³கு
மெனி மெந்தேஸ்.

ஈஸ்புரு ஜோவள் துரெ பாதா³ரவிந்தம்மு அவி செருஸ்மெனி குக்ஷமசெரீர் மயி³ள்ளி அவி மாயா ஜெகத்தூர் அவி ஜீவுள்ளு ஹௌடன் விசுரள்ளிடரேஸ். கோனெக் ஹௌடன் விசுரள்ளிரேஸ்னா மெனெதி ஒண்டெ ஸ்திரீகு புருஷ வேத³ன அவி சிள்ளொ அவ்ரேஸ் மெனி புருஷ³கு கெஸ்தூர் அனத்தக் தட்டே³ஸ்; தெனெ ஜாத்தெ வாடும் நட்கம் சிலேத்ரீ ஸ்திரி ஹோர் விசுரையொ. தெக சொகன் ஈஸ்புரு ஜோவள் துரெ பாதா³ரவிந்த³ம்மு அவி செருஸ் மெனி ஈஸ்புரு ஹோர் விசுரள்ளி இ மாயா ஜெகத்தூர் அவி ஜீவுள்ளு தீ²ன் தப்பு கெரரேஸ். தீ²ன் தப்பும் முதுல்லா தப்பு காய்னா மெனெதி:—தே³கம் மீ ஜெகத் சத்தியம் விஷயம் ஆனந்த³ம் தெ அனுப⁴வுஞ்சரியோஸ் மோக்ஷி தெ தே³காத்மா புத்தி³ மி மெனி சாஸ்தேஸி முது³ல்ல தப்பு. தி³வ தப்பு காய்னா மெனெதி கோனெ கெரெதி மி கெரரியொ, மி கட³ரியொ மெனி ஜீவுடு கர்த்தவ்யம் கள்ளி அவரியோஸ் தி³வ தப்பு. தி²ன்வ தப்பு காய்னா மெனெதி பி³ரும்மம் மீகன் ரதொ அங்குன் ஒண்டெ ஈஸ்புரு ஸே மெனி சாரியோஸ் தி²ன்வ தப்பு.

முதுல்ல தப்புகு தெண்ட³னெ காய்னா மெனெதி மொரி மொரி உஜரியோஸ் முதுல்ல தப்புகு தெண்ட³னெ.

தி³வ தப்புகு தெண்ட³னெ காய்னா மெனெதி ஒண்டெ தெனெ சொக்கட் பியார்சார் கெரராஸ். செடக்கெரி முட்ஜாஸ. அவ்னெ சேத்தெ பொக்கட் அவனி. தெனெ சேத்தெ பொக்கட் அநேக தெண்ட³னா கண்ட³னா கெரசன். தெண்ட³னா கண்ட³னா மெந்த காய்னா மெனெதி வாரண்டு³ தெரசன், ஜப்தி கெரசன், ஜெயிலும் பொ³வ்ஜி தொ²வசன், தெவனுகு தெங்க ள ஜீவ் தொவ்லி ரனஹா மெனி லகஸ். இ அநித்ய

வாழ்வுகூஸ் இக்க தெண்ட³ன கண்ட³ன ரியெஸ்ன
மெனெதி நித்ய வாழ்வு சேஸ்தான் ஈஸ்புரு ஜோவன்
துரெ பாதா³ரனந்த³ம்மு அனி செருஸ் மெனி ஹெளடன்
விசுரள்ளேத் தெங்க காய் தெண்ட³னெ மெனெதி
சார்கன் அளி லெக்கு ஜெலும் க²டி சுடே³ஸி கா³யி
ஜெலும் க²ட்டி³ அகண்ட பொட்டலும் தகி பி³ஸு
மெனெத் நீட நீ: க²வு மெனெத் சொர நீ: பெவு
மெனெத் பனி நீ: தெவனாழு தெங்க தெ ஈஸ்புரு
ஜோரும் ஹெளடன் அவஸ். சுவாமி துரெ பாதா³ர
னந்த³ம்மு அனி செருஸ் ஜென்ம நிவர்த்தி கெரொ
மெனி மெனெஸ்.

எக திருவ்டாந்தரு பாராடும் காய் சீலுவாய்ன
மெனெதி மொள்டா பொ³ண்டி³ ஜாராஸ். கா³யிகு
கெ³ளர் கெ³ட்டராஸ். ரெகத் லுச்சாராஸ். பூ⁴க்
கெரராஸ். சோக் கெரராஸ். சீணுகு தோணும் நுறுக்
கெ³ளராஸ். தெவனாழு கா³ய் உட்சணி மெனி தாருக்
குச்சி தயி குஸ்கசன். தெவனாழு மொள்ட ஹொல்ஸ
மொள்ட தகராசன். தெவனாழு தெ காயிகு தெ ஈஸ்புரு
ஜோரும் ஹெளடன் அவிகின் சுவாமி துரெ பாதா³ர
னந்த³ம்மு அனி செருஸ் ஜென்ம நிவர்த்தி கெரொ மெனி
மெனெஸ். ஏளி திவ தப்புக் தெண்டனெ.

தி²ன்வ தப்பு தெண்ட³னெ காய்ன மெனெதி
மாயிக் கெ³ர்ப்பும் தெஸ்ஸு மடொ³ கடும் காவல்
தொவரியோஸ் தின்வ தப்பு தண்டனெ.

இஸகன் சங்க³ரெத்திசான் குருவுனுக் செய்கின்
சிஷ்யன் சேஸ்திசான் தெனு:— சுவாமி தின் தப்பு
தெ³ண்டன சங்கிதியான தின் தப்பு தெண்ட³னெகு
நிவர்த்தி நீ ஹா பெனி புசேஸ். குருவுனு சேபா மெனி
யின் சங்கன் ஜாசன்.

முதுல்லா தப்பு தெண்ட³னா நிவர்த்தி காய்னா
மெனெதி, தேகம் மீநா: ஜெகத் சத்தியம் நா: விஷயம்
ஆனந்தம் நா: தெ அனுப³வுஞ்சரியோ மோக்ஷி நா:
தெ தே³காத்மா புத்தி³மீநா: மெனி சாஸ்தேஸி முதுல்லா
தப்பு தெண்ட³னா நிவர்த்தி.

தி³வ தப்பு தெண்ட³னா நிவர்த்தி காய்னா மெனெதி
கோனோ கெரெதி ஈஸ்வரா ஆக்ஷை, ஈஸ்வர செயல்,
ஈஸ்வராதி³னம், மீ கர்த்தநா: மீ அகர்த்த மெனி சாஸ்
தேஸி தி³வ தப்பு தெண்ட³னா நிவர்த்தி.

தி²ன்வ தப்பு தெண்ட³னா நிவர்த்தி காய்னா
மெனெதி பி³ரும்மம் மீஸ் மெனி சாஸ்தேஸி தின்³வ
தப்பு தெண்ட³னா நிவர்த்தி.

தெ கு³ரு சந்நிதானம்மு ஜீ கு³ருவுனுக் சேவை
சிஸ்ருஷ்ய கெரி, கு³ருவுனுக் பணிவிடை³ கெரி,
கு³ருவுனு தொண்டு ஊழியம் கெரி, கு³ரு வாக்கியம்
நொம்பி, ஸ்வரணம் ஐய்கி, மனனம் கெரி, நிதித்யா
சனம்மு ரீ: சமாதி³ பொள்கி³ சாக்ஷாத்காரம் பொந்
தே³ஸ்தான் தெனு ஹொயாஸ் மெனா தெ சிஷ்யகன்
சேஸ்தான் தெனு.

பஞ்சபு⁴தால் பாஞ்சு தெங்க ஜொவள் சேஸ்தான்
தமோ கு³ண்ணு க²டே³ஸ். ஒண்டே தீ³ வட கெரேஸ்.
ஹத்து³ வட தெங்க சொந்தம்மு தொ²வ்விடேஸ்.
கொவ்தா ஹத்து³ வட சார்வட கெரி சார் பூ⁴தமுனுரு
சார் அர்க்கெல் வட தி³யேஸ். தியெ தானுக் கள்ளி
டே³ஸ். பாஞ்சு வட செர்க்க ஹொய்யேஸ். எகோஸ்
பஞ்சிகரணம் பஞ்சிகரணம் மெனி மெனன். அசாஸ்
ஜொவள் இக்க கு³ண்ணு அண்கி³ரெஸ்னா மெனெதி
சார் குண்ணு அண்கி³ரெஸ். வராக்கு³ண்ணு மெனஸ்

தான் சொர்செ ஒண்டெ, அக்கி³னிக் கு³ண்ணு
மெனஸ்தான் ரூப் ஒண்டெ, பனிக் கு³ண்ணு மெனஸ்
தான் ருச்சி ஒண்டெ, மத்திக் கு³ண்ணு மெனஸ்
தான் வசுலெ ஒண்டெ. ஈசாரெ அகாஸ் ஜோவள்
அண்கிரேஸ். தெக காரண கு³ண்ணுகன் சேஸ்தான்கே
அகாஸ் ஜோவளு செத்து³ ஒண்டேஸ் தெ³க்கனி
பொட³ரெஸ்.

வர ஜோவள் இக்க கு³ண்ணு அண்கி³ரெஸ்ன
மெனெதி அக்கி³னிக் குண்ணு மெனஸ்தான் ரூப்
ஒண்டெ, பனிக் கு³ண்ணு மெனஸ்தான் ருச்சி ஒண்டெ,
மத்திக் கு³ண்ணு மெனஸ்தான் வசுலெ ஒண்டெ தீ²ன்
கு³ண்ணு வரொ ஜோவள் அண்கிரேஸ். தெக காரண
கு³ண்ணுகன் சேஸ்திசான்கே அகாஸ் ஜோவளு
செத்து ஒண்டெ, தெக சொந்தம் கு³ண்ணுகன் சேஸ்தி
சான்கே வராக்கு³ண்ணு மெனஸ்தான் சொர்செ
ஒண்டெ ஆக தீ³ கு³ண்ணு தெக்கனி பொட³ரெஸ்.
அக்கி³னி ஜோவள் இக்க கு³ண்ணு அண்கிரேஸ்ன
மெனெதி பனிக் கு³ண்ணு மெனஸ்தான் ருச்சி ஒண்டெ,
மத்திக் குண்ணு மெனஸ்தான் வசுலெ ஒண்டெ,
தீ³ கு³ண்ணு அக்கி³னி ஜோவள் அண்கிரேஸ். தெக
காரண கு³ண்ணுகன் சேஸ்திசான்கே அகாஸ் ஜோவளு
செத்து³ ஒண்டெ, வர ஜோவளு சொர்செ ஒண்டெ,
தெக சொந்தம் கு³ண்ணுகன் சேஸ்திசான்கே அக்
கி³னிக் கு³ண்ணு மெனஸ்தான் ரூப் ஒண்டெ ஆக தீ²ன்
கு³ண்ணு தெ³க்கனி பொட³ரெஸ்.

பனி ஜோவள் இக்க கு³ண்ணு அண்கி³ரெஸ்ன
மெனெதி மத்திக் கு³ண்ணு மெனஸ்தான் வசுலெ
ஒண்டெ அண்கி³ரெஸ். தெக காரண கு³ண்ணுகன்
சேஸ்திசான்கே அகாஸ் ஜோவளு செத்து³ ஒண்டெ,

வர ஜோவளு சொர்செ ஒண்டெ, அக்கி³னி ஜோவளு ரூப் ஒண்டெ தெக சொந்தம் கு³ண்ணுகன் சேஸ்தான்கே பணிக்கு³ண்ணு மெனஸ்தான் ருச்சி ஒண்டெ ஆக சார் கு³ண்ணு தெ³க்கனி பொட³ரெஸ்.

மத்தி ஜோவள் இக்க கு³ண்ணு தெ³க்காரெஸ்னா மெனெதி தெக காரண கு³ண்ணுகன் சேஸ்தான்கே அகாஸ் ஜோவளு செத்து³ ஒண்டெ, வர ஜோவளு சொர்செ ஒண்டெ, அக்கி³னி ஜோவளு ரூப் ஒண்டெ, பனி ஜோவளு ருச்சி ஒண்டெ, தெக சொந்தம் கு³ண்ணுகன் சேஸ்தான்கே மத்திக்கு³ண்ணு மெனஸ்தான் வசனெ ஒண்டெ ஆக பாஞ்ச கு³ண்ணு தெக்கனி பொட³ரெஸ்.

இ பாஞ்ச கு³ண்ணு கொங்க ஜோவள் தெக்காரெஸ்னா மெனெதி மத்தி ஜோவள் ரீ: தெக்கனி பொட³ரெஸ். இ பஞ்சபுதா⁴ல் பஞ்சீகரணம் கெர்னி பொட்ரெஸ்தான் ஸ்தூல பு⁴தாலுமு, சோதத்வம் செரா பாடி சார் வகா ஜெலும் மெனி தீ²ன் வகா செரீர் மெனி சமஸ்தமு தூல செரீர் சொகன் தெக்கனி பொட³ரெஸ்.

சோ தத்வம் மெந்த காய்னா மெனெதி கெட்சன், ரெகத், மாம்சு; ஹட்கொ, நெரமு, மந்தொ எகோஸ் சோ தத்வம் மெனி மெனன். சார் வகா ஜெலும் மெந்த காய்னா மெனெதி மெனிகு ஜெலுமு, மிருகஜாதி ஜெலும், கா³ய் கொ³ரு ஆதி³கன் சேஸ்தான்கே கொ²ள்டும் ப⁴ந்தி³னி பொடி³ உஜெஸ். சமஸ்த பக்தி ஆதி³கன் சேஸ்தான்கே அண்டா³ம் ப⁴ந்தி³னி பொடி³ உஜெஸ். சமஸ்த தெய்னெ, பிசுளொ ஜும் ஆதி³கன் சேஸ்தான்கே செகாம் ப⁴ந்தி³னி பொடி³ உஜெஸ். சமஸ்த ஜாட், ஜட்கி கிருமி கிட³ ஆதி³கன் சேஸ்தான்கே மத்திம்

ப⁴ந்தி³னி பொடி உஜெஸ். எகோஸ் சார் வகா ஜெலும்
மெனி மெனன்.

தீ²ன் வகா செரீர் மெந்த காய்னா மெனெதி
இகலோக பு³த்தி³, பரலோக பு³த்தி³ களயெஸ்தான்
மெனிகு ஜெலுமுகூஸ் உத்தம செரீர், உத்தம செரீர்
மெனி மெனன்.

இகலோக பு³த்தி³ களயெஸ்தான் கா³ய்கொ³ரு
ஆதி³கன் சேஸ்தான்கே மத்³தி³ம செரீர் மத்³தி³ம
செரீர் மெனி மெனன்.

இகலோக பு³த்தி³ நீ:த்தக் பரலோக பு³த்தி³ நீ:த்
தக் தீ³பு³த்தி³ களானுஸ்தான் ஜாட் ஜட்கி கிருமி
கிடொ ஆதிகன் சேஸ்தான்கே அத³ம செரீர் அத³ம
செரீர் மெனி மெனன். எகோஸ் தீன் வகா செரீர்
மெனி மெனன்.

ஒண்டெ சிஷ்யகன் சேஸ்தான் தெனு கு³ருவுன்
ஜோவள் அவி புண்ணியகரும், பாபகரும், மிசுரகரும்
மெந்த காயோ சுவாமி? மெனி புசேஸ். கு³ருவுன்
சங்கன் ஜாசுன்:—வாட்சார்வாம் ஒண்டெ சாப் ஜாராஸ்.
ஒண்டெ தெனொ சிலேத் ஜாஸ் ஒண்டெ தெனொ தே⁴ர்
தே⁴ர் மெல்லேத் ஜாஸ். ஒண்டெ தெனொ தெ⁴ரி
மாத்துகஸ்.

சிலேத் ஜியெயொ அஸ்கபுண்ணு. தே⁴ர் தே⁴ர்
மெல்லேத் ஜியெயொ ரொவ்வொபாப், தெ⁴ரி மரெயொ
அஸ்கொபாப், சார்கள் அஸிலெக்கு ஜெலும் க²டி
ஒண்டெ ஒண்டெ ஜெலுமுகு முரி: முரி: சேருக் புண்ணு
க²டி தொ²வ்வி ரொவ்வொபாப் தெகொ சேரு புண்ணு
செரெயோஸ் மிசுரகரும் மானிட ஜெலும்.

புண்ணும் உத்தமம், மத்தி³மம், அத³மம்.
 பாபும் உத்தமம், மத்தி³மம், அத³மம்.
 மிகரம்மு உத்தமம், மத்திமம், அதமம்.

புண்ணும் உத்தமம் காய்நு மெனெதி:-இந்தி³ராதி
 பொட்டம் கள்ளி ஜெகத் பிரளயம் ஹோலெந்தும்
 ராஜ்ஜலத்தேஸ் புண்ணும் உத்தமம். புண்ணும் மத்
 தி³மம் காய்நு மெனெதி தேவுதுல்லு ஜெலும் கடி ஏட்
 ஒண்டெ சோ வடொ ஆவ்சி ரியெதி தேட் ஸஸர்வடொ
 ஆவ்ஸி. ஏட் ஒண்டெ சோ வடொ து³க்கு ரியெதி தேட்
 ஸஸர்வடொ து³க்கு. ஏட் ஒண்டெ சோ வடொ சொந்
 தோஷ் ரியெதி தேட் ஸஸர்வடொ சொந்தோஷ் ஒஜு
 சொத்த ஒஜெனெ அபக³ருஞ்சுல்சென். ஒஜுனெ பை³லுசு
 ஒஜெனெ செரொ தெ³ல்சென். சதா³ தெ³ளொ ஹு³ள
 ளீஸ்ரா²த்தெ அமூர்த்தாஸ்பானம் செரத்தெ ஜி³கர்த்தா
 அவஸ்த ஒண்டேஸ். புண்ணு செரரெந்தும் ரீ: ரக்சுசன்
 பாபு பொ³யிர் தொப்பு³தசன் தொ³ஸ்க கா²ல் கெரி
 பாய்ன் உஞ்ச துக்கி சுக்காருப்கன் அவி பொள்ளு
 ட³சன். பொ⁴யிர் பொடெ³தி பொய்க்கிடா³ ஜெலும்
 க²ட³சன் பெயிரும் பொடி³ பெயிர் பிக்கெதி விருத்
 தாப்பி³யம் ஹோயெஸ்தான் தெனு க²யெதி பிரயோ
 ஜனம் பொந்த³னி. பாலுடுகன் சேஸ்தான் தெனு
 க²யெதி பிரயோஜனம் பொந்த³னின். யௌவன ஸ்திரீ
 புருஷு³ல் க²யெதி பிரயோஜனம் பொந்த³ஸ். புருஷு³ல்
 லுசு சிரசுர் பி³ந்தி³ராஸ். ஸ்திரீனுசு ஹ்ருதயம்மு ராஸ்.

புண்ணும் அத³மம் காய்நு மெனெதி காளி கூளி
 பூ³த் பிசாஸ்காய் ஏஸ் புண்ணும் அத³மம்.

பாபும் உத்தம் காய்நு மெனெதி கா³யி ஜெலும்
 க²டி தெ கா³யி தூ³த் தே³வு து³ல்லு அபிஷேக்
 ஹோரியோஸ் பாபும் உத்தமம்.*

பாபும் மத்தி³மம் காய்னா மெனெதி கா³யி தூ³த்
மென்கன் மொட்டெட் ஜோமரியோஸ் பாபும் மத்தி³மம்.

பாபும் அத³மம் காய்னா மெனெதி மிருக ஜாதி
ஜேனும் க²டி தெக தெக மாயி தூ³த் தெக தெக
நு²குன்னுக கிரஹுஞ்சுல்லரியோஸ் பாபும் அத³மம்.

மிருகம்மு அஸ்கி உத்தமம் காமதே³ன்.

பக்திம் அஸ்கி உத்தம் கெ³ருட்.

ஜாட் ஜட்கினும் அஸ்கி உத்தமம் லீம் ஜாட்கின்
பிம்பள் ஜாட்.

கிம்பு³ கிடா³ம் அஸ்கி உத்தமம் நகலம்மா சாப்
கின் சாரெ சாப்.

மிசரம்மு உத்தமம் காய்னா மெனெதி பி³ரும்மக்
யானின்கன் சேஸ்தான் ஒளடி³யான் ஒண்டேனாஸ்
மிசரம்மு உத்தமம்.

மிசரம்மு மத்தி³மம் காய்னா மெனெதி கர்ம
அனுஷ்டானம் கெரினு, மிசரம்மு மத்தி²மம்.

மிசரம்மு அத³மம் காய்னா மெனெதி பாமுருள்ளு
கன்சேஸ்தான்தெனு மொடா³க் தண்டி³ம் துக்கில்லி
கூத்தாட் தைலி பு²வ்னி வவ்ஜினி செராபாடி ஜாசன்.
திச ஜாத்தெனு பி²ரி சாசன். கியா மெனெதி பி²ரி
சானின். திச பி²ரி சானுத்தெனு கோ சாசன். கியா
மெனெதி அநேக தூ³ஷண கெலலேத் ஜாசன் என
திஷ்டாந்தரு: தெக சொகன் ஒண்டெ ஸ்திரீக் புருஷு
டுக் தூ³ஷண கெரெஸ்லா மெனெதி தெல்லெ புருஷு
டுக் செரெ மென்கென் அஸ்கி தெக தூஷண கெரெசன்.
தெக சொகன் குருவுனு கு தூஷண கெரெஸ்லா மெனெதி

தெக செரெ சிஷ்யானுக் அஸ்கி ஸே, திச தெனு
 து³ஷண கெரி காய் பொந்த³ன்னு மெனெதி சர்வ
 ரௌரவாதி மெனஸ்தான் நெரகும் பா³ர் ஐஸ்து
 லோதும் ஒஜெனெ தோண் ஒஜெனாக் தெ³க்காலாத
 தக்கின் ஒஜென செத்து³ ஒஜெனாக் ஐகாலத்தக்கின்
 கெ²ட்த நெரகும் தகசுன் தெக ப²ராதும் நிஸ்த நெரகும்
 தகசுன். தெக ப²ராதும் சார்கள அஸி லெககு ஜெலும்
 க²டி கடே²சி மானிட³ ஜெலும் கட³ட³சுன். திச தெனு
 மானிட³ ஜெலும் க²டி³யின்தி தெனு கெட்டாக் அவி
 செரசுன் கியா மெனெதி அவி செரனின்; மெகி திச
 கோன் கெட்டாக் அவி செரசுன்னு மெனெதி கு³ரு சந்நி
 தா³னம்மு ஜீ, கு³ருவுனு சேவை சிருஷ்யை கெரி,
 கு³ருவுனு பணவடை³ கெரி, கு³ருவுனு தொலை³ம் ஊழ
 யம் கெரி கு³ரு வாககியம் நொம்மி, ஸரவணம் ஐய்கி,
 மனன்ம கெரி, நிதி³த்யாசனம்மு ரீ: சமாதி³ பொளகி³,
 சாக்காஸ்காரம் பொந்தே³ஸ்தான் தெனு ஹோயேஸ்
 மென தெ சிஷ்யகன் சேஸ்தான் தெனு. இ பஞ்ச
 பு⁴தால் பஞ்சீகரணம் கெர்னி பொட்ரெஸ்தான் தூல
 பு⁴தாலுமு மத்திவடொ காய் ஹோயெஸ்னா மெனெதி:—
 மத்திம மத்திஹட்க, மத்திம் பனி மாமசு, மத்திம் அக்
 கி³னி மெது³ட், மத்திம் வர நெரால் மத்திம் அகாஸ
 ரொமால்;

பனிம் மத்தி உஷ்ட, பனிம் பனிமூத், பனிம்
 அக்கி³னி செக, பனிம் வர ரெகத், பனிம் அகாஸ்
 சுக்கிலம்;

அக்கி³னிம் மத்தி பூக், அக்கினிம் பனி சோக்,
 அக்கி³னிம் அக்கி³னி ஹோங்கு, அக்கி³னிம் வரசோம்
 பல், அக்கி³னிம் அகாஸ் சங்க³மம். வராம் மத்தி
 பி³ஸினி, வராம் பனி சல்னி, வராம் அக்கி³னி

பொண்ணி, வராம் வர த⁴ம்னி, வராம் அகாஸ் உச்சின்னி, அகாஸும் மத்திராகம், அகாஸும் பனி த³வேஷம், அகாஸும் அக்கி³னி தா⁴க், அகாஸும் வரஸாஸ், அகாஸும் அகாஸ் மோகம். சோ தத்வம்கன் சேஸ் தான் இ தூல செரிருமு வீஸ்தத்வம்கன் சேஸ்தான் இ குக்தம் செரீர் கோட் கோட் க²டி தெவ்வேஸ்னா மெனெதி:—

(1) கர்மேந்திரியாலும் வாக்கு, ஞானேந்திரியாலும் ஜிக்கு தி³ய்ய க²டி தோணும் தொவேஸ்.

(2) அந்தக்கரணம்மு மொன்னு, பஞ்சப்பிராணம் உதான வாய்வு தி³ய்ய க²டி க²ண்டம்மு தொவேஸ்.

(3) அந்தக்கரணம்மு பு³த்தி³, பஞ்சப்பிராணம் பிராண வாய்வு தி³ய்ய க²டி ஹ்ருத³யம்மு தொவேஸ்.

(4) அந்தக்கரணம்மு சித்தம், பஞ்சப்பிராணம் சமான வாய்வு தி³ய்ய க²டி நாபி³ மெனஸ்தான் பொ⁴ம் பி³ம் தொவேஸ்.

(5) கர்மேந்திரியாலும் பாயிரு, பஞ்சப்பிராணம் அபான வாய்வு தி³ய்ய க²டி கு³தம்மு தொவேஸ்.

(6) அந்தக்கரணம்மு ஹங்கார், ஞானேந்தி³ரியாலும் சொர்செ, பஞ்சப்பிராணம் வியான வாய்வு தி²னாய்ய க²டி சர்வாங்க³ன் செரீர் போ⁴ரும் தொவேஸ்.

(7) உச்சி மெனஸ்தான் தளூர் தேஜச இந்தி³ரியம் தொவேஸ்.

(8) தொளொ மெனஸ்தான் கள அண்டா³ம் சட்க இந்திரியம் தொவேஸ்.

(9) கான் மெனத்தெமாகு சுரோத்திர இந்தி³ரியம் தொவேஸ்.

(10) நாக் மெனத்தெமாகு கி⁴ராண இந்தி³ரியம் தொவேஸ்.

இதா⁴னுக் கெ³ளாக் உஞ்சொ வெகள வெகளகன் தொவேஸ்.

கெ³ளாக்கா²லுமு காய் தொவ்ரேஸ்னா மெனெதி:

(11) ஹாதும் பாணி இந்தி³ரியம் தொவேஸ்.

(12) பாயிம் பாத³ இந்தி³ரியம் தொவேஸ்.

(13) குய்யம்மு குய்ய இந்திரியம் தொவேஸ்.

இதா⁴னுக் கெ³ளாக்காலும் வெகள வெகளகன் தொவேஸ்.

அந்தக்கரணம்மு அகாஸு ஹம்சொ உள்ளம், ஞானேந்தி³ரியாலும் அகாஸு ஹம்சொ சுரோத்திர இந்தி³ரியம், பஞ்சப்பிராணும் அகாஸு ஹம்சொ வியான வாய்வு, கர்மேந்தி³ரியாலும் அகாஸு ஹம்சொ வாக்கு இந்தி³ரியம், இ சாரெ அகாஸும் உஜி, அகாஸும் ஜீ அண்கிய்யொ.

அந்தக்கரணம்மு வராஹம்சொ மொன்னு, ஞானேந்தி³ரியாலும் வராஹம்சொ சொர்செ இந்தி³ரியம், பஞ்சப்பிராணும் வராஹம்சொ பிராண வாய்வு, கர்மேந்தி³ரியாலும் வராஹம்சொ பாணி இந்தி³ரியம் இ சாரெ வராம் உஜி வராம் ஜீ அண்கி³ய்யொ.

அந்தக்கரணம்மு அக்கி³னி ஹம்சொ பு³த்தி³, ஞானேந்திரியாலும் அக்கி³னி ஹம்சொ சட்கு இந்தி³ரியம், பஞ்சப்பிராணும் அக்கி³னி ஹம்சொ அபான

வாய்வு, கர்மேந்தி³ரியாலும் அக்கி³னி ஹம்சொ பாத³ இந்தி³ரியம் இ சாரெ அக்கி³னிம் உஜி அக் கி³னிம் ஜீ அண்கிய்யொ.

அந்தக்கரணம்மு பனிஹம்சொ சித்தம், ஞானேந் தி³ரியாலும் பனி ஹம்சொ ஜிக் இந்தி³ரியம், பஞ்சப் பிராணும் பனிஹம்சொ சமான வாய்வு; கர்மேந்திரி³யா லும் பனி ஹம்சொ கு³தெ இந்திரியம் இ சாரெ பனிம் உஜி பனிம் ஜீ அண்கிய்யொ.

அந்தக்கரணம்மு மத்தி ஹம்சொ அஹங்கார், ஞானேந்தி³ரியாலும் மத்திஹம்சொ கி⁴ராண இந்தி³ரி யம், பஞ்சப்பிராணும் மத்திஹம்சொ உதான வாய்வு, கர்மேந்தி³ரியாலும் மத்திஹம்சொ குய்ய இந்தி³ரியம் இ சாரெ மத்திம் உஜி மத்திம் ஜீ அண்கிய்யொ.

“எகொ திருஷ்டாந்துரு”

கா³தி மஹாரிஷின் ஒண்டெ பிராம்ஹன். தெனு கு³ரு சந்நிதா³னம்மு அவி விசாரண கெரி களள்ளுனெ மெனி பெளி⁴ வைராக்யம், தீவிரம்கன் ஸே. தெங்கொ பு³த்தி³ விர்த்தி அந்தா³னி மெனி மந்த³ முமுகூ³டு³ மெனி நாவ் அவெஸ். ஒண்டெதி³ மெந்த மாயா லெக்தண் களள்ளுனெ மெனி த³மர் தடாகமு ஜீ கெ³ளா லோத் பனிம் தீன் தெவ்டொ³ ஆச்சமன்யம் க²ள்ளி விஷ்ணுக் கொரி தெஸ்ஸ³ ம²டொ⁴ தபஸ் கெரேஸ். குருவுன் விஷ்ணு வடி²வ் க²ள்ளி அவி காய்ப்பா³ தபஸ் கெரரியொ மெனி புசியாஸ். கா³தி மஹாரிஷினு, மாயா லெக்தண் களள்ளுனெ மெனி தபஸ் கெரரியொ மெனி சங்கெஸ். மாயா லெக்தண் களடு³ஸ் த³க்கிய்யான் ஹோனாப்பா³ மெனி மெனாஸ். ஹோந்தக் த⁴க்குனி மெந்தேஸ். மெகி மாயா லெக்தண் களடு³ஸ் மெந்தி கு³ருவுன் அந்தர்

தா⁴னம் ஹொயாஸ். கா³தி மஹாரிஷினு பனிம் ரீ:கெட்டர்
 அவி கொ⁴ம்மொ ஜேடேஸ். தெவ்டொ³ தி³ன்னு பராதும்
 ஹவ்டன் விசுராந்தி³ கா³தி மஹா ரிஷினு த³மர்
 தடாகம்மு ஸ்நானுக் அவேஸ். தெனு பு³ட்டிகின் பனிம் ரீ:
 ஹொல்லொ அவத்தெக் கொத்தி³ம் தெனு பிரும்மச்சாரி
 கன் ஹொதெத் தெங்கொ ஹொராட் ஹொயெ சொகன்,
 பே⁴தி அவெ சொகன், பை³லு மாய் ரொட்³ரியொ
 சொகன், மொரெ சொகன், பாடெ³ர் நிஞ்ஜடெ³
 செகன், மொசானும் பொ³ல்வி ஜீ ஜளெ சொகன்,
 ஒண்டெ ம²ற்கி³னு போடும் உஜெ சொகன், கட³ன்ஜன்
 மெனி நாவ் தொவெ சொகன், மொட்டொ ஹொடி³
 தோப் தோரன் தெ³ல்வி தொ⁴ண்டொ³ தெட்டெ
 சொகன், தெகொ சொம்மர் மொ³டொ ஹொள்ளெஸ்
 மெனி ஒண்டெ ம²ற்கி³னு பெ³டிக்க²டி ஹொராட்
 கெரெ சொகன், ஆட் நு²க்ரு: உஜெ சொகன், தெ
 கா³ம்மு பஞ்சம் அவெ சொகன், பை³லு நு²க்ரு: மொரெ
 சொகன், மெகி மீ ரீ: காய் கொர்னெ மெனி பாய் அந்தெ³
 தூர் ஜியெ சொகன், ஜாத்தெ வாடும் கிரதேஸி மெனஸ்
 தான் கா³ம்மு ஒண்டெ ஜாட்³ கா²ல் பி³ஸெ சொகன்,
 தெ கா³ம்மு ரஜொ மொரி தே³ஸி ரஜானுக் பொ³வந்
 த⁴ட்டி³ ஐஸ்து ஜொவள் பூலுமாலெ தீர்த்துக்கொடு³ம்
 தீ³கின், இ ஐஸ்து கொங்கக் தீர்த்து பு³ட்டி³ கெ³ளாம்
 மாலெ தகஸ்கீ தெங்கோஸ் ரஜகன் நியமுஞ்சல்லத்தெ
 மெனி மெனெ சொகன், தெ ஐஸ்து ஜாட் கால் பி³ஸி
 ரெஸ்தான் கடன்ஜனுக் தீர்த்து பு³ட்டி³கின் பூலுமாலெ
 க⁴லெ சொகன், பஸ்கட் அவ்ரியொமென்க்யான் அஸ்கி
 ரஜொ ஂனோஸ் மெனி ஆடை³ ஆபரணம் க⁴லெ சொகன்,
 கா³ம்மு பொ³ல்ஜீ சிம்மாசனார் பி³ஸ³டி பொட்டம்
 ப⁴ந்தெ சொகன், ஆட் வொர்சு ராஜ்ஜலெ சொகன்,
 தெக பராதும் ஜுன்னெ வாசனெ அவிகின் முரிதண்டு³

19²ல்லி ரவ்ளு பஸ்கடு³ மற்க்யான் வத்தர் தொ⁴ண்டொ³
 தெட்டெ சொகன், தெவளுமு தெக சிங்க³யிதுன் அவி
 காய் கட³ன்ஜா! இக்கெதி³ கோட் ஜீ ஹொதெயொ
 மெனி புசெ சொகன், தெனொ மி ஒண்டெ தேட் ஜீ ஹொ
 தெயொ சொந்த³க் அவுஸ் மெனி சைகண தெக்கடெ³
 சொகன், தெவளுமு ராணி மாய் விடி³வாட் ரீ:
 தொங்கி³ சியெ சொகன், தெனு மந்திரினுக் பொ³வி
 எனொ மற்றெ³ சொகன் னே. மற்றியா நீடொ³ பொடெ³
 தீஸ் பிராயச்சித்தம் கெல்லுனொ மெனி மெல்லத்தெ. மற்ற
 கே³ஸ் ஆட் வொர்க ராஜ்ஜஸ்ரியொ ஹாலி அக்கினிப்
 பிரவேசம் ஹொயெதீஸ் இ பாப் திரய்மெனி வீத் வீது³க்
 லைடா³ பொ³ண்டி³ அனி தயெ சொகன், எனொ முரி
 துண்டு³சொவடி³த்தி கொ²ப்பி³தா⁴னுக் ஆடை³ ஆபர
 ணம் க⁴ல்லி சிம்மாசனமுர் அவி பி³ஸெ சொகன்,
 இசொ பி³செத்தெகொ கொன்னீஸ் பர்வ கெரியானி.
 காய் மெனி பர்வ கெரியானினொ மெனெதி ஒண்டெ காஸ
 ஹன்னவ் நீ:னாத்தெகொ, ஒண்டெ மெனி மொட்டெட்
 நீ:னாத்தெகொ கோனொக் பர்வ கெர்னாநீ தெக சொகன்
 எகொ பர்வ கெரியாணி. தேட் ராணி மாயி தெக மென்
 கென் மொட்டெட் அஸ்கி அக்கி³னிப்பிரவேசம் ஹொய்
 யாஸ். திசொ ஹொத்தக்கின் எனொ ஆஹா மி ஒண்டெ
 தெனொ மற்றெ³ ஹொயெ ஹாலீஸ்னொ இக்கூ தெனு
 அக்கி³னிப்பிரவேசம் ஹொயாஸ் மெகி மி ரீ: காய்
 கெர்னொ மெனி தெனொ மெள்ளி அக்கினிம்
 பொடெ³ சொகன், திசொ தெனொ அக்கி³னிம் பொட³த்
 தக்கின் ஏட் பனிம் ரீ: ஹொல்லொ அவய்யொ. கா³தி
 மஹாரிஷின் ஏஸ் மாயா லெக்டண் சொகன் னே மெனி
 மெல்லி கொ⁴ம்மொஜீ செல்லிடே³ஸ். கீரதே³ஸி மெனஸ்
 தான் கா³ம்மு அதிதி மெனஸ்தான் பி³ரம்மன் அவெஸ்.
 தேட் சேத்தெங்கொ ஜொவள் வீத் வீது³க் காய் ராக்

குப்பொ பொட்ரியொ மெனி புசெஸ். தெனு ஏட் ஒண்டெ மற்கெ³ அவி ஆட் வொர்சு ராஜ்ஜலெயொ. தெக ஹாலிம் ஏட் சேத்தெனு அஸ்கி அக்கினிப் பிர வேசம் ஹொய்ரியொ மெனி சங்கே³ஸ். ஐகத்தக்கின் மெகி மொக மெள்ளி பாப் அவ்³டெ³னா மெனி கசிக் ஜீ கசிக் கெ³ங்கா³ம் ஸ்நான் கெரி, காசி விஸ்வநாது³டுக் சேவை கெல்லி, சாந்திராயணம் மெனஸ்தான் ஒகத் தெ⁴ல்லி கா³தி மஹாரிஷினுக் கொ⁴ம்ம அவேஸ். கா³தி மஹாரிஷினு ஹிந்த ஏடுஸ் பீ³க்ஷை கெல்லுடு³வாய் மெனி மெனேஸ். அதிதி ரீ³டேஸ். சந்தி³யா வந்த³னம் முசள்ளி அவத்தவேளு கா³தி மஹாரிஷினு அதிதிக் செய்கின் துரெ செரீர் இக்கலே வடி³கன் காய் சேஸ்தெ மெனி புசேஸ். தெனு மி கீரதே³ஸி மெனஸ்தான் கா³ம்மு ஜியெஸ். தேட் ஒண்டெ ம²ற்கெ³ அவி ஆட் வொர்சு ராஜ்ஜலெ ஹாலி கா³ம்மு சேத்தெனு அஸ்கி அக்கினிப்பிரவேசம் ஹொயி வீத் வீது³க் ராக் குப்ப பொடி³ ஹொதெஸ் மெகி மொக பாப் அவ்³டெ³னா மெந்தி கசியாத்ராக் ஜீ, கசிக் கெ³ங்கா³ம் ஸ்நான் கெத்தி, காசி விஸ்வநாதுடுக் சேவை கெல்லி சாந்திராயணம் மெனஸ்தான் ஒகத் தெல்லி அவரெஸ்தான் தெக ஹாலிம் இ செரீர் இக்க லேவடிகன் சேத்தெ மெனி சங்கே³ஸ். கா³தி மஹாரிஷினு ஐகத்தக்கின் மெகி மொக மெள்ளி பாப் அவ்³டெ³னா மெனி ஒண்டெதி ரா²: மெனத்தெனு மெள்ளி ஜீலி அவந்தகு மெனி ஹொளடிதெஸ். அதிதி ஜானாக்கொத்தி³ம் காதி மஹாரிஷினு பரிச்சேரி மெனஸ்தான் கா³ம்மு ஜியேஸ். தேடு ஒண்டெ கொ⁴ம்ம ஒண்டெ தொ³வ்ரி ரொள்ளேத் ஸேத்தே சீதி காய் அம்மா ரொட³ர்த்தெ மெனி புசேஸ். தெனு மொக ஒண்டெ பெடப்பா³ பை³லு து:க்ரு மொஜ்ஜேஸ் மெந்தி பாய் அந்தெ³ தூ³ர்

ஜியெயொ. அங்கு³ன் அவ்ரெனி தெக ஹால்
 ரொடர்த்தெ மெனி சங்கி³ஸ். காதி மஹாரிஷினு தெக
 சமதா³ன் சங்கித்திகின் கிரதே³சி மெனஸ்தான்
 கா³ம்மு அவேஸ். வீத் வீது³க் ராக் குப்ப பொட்ரியொ,
 கா³ம் அஸ்கி சிவவாடொ³ ஹனரியொ சீதி பி²ர், த³மர்
 தடாகம்மு ஜீ கௌலோத் பனிம் தீ²ன் தெவ்டொ ஆச்ச
 மன்யம் கள்ளி தீ²ன் மடொ³ தபஸ் கெரேஸ். விஷ்ணு
 அவிசின் காய்ப்பா³ தபஸ் கெரரியொ மெனி புசியாஸ்.
 காதி மஹாரிஷினு மாயா லெக்ஷண் அசத்து மெனேனா?
 நிஜம்கன்னு சே மெனி புசேஸ். விஷ்ணு: தாரொ
 ஜோவள் திடக்³யான் செர்க்ககன் நீ²: னத்தெ காரண
 ஹால் நிஜம்கன் லகரியொ. திச திடக்³யான் விசாரண
 கெரி கள்ள்ருனெ மெனெதி:—கு³ரு சந்நிதா³னம்மு ஜீ,
 கு³ருவுனு சேவை சிஸ்ருஷ்யை கெரி, குருவுனு பணி
 விடை³ கெரி, குருவுனு தொண்டு³ ஊழியம் கெரி, கு³ரு
 வாக்கியம் நொம்மி, ஸ்ரவணம் ஐய்கி, மனனம் கெரி,
 திடக்³யான் விசாரண கெரி, நிதித்யாசனம்மு நீ²: சமாதி
 பொள்கி³, சாக்ஷாத்காரம் பொந்தே³ஸ்தான் தெனு
 ஹொயேஸ்மெனெதெ சிஷ்யகன் சேஸ்தான் தெனு.

சோதத்வம் செராபாடி செரெஸ்தான் ஸ்தூல
 செரீரும் வீஸ் தத்வம்கன் சேஸ்தான் இ சூக்ஷ்ம
 செரீருகு இ பஞ்சபு⁴தால் காரணங்கன் சேத்தெக
 ஹாலிம் காரிய செரீர், காரிய செரீர் மெனி மென்னி
 பொடெ³ஸ். ஒண்டெ பு⁴தாலுக் ஒண்டெ பு⁴தாலு
 கவ்லனி ஹொயி கெட்டும் ப⁴ந்தி³னி பொட்ரெத் தெக
 ஹாலிம் ஸ்தூலம் மெனி நாவ் அவேஸ். இ ஸ்தூலம்
 கவ்லனி சுட்டி கெட்டு ஹிட்டெத்தெகரு சூக்ஷ்மம் மெனி
 நாவ் அவேஸ். இ சூக்ஷ்மம்மு நீ²: மத்தி கொங்க
 ஜோவள் உஜெஸ்னா மெனெதி பனி ஜோவள் உஜெஸ்.

ஜு²க்கு பனி க²ள்ளி ரொவ்வமத்தி கௌலெஸ்னா
மெனெதி கோனெக் பனி செராபாடி பனி ஹொயி
ஜேடு³கைகி தெக சொகன் இ மத்திகன் சேஸ்தான்கே
தெ பனிம் ஜீ அண்கிய்யொ.

தெ பனி கொங்க ஜோவன் உஜெஸ்னா மெனெதி
அக்கினி³ ஜோவன் உஜெஸ். ஜு²க்கு அக்கினி³
க²ள்ளி ரொவ்வ பனி சிலிஞ்செஸ்னா மெனெதி
கோனெக் ஜிரி ஜேடய்கி தெக சொகன் இ பனிகன்
சேஸ்தான்கே தெ அக்கினி³ம் ஜீ அண்கிய்யொ.

தெ அக்கினி³ கொங்க ஜோவன் உஜெஸ்னா
மெனெதி வர ஜோவன் உஜெஸ். ரொவ்வ அக்கினி³
க²ள்ளி ஜு²க்கு வர ஹனெஸ்னா மெனெதி கோனெக்
நீர் ஹொயி ஜேடு³கைகி தெக சொகன் இ அக்கினி³
கன் சேஸ்தான்கே தெ வராம் ஜீ அண்கிய்யொ.

தெ வர கொங்க ஜோவன் உஜெஸ்னா மெனெதி
அகாஸும் ரீ²: உஜி கா²ல் அவி ஹனி ஹனி சினி
கோனெக் அகாஸுமூஸ் ஜீ அண்கிய்யாய்கி தெக
சொகன் இ வரகன் சேஸ்தான்கே தெ அகாஸுமூஸ் ஜீ
அண்கிய்யொ.

தெ அகாஸ் கொங்க ஜோவன் உஜெஸ்னா
மெனெதி விகேஷப சத்தி அந்து³லும் உஜி, விகேஷப
சத்தி அந்து³லும் ஜீ அண்கிய்யொ.

விகேஷப சத்தி கொங்க ஜோவன் உஜெஸ்னா
மெனெதி தமோகு³ண்ணு அந்து³லும் உஜி தமோ
கு³ண்ணு அந்து³லும் ஜீ அண்கிய்யொ.

தமோ கு³ண்ணு கொங்க ஜோவன் உஜெஸ்ஸா
மெனெதி மாயா அந்து³லும் உஜி மாயா அந்து³லும்
ஜீ அண்கி³ய்யோ.

மாயா கொங்க ஜோவன் உஜெஸ்ஸா மெனெதி
மூலப்பிரகிருதி³ அந்து³லும் உஜி மூலப்பிரகிருதி³ அந்
து³லும் ஜீ அண்கி³ய்யோ.

மூலப்பிரகிருதி³ கொங்க ஜோவன் உஜெஸ்ஸா
மெனெதி பி³ரும்மழு அந்து³லும் உஜி பி³ரும்மழு அந்
து³லும் ஜீ அண்கி³ய்யோ.

அகண்டங்கன் பரிபூரணங்கன் சச்சிதானந்
தங்கன் சேஸ்திஸான் ஜீவேஸ்வர ஜெகதாதி³ பிரபஞ்
சம் சமஸ்தமு அநித்யம் பி³ரும்மழுஸ் நித்யம்.

ஸ்தூல தத்வம் சோயொ, சூக்ஷ்ம தத்வம் வீஸெ,
பஞ்சபூ⁴தம் பாஞ்செ, மாயா, ஈஸ்பரு, அவித்³யா,
ஜீவு³, பி³ரும்மம், இ வீசன் சொவ்வன் தத்வம்மு
பி³ரும்மம் ஜத உராவ் வீசன் ப²ந்தர் தத்வம் அதத்வம்
ஹோய்யொ. ப்³ரும்மழுஸ் நித்யம். ஜெகத் அநித்யம்.

“ எக திருஷ்டாந்துரு ”

ஒண்டெ சிஷ்யொ கு³ருவன் ஜோவன் அவி
பி³ரும்மழுஸ் நித்யம், ஜெகத் அநித்யம் மெனசுன்னா?
திச ஹோயெதி பி³ரும்மம் வெளங்கு³ணத்தக்கின்
மாயோஸ் காய் வெளங்கரியொ மெனி புசேஸ்.

குருவன் சங்கன் ஜாசன்:—ஒண்டெ மாயிகு சார்
நு:க்ருன்னு ராசன் தெமாம் ஒண்டெ நு:க்ரு பா³ப்

சொகனிஸ் முகாந்தி³ரம், நட³வடி³க்கெ, பு³த்தி யுத்தி, சாதூர்யம், பி⁴யார்சார் சமஸ்தமு பா³ப் சொகனிஸ் ரா²த்தெ. கொவ்தா³ தீ²ன் து:க்ருன்னு மாய் சொக னுஸ் ரா²த்தெ. கோனெக்கு மெனெதி மாயிஸ் க²ள் ளத்தெ, தெ³ல்லத்தெ, கபட³த்தெ, ஜோமட³த்தெ சமஸ்தமு தெ மாயிஸ் கெரத்தெக ஹாலிம் மாய் சொக னுஸ் ரா²த்தெ. கோனெக் ஒண்டெ து:க்ரு மொட்டும் பா³ப் சொகன், கொவ்தா³ தீ²ன் து:க்குன்னு மாய் சொகன் ரியேஸ்கி தெக சொகன் விசாரண கெரி களள்ளியாஸ் தெங்க ஜோவள் பி³ரும்மம் வெளங்கை³. விசாரண கெரி களள்ளுனாஸ் தெங்க ஜோவள் மாயா வெளங்கை³.

“ எக திருஷ்டாந்துரு ”

து³ர்ப³ள் பிரஹ்மண்கன் சேஸ்தான் தெனு ரஜோ ஜோவள்ளீ. ராஜபேடி பொந்து³னெ மெனி ரஜாரெளளும் தீ²ன் ம²டொ³ ஒளலேத் ஹோதேஸ்.

ஒண்டெதி மெந்த ரஜாக் தெ³க்கி ராஜபேடி பொந்தி³ல்லி வத்த கெரேஸ்.

ரஜு செய்கின் தொகொ காய் பஜெப்பா³ மெனி புசேஸ்.

து³ர்ப³ள் பிரஹ்மண் நிச்ச சொள ஹொயி சிம்மா சனமுர் பி³சத்தக்கின் துரெகானும் அவி சுபமஸ்து, சுபமஸ்து, சுபமஸ்து மெனி தீ²ன்வாள் மெந்தி ஜவுஸ் மெனி மெனெஸ். ரஜோ ஹோந்த³கு மெனி ஒப்பில்லி டே³ஸ். து³சுரந்தி³ ப²ல்தி பா³ர் ரஜோ சிம்மாசனமுர் பிசத்தக்கின் து³ர்ப³ள் பிரஹ்மண் அவி ரஜானுகானும்

சுபமஸ்து : சுபமஸ்து : சுபமஸ்து மெனி மெந்தி
 ஜெடெ³ஸ். தெவளுகிக்க மென்கேன் ரியெதி மெள்ள
 து³ர்ப³ள் பி³ரஹ்மண் ஜோவள் கான் தீ³டத்தெ, ரஜா
 ரௌளும் சேத்தெனு அஸகி எனெ ரஜாகு அந்தரங்க³
 சிநேகிது³டு³ சொகன்ஸே, மெனி மெல்லியாஸ். மெல்லி
 கின் ஒக்கொக்கொ தெனு ரஜாகு அந்த³ரங்க சிநேகி
 து³டு³ ஜோவள் ஜியெதி, ரஜோ ஜோவள் சங்கி³
 அம்ங்கொ அனுகூல் கெரட³ன் மெனி ஜாரியாஸ். திசொ
 ஜாத்தெனு கோ³ஜா லுத்தக்கின் தெங்க தெங்க ஜோவள்
 சேத்தெ காய்தி பிரேவ் லெயெயொ க²ள்ளி லேத்தத்தெ
 அங்குன் பெயிர் பண்டொ தே³த்தெ, கே⁴ர் தா³ர் இனம்
 தே³த்தெ, இச க²ள்ளி இனம் லேத்த³த்தெமாகு
 து³ர்ப³ள் பி³ரஹ்மண்கன் சேஸ்தான் தெனெ ரஜோ
 சொம்மர் தி³க்க மொது³யளி ஹொய்யெஸ். ஒண்டெது³
 மெந்த ராணி மாயிசு த³ண்டி³ம் பி³சளளி ஸ்நானுக்
 பொலலி ஜா ஹொதியாஸ். து³ர்ப³ள் பி³ரஹ்மணினுசு
 த³ண்டி³ம் ஹிங்க³ள்ளி ஸ்நானுக் பொ³ல்லி அவொ
 ஹொதியாஸ். வாடும் ராணி மாயி த³ண்டி³ ஹிப்பி³ரி
 யெஸ். து³ர்ப³ள் பி³ரஹ்மணினு மொரெ த³ண்டி³
 சோட் சோட் மெனி சொட³ள்ளி ஜேடி³ஸ். ராணி மாயி
 ஏ த³ண்டி³ கோனெ மெனி புசிஸ். புசத்தக்கின் காய்
 அம்மா ரஜாகு அந்தரங்க சிநேகிக்³டு³ துபா⁴ரியான்ஃனெ
 மெனி மெனியாஸ். மெனத்தக்கின் ராணி மாயி
 த³ண்டி துக்கத்தெங்க ஜோவளு இக்கெது³ லெந்தும
 மொகொ ரஜாகு அந்தரங்க³ சிநேகிது³டு³ சே மெனி
 களானு னு? மொகொ களானுத்த ஹொயெத் தெகர் மீ
 ராணி ஹொயி காய் கெரத்தகு மெனி த³ண்டி³ கே⁴ர்
 சோடி மெனி சொடள்ளி ஜேடிஸ். கே⁴ர் அவி, ஒண்டெ
 கொ²ட்டாம் அலக்க³கன் இஞ்ஜில்லிடி³ஸ். ரஜானுசு
 வழக்கம் கோனெக் சேத்தெனெ மெனெதி, ரஜோ

ப⁴ராட்ஜி அவெதி, ராணி தம்பியாம் பனி க²ள்ளி, ரஜா
 னுக் பாய்து³வடி³, பலாபொதர் ஹொல்லொ பாய்:பொசி,
 தெ பொதர் தொ³ளா ஒத்தில்லி, தெங்க பே⁴டி கெல்லி
 கொ⁴ம்ம பொ³ல்லி ஜாத்தெ வழக்கம். வழக்கம்
 தா⁴னுக் ரஜோ பராட்⁴ ஜீலி அவேஸ். ராணி பே⁴டி
 கெலைத்தகு அவரினி மெனி ராணி சேத்தெ கொட்டாழு
 ஜீ ஹிப்பி³ரியெஸ். ராணி ஜோவளு இஞ்ஜிரித்தெ காய்
 மெனி புசியாஸ். ராணி: இக்கெதி லெந்தும் ரஜானுகு
 அந்தரங்க³ சிநேகிதுடு ஸே மெனி களாலு மெனி
 மெனிஸ. ரஜோ ப⁴ராட் அனு மந்திரி ஜோவளு அந்த
 ரங்க³ சிநேகிதுடு கோன் ஸே மெனி புஸியாஸ். மந்திரி
 அவி நிச்ச நிச்ச சொள ஹோத்தக்கின் துரெகானும்
 அவி சங்கரெஸு தெலேஸ் துரெ அந்தரங்க³ சிநே
 து³டு³, ராணிமாய் த³ண்டி³ம் பிசில்லி ஸ்நானுக் ஜாத்தெ
 வேளு து³ர்ப³ள் பி³ரஹ்மணினு த³ண்டி³ அவேஸ்.
 தெலெ தெக த³ண்டி³ சோட் சோட் மெனி சொட³ள்ளி
 ஜேடிஸ் மெனி மெனத்தக்கின்? ரஜோ தெலெ
 கோலெக் மொரெ அந்தரங்க³ சிநேகிது³டு³ ஹோயி?
 மீ தெகொ காய்வரி தி³யெஸ். தெலெ மொகொ காய் சங்
 கிததெஸ். சொந்த³க் தெலெ அவததக்கின் அத்தரீ²:
 ஏட் அவ்லெகொ மெனி சங்கு³த்துஸ் மெனி மெந்த்யாஸ்.
 து³சுரந்தி³ ப²லதி பா⁴ர் து³ர்ப³ள் பி³ரஹ்மண் அவேஸ்.
 ரஜோ அத்த ப²ராதும் ஏட் அவஹோலு மெனி மெந்த்
 யாஸ். து³ர்ப³ள் பி³ரஹ்மண் இசா வத்தொ கொ⁴ப்ப
 சங்க³சன் கீ மெனி மெல்லி ஹொதெஸ். அத்த ப²ரா
 தும் மி ஏட் அவுனி மெனி மெந்தி ஜேடெஸ். தெக
 சொகனி கோலெக் ரஜோ ஜோவளு பிரகாஸம் க²ள்ளி
 து³ர்ப³ள் பி³ரஹ்மண் விளங்கரெஸ்கீ தெக சொகன்
 பி³ரும்மம் ஜோவளு பிரகாஸம் க²ள்ளி மாயா
 விளங்க³ரெஸ்.

பீரும்மம் ஜோவள் மூலப்பிரகிருதி³ உஜிஸ்.
 மூலப்பிரகிருதி³ ஜோவள் மாயா உஜிஸ்.
 மாயா அந்து³ லும் ஈஸ்புரு உஜேஸ்.
 மாயா ஜோவளு தீ²ன் குண்ணாஸ் திருமூர்த்துல்.
 ரஜோ கு³ண்ணாஸ் அவித்யா
 அவித்யா அந்து³ லும் ஜீவுள்ளு ?

தமோகு³ண்ணும் ஆவரணசத்தி விகேஷப சத்தி.
 தெமாம் ஆவரண சத்தி ஈஸ்புருக்கின் பீ³ரும்மக்³ ஞானி
 ஜதொ கொவ்தா ஜீவுள்ளு ஜைரேஸ். விகேஷப சத்தி
 அந்துலு³ம் சோ தத்வம் செராபாடி சார்வகா ஜெலும்
 மெனி, தீ²ன் வகா செரீர் மெனி சமஸ்தமு ஸ்தூல
 செரீர் ஹோயி தெக்கனி பொடரேஸ்.

ஓம் குருவே நம:

ஓம் தத்சத் பரப்ரஹ்மணே நம :

- (1) வியான வாய்வு செராபாடிமிளி சுரோத்திர இந்திரியம்மு ஜீ சிருஷ்டிஞ்சி சப்த விஷயம் ஜனி வாக்கு இந்திரியம்மு அவி வத்தகெரஸ்.
- (2) மொன்னு பிராண வாய்வு செராபாடிமிளி துவக் கேந்திரியம்மு அவி சிருஷ்டிஞ்சி சொர்செ விஷயம் ஜனி பாணி இந்திரியம்மு அவி தெ³னி க²ண்ணி கெரஸ்.
- (3) புத்தி அபான வாய்வு செராபாடி மிளி சட்சு இந்திரியம்மு அவி ரூப் விஷயம் ஜனி பாத இந்திரியம்மு அவி பாய்ந்சலி தேஸ்.
- (4) சித்து சமான வாய்வு செராபாடி மிளி ஜிக் இந்திரியம்மு அவி சிருஷ்டிஞ்சி ரஸ விஷயம் ஜனி இந்திரியம்மு அவி மல மூத்திராதி விஸர்ஜ்ஜன கெரஸ்.
- (5) அஹங்கார் உதான வாய்வு செராபாடி மிளி கிராண இந்திரியம்மு அவி சிருஷ்டிஞ்சி வஸுன ஜனி குய்ய இந்திரியம்முஅவி சுக்கில விஸர்ஜ்ஜன கெரஸ்.

*

*

*

ருக்வே துணை.

“சார் வேது³ மஹா வாக்யம்”

சதுர்வேத மஹா வாக்யமுக், உபதேச மஹா வாக்யம் மெனசுன்னு தெ கோனெக் மெனெதி வேதாந்த சாஸ்தருகு சார்வேது வாக்ய முடிவூஸி முடிவாக்யம் மொ²ட்டாம் மொ²ட்டொ, ந²ன்னம் ந²ன்னெ மெனசுன்னு தெ கோனெக் மெனெதி சுரிது தேட் சஸர் தெய்³டொ விஸ்தீர்ணு ரி²யெதி ஏட் ஒண்டெ ஜான் தெ²க்காஸ் கோனெக்கி தெக சொகன் ஸ்ரேஷ்டங்கன் சேஸ்தான் மஹா வாக்யம் முடிவாக்யம். முடிவாக்யம் மெனசுன்னு தெ கோனெக் மெனெதி பதால் ரீ²கின் சிரஸ் லெந்தும் கோனெக்கி தெக சொகனி வேதாந்த சாஸ்தருகு சார்வேது வாக்ய முடிவூஸி முடிவாக்யம். ஸ்ரேஷ்டம்மு ஸ்ரேஷ்டம் மெனசுன்னு தெ கோனெக் மெனெதி வேதாந்த சாஸ்தருகு, சார்வேத வாக்யமு சாரமூஸி ரகஸ்யம்மு அதிரகஸ்யங்கன் சேஸ்தான்கேஸி மஹா வாக்யமுஸ் சிரேஷ்டம்.

“ஹாய் சுவாமினு மஹா வாக்யம் சிரேஷ்டம் மெனி சங்கேஸ்னா தெ களள்ளத்தெக ஹாலிம் காய் பிரயோஜனம் பொந்தாய் களள்ளுத்தகன் ரி²யெ ஹாலிம் காய் பிரயோஜனம் நீ²த்தக் ஹோய்?

களள்ளெ ஹாலிம் சுகி ஹோவாய். களள்ளு ஜியெத் துக்கி ஹோவாய்.

ருக்வேது, யஜுர்வேது, சாமவேது, அதர்வணவேது.

1

ருக்வேது மஹா வாக்யம் தி³ பிரிவ் கெரி சங்க³ன் ஜாசன். தி³ பிரிவ் மெந்த காய்னா மெனெதி பிரக்ஞானம், பிரும்மம்.

பிரக்ஞானம் மெந்த கோனெக்கு மெனெதி
சுரோத்திர இந்திரியம்மு வாடும் பிரக்ஞை ஜனஸ். சட்சு
இந்திரியம்மு வாடும் பிரக்ஞை ஜனஸ் ஜிக்வேந்திரி
யம்மு வாடும் பிரக்ஞை ஜனஸ். குதெ இந்திரியம்மு
வாடும் பிரக்ஞை ஜனஸ். குய்ய இந்திரியம்மு வாடும்
பிரக்ஞை ஜனஸ். ஒக்கொக்கொ இந்திரியாலு வாடும்
ரீ²கின் பிரக்ஞை ஜனரெத்திசான் ஜன்னீ சீ பிரக்கியா
னம் மெனி மென்னி பொடய்.

பிரும்மம் மெனத்திசான் பதமுக் அர்த்து, வாக்கு
இந்திரியம்மு² ரீ பிரக்ஞை ஜனஸ். பாணி இந்திரியம்மு
ரீ:² பிரக்ஞை ஜனஸ். பாத இந்திரியம்மு ரீ பிரக்ஞை
ஜனஸ். சொர்செ இந்திரியம்மு ரீ² பிரக்ஞை ஜனஸ்.
கிராண இந்திரியம்மு ரீ:² பிரக்ஞை ஜனஸ். ஒக்கொக்க
இந்திரியாலு வாடும் ரீகின் பிரக்ஞை ஜனரெத்திசான்
ஜன்னீ சி பிரக்கியானம் பிரும்மம் மெனி மென்னி
பொடய்.

2

யஜுர்வேது மஹா வாக்கியம் தீ²ன் பிரிவ் கெரி
சங்கன் ஜாசன். தீ²ன்பிரிவ் மெந்த காய்னா மெனெதி
அகம், பிரும்மம், அஸ்மி.

அகம் மெனெத்திசான்கே மீ, பிரும்மம் மெனெத்தி
சான்கே தூ, அஸ்மி மெனெத்திசான்கே, தூஸ் மீ.
மீஸ் தூ மெனெத்திசான் வாக்கியம். ஸ்ரேஷ்டங்கன்
சேஸ்தான் தேவ செரீர் ஜோவளு ஸே. மத்திமங்கன்
சேஸ்தான் மாஸிட செரீர் ஜோவளு ஸே. அதமங்கன்
சேஸ்தான் பசு, பக்ஷி, மிருகஜாதி, சமஸ்த ஜா²ட்
ஜ²ட்கி, கிருமிகடொ ஆதிகன் சேஸ்தான் தெங்க
ஜோவள் அஸ்கி ஸே. தீ²ச ரீ²யெதி மெள்ளாதுரு
ஸ்ரேஷ்டங்கன் சேஸ்தான் தேவ செரீர் மீ மெஸ்ஸி

அவத்தக் முசுனா. அதமம்கன் சேஸ்தான் பசு, பக்தி, மிருகஜாதி, சமஸ்த ஜா²ட் ஜ²ட்கி, கிருமிக்டொ ஆதிகன் சேஸ்தான்கே மீ மெல்லி அவத்தக் முசுனா. மத்திமம் கன் சேஸ்தான் மானிட செரீருஸி மீ மெல்லி அவத்தக் முளை. திசான்கே மீ மெல்லி அவரெத்திசான்கேஸி அகம், பிரும்மம், அஸ்மி மெனெத்திசான் தீ²ன் பதமு அர்த்து.

3

சாமவேது மஹா வாக்யம் தீ²ன் பிரிவ் கெரி சங்கன் ஜாசன். தீ²ன் பிரிவ் மெந்த காய்னா மெனெதி, தது, துவம், அஸி.

தது மெனெத்திசான்கே மீ, துவம் மெனெத்தி சான்கே தூ, அஸி மெனெத்திசான்கே தூஸ் மி, மீஸ் தூ.

ஹாய் ஸ்வாமினு மீஸ் தூ, தூஸ் மி மெனராஸ்னா அகாஸ் ஈஸ்புரு ஸொகன்கினு, பொ⁴ய்ந் ஜீவுடு ஸொகன்னா ஸே. தெ அகாஸ்கின், பொ⁴ய்ந் ஜீவுடு அந்தாய்யா : துமி சங்கரியெ வாக்கியம் சியெதி.

குருவுன் சங்கன் ஜாசன்:—கொப்³பு³ குட்க கெரி தொ²வ்லுடத்தெ, நளெர் பொ²டி தொ²வ்லுடத்தெ, தொவ்டொ ஹென்னாத்தக் கெளொ தொவ்லுடத்தெ, வித்து ஹென்னாத்தக் பொள்ளொ தொவ்லுடத்தெ, பஞ் சாயிர்து ஹோய் மெனி சங்கேனா ஹோயனி காய் மெனி புசெ சொகன்னாஸே, தூ புசரியொ கேள்வி சியெதி.

கொப்³பு³ ரெஸ்ஸு க²ள்ளி, நளெர் பொ²டி துர்கிதயி, தொவ்டொ ஹெட்டய்தி கெளொதயி, வித்து ஹெட்டய்தி பொள்ளொதயி, செக்கர்தயி, தேனெ ஸொடி, தூப் ஸொடி, ஹாத் ஹொல்லொ குசிரி சைதன்யம்

மெனெஸ்தான் லிங்குக்கு அபிஷேக் கெரெதீஸ்னா திருப்தி பொந்தய். தெக சொகனி தொப்³பன் தயெயொ தொப் பிதி, க²ள்ளன் தயெயொ க²ள்ளெதீஸ்னா திருப்தி பொந்தய். வீசன் ஆட் தத்வம் விசாரனெ கெரி தொப்பிதி லக்ஷார்த்து பிரும்மம் க²டி தொவ்வி ஈஸ்புரு உபாதி மாயாக் தொப்பிதி ஜீவுடு உபாதி அவித்யாக் தொப்பிதி, பிரும்மமுக்கு கூடஸ்துடுகு ஒண்டேகன் ஐக்கியம் கெரி ஸொடி ஸொன்னுத்திசான் லெக்ஷன் ஹாலி ஐக்கியம் கெரத்தேஸி அஸி மெனத்திசான் பதமு அர்த்து. ஜீவப்பிரும்மம் ஐக்கியம் அஸி பதம் விட்டலக்ஷணம், விடாத லக்ஷணம், விட்டுவிடாத லக்ஷணம். மெந்த காய்னா மெனெதி:—

கெ³ங்கா³ம் காய்தி பரிச்சேரி மெனெஸ்தான் கா³ம் ராய்²கி. கெங்க ஸொட்டிகின் கெட்டர் சியெயோஸி விட்ட லக்ஷணம்.

விடாத லக்ஷணம் மெந்த காய்னா மெனெதி:-களொ கா³ய் து³த் தி³யெஸ்ஹா? ஸொ²வொ கா³யிக் தெ⁴ரி ப⁴ந்தே³ஸ்ஹா? களாக்கினு லொவ்வாகு சொன்னுத்தக் கன் ஸியெயோஸி விடாத லக்ஷணம்.

விட்டுவிடாத லக்ஷணம் மெந்த காய்னா மெனெதி:- தேசகால வஸ்து பரிச்சேத ரகிதம்கன்னே. ஒண்டெ காலம்மு எக்குதத்தன்கன் சேஸ்தான் தெனெ ஒண்டெ தேசிம் ஜியெஸ். தெ தேஸிம் தேவதத்தன்கன் சேஸ்தான் தெனெ தெ தேஸிமு ஆடெ, ஆபரணம் க²ள்ளி குனு செங்கோல் ராஜ்ஜல்ரெஸ். எக்குதத்தன்கன் சேஸ்தான் தெனெ தெக சீகின் வத்த கெரெஸ். தெவ் டதி ஹொல்லாதுகு ஏஸ்காலம்மு, ஏஸ் தேசிமு தேவதத் தன்கன் சேஸ்தான் தெனெ சம்பயிகாம் கெரெஸ்.

எக்ஞதத்தன்கன் சேஸ்தான் தெனெ தேவதத்தனுக்
தெக்கெஸ். தெனெஸ்கீ, தெனெ நா:யி மெனி செந்
தே³வ் அவெஸ். ஸ்நானுக் ஜாஸ்தான் காலம்மு எக்ஞ
தத்தன்கன் சேஸ்தான் தெனெ தேவதத்தனுக் தெக்கி
கினு தெனு ஸொகன்ஸேமெனி களள்ளெஸ். தெ
காலம்மு, தெ தேஸிம் ராஜரீகம் ராஜ்ஜல்லைத்
ஹொதெத்திஸான்கே தொ³ப்பிதி தெ காலம்மு, தெ
தேஸிம் கெல்லேத் ஹொதெஸ்திசான் கிரியொ
தொ³ப்பிதிகினு ஜியெஸ் மெனெதி தெனெஸ் எனெ.
தெ தேவதத்தனுஸ் ஏ தேவதத்தன் மெனி களள்ளி
அனுபவமுக் அவெ ஸொகனி ஏடு, ஸ்தூலமுகு, சூக்ஷ்ம
முகு, காரணமுகு ஸொட்டி³ ஜீவப்பிரம்ம ஐக்கியம்
ஹொயெயோஸி அஸிபதம் அஸிபத வாக்கியம்.

4

அதர்வணவேது மஹா வாக்க்யம் தீ²ன் பிரிவ் கெரி
சங்கன் ஜாசன்:—

தீ²ன் பிரிவ் மெந்த காய்னெ மெனெதி அயம், ஆத்ம,
பிரம்மம். காலத்திரயம்மு மெள்ளாதுகு கொன்னி
விதம்மு சம்பந்தம் நீத்திசான்கே தூ நீத்திசான்கே
கோனெயி தேஸி அயம். காலத்திரயம்மு மெள்ளாதுகு
ஜெகத்விலக்ஷணம்கன் சேஸ்தான்கே கோனெயி
தேஸி ஆத்மா. பிரும்மம் மெந்த கோனெக்னெ மெனெதி
பிரகாசம்கன் பிரகாசிஞ்சரெனிஹா. பிரகாசிஞ்செதி
மெள்ளாதுகு அம்கொ ஒண்டெ பிரகாசம் பிரகாசிஞ்
சுனெ மெனெதி கிக்க விதமுக் சாதன பஜெ? தி³வா
த²ளொ, அந்தெமு, வாது, க²ட்டி, தி³வாபெடி பாஞ்சுவித
முக் சாதனெ ரி²யெதின்னெ ஒண்டெ பிரகாசம் பிரகா
சிஞ்சஸ். ஏ இசநா: அறிவ்கன் சேஸ்தான் ஆத்மோஸீ
பிரும்மம் சா²ர் தெ³ய்டா விஸ்தீர்ணு ரியெதி மெள்ளாதுகு

ஒண்டெ தெய்டா³ விஸ்தீர்ணு தெக்கயெதி மெள்ளொ
 அம்கொ தெக்காரெத்திசான்கே ஒண்டெ ஜாண் தெக்கா
 ரெஸ தெகஹாலி பரோகூம்கன்ஸே. பிரகாசம், சொயம்
 பிரகாசம், சொப்ரகாசம்கன் சேஸ்தான் தெக ஹாலிமு
 அறிவ்கன் சேஸ்தான் ஆத்மா அரோகூம்கன் சேஸ்தான்
 தெக ஹாலிமு பிரும்மம்.

*

*

*

“ஷட் லிங்க தூத்பர்யம்”

“ஸ்வாமினு குருசந்நிதானம்மு ஜீ சோலிங்கு ஹாலி சிரவணம் கொர்னோமெனி கெ⁴டிக்கெடி⁴மெனெனா தெல்லெ மொகொ சொக்கட் சங்கி களண்ணொ மெனி சிஷ்யொ புசேஸ்.

குருவன் சங்கன் ஜாகன்:—சாந்தோக்கிய உப நிஷத்தும் சொவ்வ அத்யாயம்மு உத்தால மஹா ரிஷின் கன் சேஸ்தான் தெனு, ஸ்வேதகேது மெனஸ்தான் பெ³டாகு சிஷ்யன்கன் வகுஞ்சில்லி, ஞான உபதேஸை கொரத்தகு ஆரம்பம் கெரேஸ். சோலிங்கு ஹாலிம் சிரவணம் கெரெத்தெகரு தெல்லெ ஸ்வேதகேதுகு ஞான் அவெஸ். தெல்லெ காய்னா மெனெதி:— உபக் கிரமம், உபசங்காரம் மெனி தி³ய்யசெரி ஒண்டெ லிங்கு. அப்பியாஸ் மெனஸ்தான்கே தி³வ லிங்கு. அபூர்வதை மெனஸ்தான்கே தி²ன்வ லிங்கு. பலம் மெனஸ்தான்கே ச²ர்வலிங்கு. அர்த்தவாதம் மெனஸ்தான்கே பவ்ன்சலிங்கு. உபபத்தி மெனஸ்தான்கே சொவ்வலிங்கு.

1

எமாம் சிருஷ்டி முதுலும் சத்து மாத்ரம்கன் ஹோதெஸ். பிரளயம் ஹொல்லாதுகு சத்து மாத்ரம்மு உராவ் ரா²த்தேஸி உபக்கிரமம், உபசங்காரம் மெனெஸ்தான் முதுல்ல லிங்கு. பிரும்மமூஸ் தி²ன் காலமுக் நஜ்ஜுனாத்தகன் சேஸ்தெ மெனி மெனரி யோஸ் சுருதி. ஸ்திரி வெஷம் தைலுனாத்தெ முதுலுமு புருஷு^௦டுஸ் ஸ்திரி வெஷம் தைலி ஹெடெத்தெகர் மெள்ளி புருஷு^௦டுஸ் மெனி மெனரியோஸ் யுக்தி. காலி தி³ன்னா சுளித்திமு ஹிந்தொ அவெத்தெ, சுளித்திமு இ ஜெகத் நீஸ்தக் ஹொயி மி சேஸ்தேஸ் அனுபவம்.

2

தி³வ லிங்கு கு சுருதிம் காய் சங்கரேஸ்னா மெனெதி
கெ⁴டிக்கெ⁴டி தூஸ் பிரும்மம், தூஸ் பிரும்மம் மெனி
நொவ் தெவ்³டொ³ சங்கரேஸ். நட்கம் நசத்தவேனாஸி
இசான் தெக நட்கம் பஸந்துகன் சே மெனி மெனரி
யோஸ் யுக்தி. சகல விவகாரும் மீ மீமெனி வெளங்க
ரெஸ்தான் இ அனுபவமுஸ் அப்பியாஸ் மெனஸ்தான்
தி³வலிங்கு.

3

பிரத்தியக்ஷ அனுமான் ஹாலி உபமானுகு விஷ
யம் ஹோனாத்தக்கன் சுருதிப் பிரமாணுக் மொட்டுமுஸி
பிரும்மம். விஷயம் ஹோத்தேஸி சுருதி. தி²ன்வகே³டும்
சேஸ்தான் செவ்கனுகு ரஜாக்கருத்து களாநாத்தக்கன்
ச²ர்வ கே³டும் சேஸ்தான் மந்திரிகு ரஜாக்கருத்து களயி
ராஜபேடி பொந்தத்தேஸ் யுக்தி. ஹேகத்தி³ லெந்தும்
பிரத்தியக்ஷ பிரமாண வாக்கியம் ஹாலி பிரும்மம் மீஸ்
மெனி ஜனெ அனுபவமுஸி அபூர்வதை மெனஸ்தான்
தி²ன்வலிங்கு.

4

பிராரப்தம் முசெத்தெகரு இ ஜெனன மரண
துக்கு ஹேதுகன் சேஸ்தான் ஜீவேஸ்வர ஜெகத்
நீ²த்தக் அகண்ட ஆனந்தம்கன் சேஸ்தான் பிரும்மமுஸ்
ப³லம் மெனி மென்னி பொடரெஸ்தான்கே சுருதி. நிச்ச
நிச்ச பா³த் ஜொமெத்தெ காய், மல மூத்திராதி விஸர்ஜ்
ஜன கெரத்தெ காய், பி²ரி பூ⁴க் கென்னாத்தக் ராத்தக்
சதா தேவாயிர்தம் பீதிகின் திருப்திகன் ரா²த்தெர²னீஸ்
யுக்தி. விதேக முக்தி சொகன் அத்தோஸி கிருதகிருத்
தியன்கன் சேஸ்தான் அனுபவமுஸி ப³லம் மெனி
மென்னி பொடரெஸ்தான் ச²ர்வலிங்கு.

அர்த்த சிருஷ்டி, ஸ்திதி, பிரளயம், பிரவேஷம், சம்யமன தத்வம் பதார்த்த பரிசோதன, பலப்பிரதிகன் சேஸ்தான் சாத்விதமுக் அர்த்து சங்கன்ஜாசன்:— கோன் வஸ்துவும் ரீ:கின் ஜெகத் உற்பத்தி ஹோயெஸ்கீ, கோன் வஸ்து ஹாலி இ ஜெகத் ஜீவ்லி ரி:யெஸ்கீ, கோன் வஸ்து ஹாலி இ ஜெகத் லயம் பொந்தரெஸ்கீ, கோன் வஸ்து செரீராதி நாவ் ரூப் உற்பத்தி கெரி ஜீவாத்ம ரூப்கன் பிரவேஷ—ஞ்ச ரெஸ்கீ, கோன் வஸ்து புத்தி ஆதி ரீ:கின் சூக்ஷ்மம்மு, சூக்ஷ்மம்மு ரீ:கின் நிய மனம் கெரரெஸ்கீ, தத்பத³முக் துவம்பதம் விசாரண ஹாலி விசாரண கெரத்தவேளு கோன் வஸ்து ஏகம்கன் சேயீ, கோனெ கள்ளளத்தெனெ சமஸ்தமு கள்ளளத் தெனெ ஹோய்கி, கோனெ ஜனெத்தெனெ தேகனூஸ் ஹோஸ்கீ மெனி மெனரியோஸ் சுருதி. வால்மீக ருஷிகன் சேஸ்தான் தெனு, நாரதபகவானுக் செய்கின் சமஸ்த குண்ணு பொருந்தெஸ்தான் தெனெ கோன் மெனி புசெத் தெகொ ராமுடு மெனி சங்குனத்தக்கன் சங்கெயோஸ் யுக்தி. ஞானினு கோன் வஸ்து மீகனூஸ் ஜனிகின் ஜீவன் முக்துள்ளுகன் சேயீ தெங்க அனுபவமுஸீ அர்த்தவாதம் மெனி மென்னி பொடரெஸ்தான் பவன் சலிங்கு.

உபபத்தி மெனஸ்தான்கே ஒண்டெ பொ⁴ன்னெ. மத்திமெனி களயெதி அஸ்கி பொ⁴ன்னெ மத்தி மெனி களயெ சொகனி ஒண்டெ நாவ்ரூப் சத்து மெனி களயெதி அஸ்கி சத்து மெனி களள்ளெ.

“ராம மொந்தூர்”

ராம மொந்தூரு பிரபாவ் ஒள்ட்யான் ஹால்
சங்கினி பொட்ரேஸ். தெ கோனெக்ன மெனெதி:—

ரா : ஆதிசிவம்	மா : ஆதிசக்தி
ரா : பரப்பிரம்மம்	மா : சிற்சக்தி
ரா : ஆத்ம	மா : ஜீவுடு

ரா : மெனெதி: பரப்பிரம்மமுகு ஸ்துதி கெரெ சொகன்
ஹோய்.

மா : மெனெதி: திருமூர்த்துல்லுகு ஹௌடில்லெ சொகன்
ஹோய்.

ராமா மெனெதி: எழுட் த⁴க்கி ஜாய்.

ராமா மெனெதி: எம்பாசம் துட்டி ஜாய்.

ராமா மெனெதி: நரகபா³த நீ²த்தக ஹோய் ஜாய்.

ராமா மெனெதி: குஷ்டரோகு வியாதின் நீ²த்தக்
ஹோய் ஜாய்.

ராமா மெனெதி: தா³ரித்திரியம் நீ²த்தக் ஹோய் ஜாய்.

ராமா மெனெதி: ஹௌடன் தா⁴னுக் ப²லுஞ்சய்.

ராமா மெனெதி: ஆதி பிரம்மஹத்தி வியாதின் நீத்தக்
ஹோய். மோக்ஷ ஸாம்ராஜ்யம்
பொந்தாய்.

ராமா மெனெதி: ஆய்ஷ— விருத்தி ஹோய்கின் சமஸ்த
வித்யான் செணம் அவய்.

ராமா மெனெத்தேஸீ தாரக மொந்தூர் மெனி மென்னி
பொடய்.

ராம மஹா மொந்தூர். ரஜோ மந்தூர் மூல மந்தூர்.

ராமா மெனெத்தேஸீ சமஸ்தகர்மம் ஜவடத்திசான்
அய்து³ கன்னே.

ராமா மெனெத்தேஸீ மோக்ஷ சாம்ராஜ்யம் பொந்த³த்
தகு தந்தூர்கன் னே.

ராமா மெனெத்தேஸீ அண்டசராசரம் பொ⁴ரி² ரி²யெத்
திசான் பிரும்மம்.

ராம மொந்தூரு பிரபாவ் சம்பூர்ணு ஹோயெஸி.

ராம மெனெஸ்தான்கேஸீ சமஸ்த கர்முன் ஜவடஸ்தக்
அய்து³ கன் னே.

“ பஞ்சகோஷவிலாசணம் ”

அன்னமயகோஷம் மெனத்திசான் கே⁴ருமு, காம குரோதம் மெனஸ்தான் சொட்டான் தி³தெனு அவி கா²ன் க³லேஸ். தெமாம் சேஸ்தான் ரெத்தன் ஹெள்ளி ஜாத்தவேளுமு, அன்னமய கோஷம் மெனஸ்தான் கே⁴ரு அல்பம் ஹொயி பொள்ளிடெஸ். கே⁴ர் பொடெ மாத்ரம்மு, குரோதம் மெனஸ்தான் சொட்டொ மொஜ் ஜெஸ். குரோதம் மெனஸ்தான் சொட்டொ மொரெ யோஸீ காமம் மெனஸ்தான் சொட்டொ அக்ஞான தேசி ரஜ ஹோரும் பிராதி திடெஸ். பிராதி தி³யெ மாத்ரம்மு அக்ஞானதேசி ரஜ அவிகின் காய்ப்³பா³ மொகொ பொ³வன் தட்டெயொ மெனி மெனெஸ். காமம் மெனஸ்தான் சொட்டொ அன்னமய கோஷம் மெனஸ்தான் கே⁴ரு இக்க அல்பம்கன் காய்ப்பா³ பந்தினி பொட் ரியொ குரோதம் மெனஸ்தான் சொட்டொ மொஜ் ஜெனாபா³ மெனி மெனெஸ். அக்ஞானதேசி ரஜ கோடானுக் கோடினுக் கொத்தி வேஸ் கெரி பந்தெயொ வாஸ்தவமூஸ் பா³ ஹொயெதி எல்லெ கே⁴ரு பிராணமய கோஷம் மெனஸ்தான் கொத்தொ பந்தெ யொ தெக ஹாலி எல்லெ தவறுதல் மொரெ ஹோரும் நா: பிராணமய கோஷம் மெனஸ்தான் கொத்தொ ஹோரும் ஜாயீ மெனி வெல்கிஸ்லிடெஸ். காமம் மெனஸ்தான் சொட்டொ, பிராணமய கோஷம் மெனஸ்தான் கொத்தாக் பொ³வந்த⁴ட்டிகின், அன்னமய கோஷம் மெனஸ்தான் கே⁴ரு இக்க அல்பம்கன் காய் பந்தெயொ? குரோதம் மெனஸ்தான் சொட்டொ மொஜ் ஜெனாபா³ மெனி மெனெஸ். பிராணமய கோஷம் மெனஸ்தான் கொத்தொ விட்கெ³, வளு, சுன்னெ, க²டெயொ வாஸ்தவமூஸ்பா³ ஹொயெதி, மனோமய

கோஷம் மெனஸ்தான் கும்பா³ரு பொ⁴ன்னெ
மொ⁴ட்டொ கெரி தீடெஸி. சித்தாள் பெட்கின் பனி
அனி சொடெ மாத்ரம்மு மத்தி பன்டொ ஹோய்யேஸி
தெக ஹால் பீ⁴த் பொள்ளிட்ராயீஸ்பா தெக ஹாலி
எல்லெ தவறுதல் மொரெ ஹோரும் நா: மனோமய
கோஷம் மெனஸ்தான் கும்பா³ர் ஹோரும் ஜாயீ மெனி
வெல்கிலிடேஸ்.

காமம் மெனஸ்தான் சொ²ட்டொ மனோமய
கோஷம் மெனஸ்தான் கு²ம்பா³ருக் பொ³வந்த³ட்டி
கின் அன்னமய கோஷம் மெனஸ்தான் கே⁴ரு அல்பம்
ஹோயி பொள்ளிட்ரேஸி தொரெ ஹோரும் பெ⁴ளி
தவறுதல் ஸே மெனி மெனெஸ். மனோமய கோஷம்
மெனஸ்தான் கு²ம்பா³ரு, மி மத்தி க⁴டெயொ வாஸ்
தவழுஸ்பா ஹோயெதி தெவளுமு எங்கு³ட் வாடும்
விக்குானமய கோஷம் மெனஸ்தான் பொ⁴தி³ரின்
அவிஸி. தெனெ மொரெ பொக்கட் ஸீஸி. மி தெக
பொக்கட்சியெஸீ. தெவளுமு தெட்டினிவேன் ஹோய்யி
ராயீஸ்பா³ தெக ஹாலி எல்லெ தவறுதல் மொரெ
ஹோரும் நா: விக்குானமய கோஷம் மெனஸ்தான்
பொ⁴தி³ரின் ஹோரும் ஜாயீ மெனி வெல்கில்லிடேஸ்.

காமம் மெனஸ்தான் சொ²ட்டொ, விக்குானமய
கோஷம் மெனஸ்தான் பொ⁴தி³ரினுக் பொவந்தட்டி
கின் அன்னமய கோஷம் மெனஸ்தான் கே⁴ரு பெ⁴ளி
அல்பம் ஹோயி பொள்ளிட்ரேஸி தொரெ ஹோரும்
பெ⁴ளி தவறுதல் ஸே. து காய் காரண ஹால் எல்லெ
வீதும் ஜன பொடெயொ மெனி புசெஸ். பொ⁴தி³ரினு,
மி ஆனந்தமய கோஷம் மெனஸ்தான் கஸார் ஜோவளு
சொம்மு கெரத்தக் தீ³ரித்தெ. கஸார் ஜோவளு சொம்மு

ஜீ புசெதி ஹிந்த ஆவ் சொந்தக் ஆவ் மெனி ஜெபாவ் சங்கஸ். சொம்மு கல்லுண்ணெ மெனெத்தெ ஆஸ்த லயி மி நிச்ச நிச்ச எங்குட் வாட் ரீ² ஜி கஸார் ஜோவளு சொம்மு புஸித்தெ. தெக ஹாலி எல்லை தவறுதல் மொரெ ஹோரும் நா: ஆனந்தமய கோஷம் மெனஸ் தான் கஸார் ஹோரும் ஜாயி மெனி வெல்கிஸ்லிடிஸ்.

காமம் மெனஸ்தான் சொ²ட்டொ ஆனந்தமய கோஷம் மெனஸ்தான் கஸாருக் பொவந்தட்டிகின் து காய் கார்ண ஹால் பொ⁴தி³ரினுக் ஹிந்த ஆவ் சொந்த ஆவ் மெனி ஜெவாப் சங்கெயொ மெனி புசெஸ். கஸாரு பவுன் ஹிந்தொ³ உருக்கெதி சொந்த³க் பா²ட் ஹொய்யாஸு. ஹிந்தொ சொக்கட் ஹொய்யாய்யா சொந்தக் சொக்கட் ஹொய்யாய்யா மெனி மி நிச்ச ஹிந்த³ ஆவ் சொந்த³ ஆவ் மெனி ஜெவாப் சங்கெ³யொ. ஹொயெத் தொரெ ஹோரும் பெ⁴ளி தவறுதல் ஸே. சா²ல் கோடுக் மெனி ஆனந்தமய கோஷம் மெனஸ் தான் கஸார்கினு காமம் மெனஸ்தான் சொ²ட்டொ தீ³ தெனு செ²ரி கோடுக் ஜாத்தவேளுமு கா³ம்மு சேஸ் தான் சகல ஜீவாந்துருள்ளு அஸ்கி ஆனந்தமய கோஷம் மெனஸ்தான் கஸாருக் செங்கள் அவுடன்ஜாஸ் மெனி இக்கூ மூகொ கோடுக் ஜீ செ²ரி தீர்ப்பு சங்கத்த வேளுமு, மொன்னு மெனஸ்தான் கொ³வ்ண்டொ³ மி மெனெயொ மி கெரெயொ மி கடெயொ, மி தியெயொ, மெனி மெந் தெஸ். மொன்னு மெனஸ்தான் கொ³வ்ண்டொ³ இசொ மெனெயோஸ் ஆனந்தமய கோஷம் மெனஸ்தான் கஸாரு மி, லேவடிகன் ஸே, மி அஸ்பம்கன் ஸே, மி கேவலஸ்துடுகன் ஸே, மொன்னு மெனஸ்தான் கொவ்³ண்டொ தடுப்கன்ஸே. தெனெ (18) திவ்னிஸ் விதமு தத்வம் ஜன்னுத்தெனெ ஹாலி தெகொ செங்கள் தயெதி சா²ர் ஓர்சு தங்கய்ப்³பா³? ஏ கேவலஸ்துடுகு

செங்கள் தயெத் தங்குனாபா³ - மெல்லேத் வெஸ்கில்லி
டெஸ்.

மொன்னு மெனஸ்தான் கொ³வண்டாக் செங்
கள் தயெயோஸீ பஞ்ச கோஷமுன் தெக தெக தா²ம்மு
ஹிப்பி ரீகின் பஞ்ச விஷயம்மு ஜான் தேனாத்தக்
ரீடெஸி. தெக ஹாஸ் மொன்னு மெனஸ்தான் மொ⁴டொ
சொட்டாகு செங்கள் தய்னெ மெனி சாஸ்தரும் சங்கினி
பொடரெஸ்.

சுபம்.

“பதிவிரதர் மஹாத்மியம்”

ஹரி : ஹரி ஓம் குருவே நம :

பத்மாவதி குருவே நம :

இ தானுக்கன் ஜெயதேவ்கின் கிரிவுஞ்சொ மஹா ரஜோ சதுர்கஜ சைன்யம் செந்தாபாடி கா³முக அவர தா²மு தெ கா³மு ரஜா பாரியான், பத்மாவதி ஜோவள் அவிகின் பிரேவ் ஹோர் நமஸ்கார் கெரிஸ்.

“ஓ அம்மா மொகொ கொன்னி களானு. மி சொக்கட் கெ³தி பொந்த³னெ மொகொ ஞானமார்கு உபதேஸ் தீ³ கபாட் அம்மா மெனி பாதம்மு நமஸ்கார் கெரிஸ்.

பத்மாவதி தெக செய்கினு, ஓ அம்மா பாக்யவதி, ரஜாக் ஒப்பயெஸ்தான் யோக்யவதி, மொகொ ஞான மார்கு கொன்னி களானு ஹொயெதி மோக்ஷி மார்கு மொகொ களயெதா⁴னுகு லிக்குனாஸ் தக்கன் சங்குஸ். தெ கோனக்ன மெனெதி ஸ்திரினுகு புருஷு¹டுஸ் பரமேஸ்வரு, புருஷு¹டுஸ் ஜெகதீஸ்புரு, புருஷு¹டுஸ் ஞான் தே³ஸ்திசான் குருவு, புருஷு¹டுஸ் மோக்ஷி தே³ஸ்திசான் தெய்வு, புருஷு¹டு கைங்கர்யமூஸ் ஸ்ரேஷ்டங்கன் சேஸ்திசான் புஜெ, புருஷு¹டு வத்தொ தொ³ப்பு னாத்தக் சல்லத்தேஸ் சொ²க்கட் கெ³தி பொந்த³த்தக் லெ²குவ் ஹொயெ வாட். பதிவர்த்தா தெரும் கபள்ளி அவத்தேஸ் ஸ்ரேஷ்டங்கன் சேஸ்திசான் ஞான். புருஷு¹டு நாமம் கொப்²பிம் ஹொடுல்லத்தேஸ் பிர்ம்மத்தி யான். புருஷு¹டு செரொ மொரத்தேஸ் மோக்ஷி. புருஷு¹டு மொரி தெமாமுஸி ஜீவ் சொட்டத்தேஸ் மோக்ஷி பொந்த³த்தக் லெ²குவ் ஹொயெ வாட். ஜு¹க்கு சாஸ் தர்னு களள்ளித்தெனெஸ் பதிவர்த்தொ. ஸ்ரேஷ்டங்கன் சேஸ்திசான் குண்ணுசாலீஸ் பதிவர்த்தொ. மோக்ஷி பொந்த³த்தெனெஸ் பதிவர்த்தொ. இக்கூய்யொ களள்ளி

பதிவர்த்தொ, பதிவர்த்தாதெ⁴ரும் தொப்பித்தெனெ
கெ⁴த⁴டு செர்ச்சமான். பதிவர்த்தோஸி காமதேனு
செர்ச்சமான். பதிவர்த்தொ பதிவர்த்தாதெ⁴ரும் தொப்
பித்தெனெ பொ⁴தி³ரின் ஸொம்மர் கா²ஸ். பதிவர்த்
தோஸி சரஸ்வதி செர்ச்சமான் பதிவர்த்தொ கொன்னி
தியான் கெரத்தக் வேஸ் நீ: பதிவர்த்தொ தெ⁴ரும்
கபள்ளி அவத்தேஸ் தெனெ கொர்னெ சேஸ்திசான்
காம். பதிவர்த்தொ பதிவர்த்தாதெ⁴ரும் தொப்பித்
தெனெ கெரெஸ்தான் தெ⁴ரும் அஸ்கி கெருமூஸ்.
பதிவர்த்தாதெ⁴ருமூஸ் சொக்கட் கெ³தி தே³ய். பதி
வர்த்தொ ஹாலீஸ் இ பு⁴லோக் ஹிப்³பிரெஸ். பதிவர்த்
தாரு தேவாதி தேவதுல்லு திருமூர்த்துல்லு த⁴க்கரேஸ்
மெனி சாஸ்தர் சங்கரேஸ். இ தா⁴னுக்கன் ஒன்ட்யான்
சங்கராஸ்.

அங்குன் சாவித்திரி அம்மொ தெக பதிவர்த்தா
தெ⁴ரும் ஹாலி மொரெஸ்தான் புருஷு⁴டுக் ஹு⁴டடிஸ்.
அங்குன் தமயந்தி தெக பதிவர்த்தா தெ⁴ரும் ஹால்
நஸத்தக் அவெத்திஸான் வேடனுக் ஜளிஸ். அங்குன்
சந்திரமொதி அக்கினிக் பனிஸொகன் சிள்ளொ கெல்
ரிஸ். அங்குன் ரேணுகாதேவி வளுக்கொடும்மு பனி
அனிஸ். புரந்தரகா புருஷு⁴டு ஸொகன் அவெஸ்தான்
பகவானுகு மாயொ ஜனிஸ். ஜலந்திரி திருமூர்த்துல்லுகு
ஜெகிஞ்சில்⁴:ஸ் அனுகுயா தேவி நாரதுடி அந்தியெஸ்
தான் உக்கூ கு³ண்டுக் சென்னெ கெரி தீ³ஸ். அங்குன்
திருமூர்த்துல்லுகு பா³லுகுடன் கெரிஸ். சீதொ ர²வனுக்
ஹாத் தெ⁴ரன் தே³லுத்திசகன் கெரிஸ். நளாயினி (7)
ஸாத்³தி³லெந்தும் சுரித் நிகுளன் தே³லுத்திசகன்
கெரிஸ். அருந்ததி வளு பா த் ஹந்தி க⁴லிஸ். அக்கினி
பகவானுக் மோகம் திர்ச்சத்தகு தெக பாரியான் திரிச்
சடை, அருந்ததி ருப் கடத்தக் முஸு⁴லுத்தக்கன்

தெட்டுகிட்டிஸ். மஹாலெக்ஷ்மி ஈஸ்புருகு பீர்ம்மஹத்தி
தோஷம் நிவாரண கெரிஸ். பார்வதி ஈஸ்புருகு தைர்ய
பாகம் தீ³ஸி. தெக பதிவர்த்தா தெ⁴ரும் ஹால் இக்கூ
தெனு சொவ்ரீக்கன் ஸே.

அங்குன் விஸ்தார்கன் சங்கூஸ் “ஒ ராஜபத்தினி,
அருந்ததி ம²ர்கெ பெ³ட்கிகன் ரியெதி மெள்ளாதகு
சுக்காருப்கன் பிரகாஸிஞ்சில்ரிஸ். அகல்லிகை ஸ்திரி
னுகு லெட்சன் தானு⁴க் ரீ : தூ³து சுந்தரும் உஜித்தெ
னெகன் ரீ : மெள்ளி தெக பதிவர்த்தா தெ⁴ரும்
தொப்பெ ஹால் புருஷு²டு சாபம் ஹால் தெனெ
தெ³ய்டாருப் ஹோயிஸ். ஹோராடுக்காலம்மு, பதி
வர்த்தா தெ⁴ரும் தொப்பெஸ்தான் அகல்லிகை
தெ³ய்டா ருப் ஹோயெஹால் விபசாரம் மெனஸ்தான்
படொ தொக்கி மெனி மெனரேஸ். பதிவர்த்தகன்
சேஸ்திஸான் அருந்ததி, சுக்கா ருப்கன் சேஸ்தெ ஹால்
பதிவர்த்தகன் சேஸ்திஸான் அருந்ததிக் செய் நமஸ்கார்
கெர்லெ மெனி சங்கரேஸ்.

தெ பதிவர்த்தா கு அசா²ரு, புஜெ, த்யானு
நிஷ்டொ இக்கூய்யொ கொன்னி வேஸ் நீ : பதிவர்த்தா
தெ⁴ரும் கபள்ளி அவத்தேஸி அசா²ரு, புஜெ, த்யானு,
நிஷ்டொ இக்கூய்யொ மெனி மென்னி பொடய். தேவ
குருவ்கன் சேஸ்திஸான் பிருகஸ்பதி பாரியாள் தாரா
தெக பதிவர்த்தா தெ⁴ரும் தொப்பெ ஹால் புருஷு²டு
சாபம் ஹால் அங்குன்னோகுர் நின்தொ கெரத்திஸகன்
ஸே. அங்குன் ரேணுகாதேவி அகாஸு²ர் ஜாரெஸ்தான்
கார்த்தவீரியார்ஜு²னுகு பனிம் நீடொ சீதி ஆச்சர்யம்
பொடெ மாத்ரம்மு தெகொ பதிவர்த்தா தெ⁴ரும்
தொப்பி வளுக்கொடும்மு பனி க²டத்தக் முஸு²னாத்தக்
கன் பரசாரம் ஹால் செக்கினிபொடிஸ். அங்குன்
த்ரௌபதாதேவி கர்னுக் சீதி ஆச்சர்யம் பொடெ மாத்

ரம்மு ஒண்டெ ரிஷி, கா²ஸ்திஸான் பொள்ளொ கொம்
மாம் தெ³ஸத்திஸான் பொள்ளொ கா²ல் பொடி பான்
தெங்கொ மொன்னு கவ்வய்ரெஸ். அங்குன் லஜ்ஜத்தி
ஸகன் னே.

பதிவர்த்தா தெ⁴ரும் கபள்ளி அவத்தேஸி பெ⁴ளி
உஸார்கன் ர²னெ. தெ கொகஹால்லா மெனெதி
பொ⁴ய் க²ல்லொ ஹொல்லொ கெருவாய், மொரெத்
தெங்கொ ஹுடவாய், திருமூர்த்துல்லுக் பொ³வந்
தட்டுவாய். இக்கூய்யொ பெ⁴ளி லெ²குவ் ஹோய்.
பதிவர்த்தா தெ⁴ரும் கபள்ளி அவத்தேஸ் பெ⁴ளி தூர்
லபம். பதிவர்த்தொ சஞ்சலம் பொந்தரெஸ்திசான்
மொன்னு உட்சி தெ⁴ரி அண்கடத்திஸான் பிர்ம்ம நிஷ்
டொஸி பதிவர்த்தா தெ⁴ருமுக் செர்மான் மெனி மென்னி
பொடய். புருஷுல்லுகு சலனம் பொந்தரெஸ்தான்
மொன்னு உட்சி தெ⁴ரி அண்கடத்திஸான் பிர்ம்ம நிஷ்
டொஸி மோக்ஷி. தபஸினுகு ஸ்திரினுகு சஞ்சல
மொன்னு தொப்³புனத்தக் சல்லத்தேஸ் மோக்ஷி பொந்
தத்தக் லெ²குவ் ஹொயெவாட். தபஸினுகு தூர்குண்
ணுகன் சேஸ்திஸான் ஸ்திரினுக் தெ³க்கெதி விக்கு.
தெ தா⁴னுக்கன் பதிவர்த்தகன் சேஸ்திஸான் ஸ்திரினுகு
தூர்குண்ணுகன் சேஸ்திசான் புருஷுடுக் தெக்³கெத்
விக்கு. உத்தம புருஷுடுகு பகவானாஸ் தெய்வு. உத்
தம ஸ்திரினுகு புருஷுடுஸ் தெய்வு. புருஷுல்லுக்
பகவான் ஒண்டெ தெனேஸ். ஸ்திரினுகு புருஷுடு
ஒண்டெ தெனேஸ். ஹெகத்தி³லெந்தும் பத்மாவதி
அம்மொ சங்கி முஸடஸ். அத்தொ ராஜஸ்திரின்
கேள்வி கெரிஸ்.

“ஓ அம்மா துமி சங்கெ தாணுக்கன் புருஷுடு
செராபாடி விரோத் கெர்லி ஜிவ்னாத்திஸகன் புருஷுடுஸ்
மாயி, பா³பு, மெனிகின் புருஷுடுஸ் குருவு, தெய்வு

மெனிகின் பக்தி செந்தாபாடி பணிவிடை கெருவாய். துமி சங்கெ தானுக் சல்லேஸ்தான் தெனு இ லோகூர் கொன்னீஸ் நீ : கோ³ஸ் வாக்கு ஹோர் மெனத்தகூஸ் ஹோய். துமி சங்கெதானுக் சல்லஸ்தக் பெ⁴ள்ளி அபு ருப் ஹோய் மெனி மெனிஸ்.

பத்மாவதி மாய் இ வத்தான் அஸ்கி ஐகி அஸில்லி பதிவர்த்தகன் சேஸ்திஸான் சீதேவி ஹௌடெ மாத் ரம்மு பொ⁴ய் ப²டால் கெரி பா²ட் தி³யெனிஹா? பதிவர்த்தகன் சேஸ்திசான் சகுந்தலொ ஹௌடெ மாத்ரம்மு ஆகாயவாணி ஆவி வத்தொ கெரினிஹா? நாகபாசம் ஹாலி ராமஸ்வாமியின் லெக்தமண் மொஜ்ஜியாஸ் மெனி சீதாதேவி ஐகினிபொடி தெ கெ⁴டும் பிராண் சொடத்தக் நிக்ளினிஹா? திரிச்சடை ஹால் பிராண் சொண்ணத்தக்கன் ஹோதினிஹா? மண்டோதரி ரவண் மொஜ்ஜெஸ் மெனி ஐகினி பொடி அவி தெ ஹோர் பொடி து⁴ளி தெ கெ⁴டும் பிராண் சொடினிஹா? பிராண் பிரிஞ்சத்தெ ஒண்டெ அபுருப்ஹா? ஒண்டெ பக்தி ஜாதும் மெள்ளோ பிராண் பிரிஞ்சி ஜேடய். புருஷு¹⁰டு மொரெத்தெகர் பு⁴லோசூர் ரியெத்தெகஹால் காய் சுகம் தெக ஹாலிம் பெ⁴ள்ளிதுக்கூஸ். புருஷு¹⁰டு மொஜ்ஜெஸ் மெனி ஐகினி பொட்டி புலோசூர் ராஸ்தான் தெனொ அதர்மஸ்திரின். தெ கெ⁴டும் உடன் கெட்டெ ஹிங்கிஸ்தான் தெனொ மத்திம் ஸ்திரின். தெ கெ⁴டும் பிராண் சொடிஸ்தான் தெனொ உத்தம ஸ்திரின்.

உத்தம ஸ்திரினு கு தெக தெக பிராண் ஸொம்மரு புருஷு¹⁰டு பிராணாஸ் ஸ்ரேஷ்டம். மி மெள்ளி திஸோஸ் சேஸ்தெ. பத்மாவதி மாயி ஒள்ட்யான் வாக்குதானுக் சங்கி ஹோவடாஸ்.

பத்மாவதிக்குருவே நம :

சபமஸ்து.

